

УЗБЕКИСТОН ФАЙЛАР АКАДЕМИЯСИ АВУ РАЙХОН БЕРУНИИ
НОМИДАГИ ШАРҚШУНОСЛИК ИНСТИТУТИ

ГУЛБАДАНБЕГИМ
ЗАҲИРИДДИН БОБУР ҚИЗИ

ҲУМОЮННОМА

ЗАҲИРИДДИН МУҲАММАД
БОБУРНИНГ ЎҒЛИ—ҲУМОЮН
ПОДШОҲНИНГ АҲВОЛИ

Темурйлар тарихи ҳамиша жаҳон муаррихларининг эъз мұхим мавзуларидан бирін бўлиб келган. Ҳусусан, Бобур ва унинг авладлари ҳақида турли мамлакатларда, турли тилларда жилд-жилд китоблар битилган. Бу борада ишлек манбаларниң аҳамияти бекиёсdir. Ана шу маънода Бобурниң қизи Гулбадан-бекимниң «Ҳумоюннома» асари Ўрта асрлар Шарқияниң бебаҳо тарихий-илемий ёдгорлиги ҳисобланади. 1996 йил ЮНЕСКОниң махсус қарори асосида машҳур француз олимни Бакке Громон томовидан бу асарниң франциз тилида чоп этилпши ҳам юқоридаги фикрининг и себотидир.

Анча иёблашиб қолган ушбу асарни қайта пашр этиб, китобхоналарга армугон этилпни лозим топдик.

Форс тилидан тарих фанлари доктори,
Ўзбекистон ФА мухбир аъзоси
Сабоҳат Азимжонова таржимаси.

Масъул мұҳаррир — ғылология фанлари доктори,
Ўзбекистон ФА академиги Азиз
Пұлатович Қаюмов.

Г 95

Гулбаданбеким Заҳириддин Бобур қизи.

Ҳумоюннома: Заҳириддин Мұҳаммад Бобур-нинг ўғли — Ҳумоюн подшоҳнинг аҳволи//Форс тилидан С. Азимжонова тарж.; Масъул мұҳаррир: А. П. Қаюмов/.—Т.:«Маънавият», 1998.—104 б.

Сарл. олдида: Ўзбекистон ФА Абу Райҳон Беруний номидаги Шарқшунослик ин-ти.

ББК 63.3(5У)

Г 4702620204-1
М 25(04)-98

© «Маънавият», 1998.

27244

10 292

1998 O'zb. Res. DIL
1117

«ҲУМОЮННОМА» ВА УШИНГ МУАЛЛИФИ ГУЛБАДАНБЕГИМ

«Ҳумоюннома» XVI асрда Ҳиндистонда Заҳириддин Бобурнинг набираси, Ҳиндистон шохи Ақбаршоҳ (1556—1603) даврида Бобурнинг қизи Гулбаданбегим томонидан ёзилган.¹

Гулбаданбегимнинг ёзишича, Ақбаршоҳ ўз даври тарихини абадийлаштириш мақсадида замонасиининг барча олимларига, қаршидош-уруглари ва амирларга мурожаат қилиб, «Бобур подшоҳ ва Ҳумоюн подшоҳ даври ҳақида «нимайки билсангиз ёзигиз» деб буюрган. Бу ҳақда Гулбаданбегим «Ҳумоюннома»да ёзади: «Фирдавсмакон ва жаннатошиён Ҳазрат ҳақидаги воқеалардан нимаинки билсангиз, ёзингиз, деган ҳукм бўлган эди. Фирдавсмакон Ҳазрат фоний дунёдан абадий дунёга риҳлат қилганларида бу ҳақир саккиз ёшда эди, шунинг учун юз берган воқеалардан эсимда оз қолган, эшитган ва эслада қолган воқеалар подшоҳ ҳукмига биноан шу китобда ёзилди». Шу буйруққа биноан Гулбаданбегим ҳам отаси Заҳириддин Бобур ва акаси Ҳумоюн подшоҳ ҳақида билган ва эшитган воқеалари асосида китоб ёзишга киришади. Дастлаб Гулбаданбегим ўз асарини «Аҳволи Ҳумоюн подшоҳ» деб атаган, лекин кейинчалик бу асар «Ҳумоюннома» номи билан машҳур бўлиб кетган. Эҳтимол, Гулбаданбегим асосан акаси Ҳумоюн подшоҳ тарихини яратмоқчи бўлгандир, лекин ҳар қандай ҳолда ҳам отаси Заҳириддин Бобур тарихини зулмамай ўта олмас эди. Шундай қилиб, Ўрта ва Яқин Шарқ ҳалқларининг ўрта аср тарихида фақат биргина аёл — Гулбаданбегимнинг қаламига мансуб бўлган тарихий асар «Ҳумоюннома» дунёга келган. Ўрта асрларда «Ҳумоюннома» Мовароуннаҳр, Кобул улуси ва Шимолий Ҳиндистоннинг машҳур тарихчилари ёзив қолдирган кўпчилик тарихий асарлардан ўзига хос нозик услуги, тарихий воқеалар баёнининг соддалиги ҳамда сермаънолиги билан ажralиб туради.

¹ «Ҳумоюннома»нинг бизгача етиб келган тўла бўлмаган ягона нусхаси Англиядаги Британия музейи қўллэзмалар фонидада сақланади.

Үрта асрларда «Ҳумоюннома», Кобул улуси ва Шимолий Ҳиндистоннинг машҳур тарихчилари ёзигб қолдирган кўпчилик тарихий асарлардан ўзига хос нозик услуби, тарихий воқеалар баёнининг соддалиги ҳамда сермаънолиги билан ажралиб туради.

Үрта асрларда Мовароуннаҳр ва Шимолий Ҳиндистонда яшаб ижод эган Мирхонд, Хондамир, Биноий, Муҳаммад Солиҳ, Искандар Мунши, Муҳаммад Ҳайдар, Абулфазл Алломий, Сунжан Рай Мунши каби машҳур тарихчилар қаламига мансуб тарихий асарлардан «Ҳумоюннома» тарихий воқеаларни фақат аёлларагина хос назокат ва латофат билан баён этиши, воқеалар талқинидаги синчковлиги билан фарқ қиласи.

«Ҳумоюннома»даги маълумотларга қараганда, Заҳириддин Муҳаммад Бобур вафот қилган йили — 1530 йил 26 декабр Гулбадан 8 ёшда бўлган. Онаси Дилдор бегим эди. Гулбаданбегим «Ҳумоюннома»да ўз онаси ҳақида фикр юритар экан, баъзан Дилдор оғача деб атаса, баъзан — «Онам ҳазратлари» деб ардоқлайди. Лекин Гулбаданбегим ёшлик чоғидаёқ ўз уласи Ҳиндол Мирзо билан бирга Бобурнинг катта хотини Моҳим бону тарбиясига топширилади. Шундан сўнг Моҳим бону вафотига қадар (1533) Гулбаданбегим Бобурнинг катта ўғли ва вориси Ҳумоюн Мирзо билан бирга тарбияланади. Гулбадан ҳар иккала онасини ҳам беҳад ҳурмат қилган. Унинг оналарига нисбатан меҳрмуҳаббат ҳислари ва садоқати чексиз бўлган. 1526 йил 27 апрелдан Заҳириддин Муҳаммад Бобур Ҳиндистоннинг Панипат шаҳри атрофида Деҳли салтанати ҳукмдори — Султон Иброҳимни (1517—1526) енгиб, Шимолий Ҳиндистонда ўз ҳукмронлигини ўрнатгач, Кобулга хат ёзигб, у ерда қўлган барча қариндош-уруғлари, дин пешволари ва давлат арбоблари, сандлар, олимлар, шоирлар ҳамда бутун ҳарам аҳлини Ҳиндистонга чақиради. Гулбаданбегимнинг ҳикоя қилишича, Кобулдан Ҳиндистонга йўл олган ушбу махсус карвон ичидаги 96 та аёл ҳам бўлган. Улар Заҳириддин Бобур хона-донига мансуб аёллар бўлиб, Кобулдан Ҳиндистонга энг олдин — карвоннинг бошида Бобурнинг катта хотини Моҳимбегим ва Гулбаданбегим стиб келишган. Шундан сўнг Гулбаданбегим дастлаб Ҳиндистонда — Бобур саройида, сўнгра Ҳумоюн подшоҳ (1530—1556), Акбаршоҳ (1556—1603) паноҳида умр кечиради.

Гулбаданбегимнинг «Ҳумоюннома» асари «Шимолий Ҳиндистон халқлари тарихини ёритишга, Бобурнинг кат-

та ўғли Ҳумоюн ҳукмронлик қилган давр тарихини очиб беришга бағишланган. Лекин асарда Гулбаданбегим отаси Бобур замонида бўлиб ўтган воқеалар ҳақида ҳам қисман ҳикоя қиласиди. Гулбаданбегим отаси Заҳирiddин Бобур вафот қилган пайтда жуда ёш бўлган. Шу сабабли Бобур замонидаги Ҳиндистонда юз берган воқеалар баёнида Гулбаданбегим «Бобурнома»га таянган. Лекин уларни ўша Бобур Ҳиндистонда ҳукмронлик қилган даврда содир бўлган воқеаларда иштирок этган ёки ўз кўзи билан кўрган кишилар ҳикоясига ҳамда ўз таассуратларига асосланган ҳолда баён қиласиди. Бу эса Гулбаданбегим ҳикояларининг қимматини оширади ва айрим ҳолларда «Бобурнома»даги воқеаларни ҳам қўшимча маълумотлар билан бойитади.

«Ҳумоюннома»нинг Заҳирiddин Бобур даврида Ҳиндистонда бўлиб ўтган тарихий воқеаларга бағишланган қисми 38 саҳифадан иборатdir. Гулбаданбегимнинг мана шу қисқа сатрлари фақат унинг ўзигагина хос услугда, форс-дарий тилида сермазмун иборалар воситаси билан баён қилинган. Китобнинг услуби ватили ғоят содда бўлса-да, асар мазмўни ниҳоят чуқур ва сермазмундиr. Нодир маълумотларга тўла бу асар ўша замонда ёзилган бошқа тарихий асарлардан ажралиб туради. «Ҳумоюннома» услуби ва воқеалар баёнини «Бобурнома» баёнига солиштиrsак, бу ҳар иккала асар услугининг бир-бирига ниҳоят яқинлигига гувоҳ бўламиз. Чунки, Гулбаданбегим «Бобурнома» услугига эргашган ва ўз асари «Ҳумоюннома»ни «Бобурнома» мазмунни ва услугига тақлид қилиб ёзган.¹

Заҳирiddин Бобур Гулбаданбегим учун фақат муқтарам падари бузург бўлиб қолмай, балки унинг ўрта аср Шарқ тарихида аёллардан чиқсан ягона тарихнавис олима бўлиб вояга етишишда ибрат бўлган устоз ҳамдир. «Ҳумоюннома» саҳифаларидан бирида биз Гулбаданбегимнинг «...гарчи бу воқеалар отам ҳазрагларининг китоблари «Воқеанома»да ёзив қолдирилган бўлса ҳам, биз уларни табаррук билиб келтирдик», деган жумлаларини ўқиймиз. Бу ҳол Гулбаданбегим «Бобурнома»нинг ўзбек тилидаги илк нусхаларидан

¹ Биз бу ҳақдаги фикримизни 1988 йили ГФРнинг Гамбург шаҳрида бўлиб ўтган Жаҳон шарқшуносларининг 32-конгрессида қиласан илмий маъruzamizda баён қиласиди эдик.

² Гулбаданбегим, «Ҳумоюннома» — «ФАН», 1959. Форсий матнининг 2-бетига қаранг.

бирини қайта-қайта ўқиб чиққанидан ва ўзининг она тили-ўзбек тилини, Алишер Навоий ва Бобур тилини ниҳоят яхши билганидан далолат беради. Бу фикрни «Хумоюннома»да учраб турадиган ўзбек тилида ёзилган айрим сатрлар ҳам тасдиқлайди.

Шу билан бирга «Хумоюннома»да «Бобурнома»да учрамайдиган шундай маълумотлар ҳам борки, уларнинг кўпчилигини Гулбаданбегим ўз бошидан кечирган воқеалар асосида ёзган. Бундай сатрлар Гулбаданбегимнинг ўзига хос ақл-идрокининг мукаммаллиги ва чуқурлигини билдиrsa, унинг таъсирчан юрак ҳарорати сезилиб турган жумлалари, «Хумоюннома»нинг ўша даврдаги бошқа тарихий асарлардан фарқи бепоенилигидан ҳам далолат беради. Масалан, у ўзининг Моҳимбегим билан Кобулдан Аграга келиш тарихи ҳақида тўхтаб қўйидаги жумлаларни ёзади:

«Рано Санго фатҳидан бир йил ўтгач, окам¹ ҳазратлари Моҳимбегим Кобулдан Ҳиндистонга келдилар. Мен ҳам подшоҳ бобом ҳазратларини кўргани у киши билан бирга оналаримдан олдин келдим. Онам кўли Жалолийга етгач, Агра томон тез йўл олдик, подшоҳ ҳазратлари бизни Жалолий кўлида учратишни мўлжаллаган эдилар. Намозшом пайтида бир киши келиб: «Ҳазратни икки курва нарида қолдириб келдим»,— деди. Подшоҳ бобом ҳазратлари то от келтиргунларига-ча тоқат қилмай, пиёда йўлга тушиб, Нинча-Моҳим уйи олдида биз билан учрашдилар. Онам отдан тушмоқчи бўлдилар, лекин бобом кутмасдан ӯзлари онамнинг отлари жиловидан ушлаб, ўз уйларига келгунча пиёда келдилар.

Онам подшоҳ бобомнинг олдига келганларида менга, кундузи келиб ҳаэррат билан кўришгин, деб буюрдилар...»²

Гулбаданбегим ҳаётни ва илмий фаолиятини ўрганиш унинг тарихчи олима, шоира бўлиб шаклланишида XV—XVI асрларда Мовароуннаҳр, Хурросон ва Ҳиндистонда мавжуд бўлган адабий-маданий муҳитнинг таъсири катта бўлган, деган холосага олиб келади.

Гулбаданбегим «Хумоюннома»да Бобурнинг Ҳин-

¹ Гулбадан ўз асарларида «онам» сўзи ўршига «окам ҳазратлари» ва «отам» сўзига нисбатан «бобом ҳазратлари» ибораларини қўллади.

² Гулбадавбегим, «Хумоюннома», «ФАН», Тошкент, 1959, 35-бет.

дистондаги Панипат останасидаги Султон Иброҳим Лўдий билан қилган жанг баёнига тўхтар экан, Бобур қўшинларининг ҳарбий кучини душман қўшинининг кучига солиштиради ва жанг майдонидаги айрим муҳим ҳодисалар ҳақидаги тасаввурини шу жангда иштирок этган хеш ва ақраболарининг муфассал ҳикоялари билан тўлдиради. Айрим ҳолларда эса бу воқеалар тақдирини ҳал қилган айрим ҳодисаларга ҳам мукаммал тўхтайди. Гулбаданбегимнинг ёзишича, Панипат жангида Бобурга қарши отланган душман ўн саккиз мингдан ортиқ аскарга ва бир яром мингга яқин ҳарбий филга эга бўлган; ана шу даҳшатли қўшинга қарши Бобур қўл остида фақат ўн икки минг кишигина бўлиб, ундан урушга ярайдиган қисми фақат олтиетти минг кишини ташкил қилган холос, қолганлари эса савдогарлар ва бошқалар бўлган.

Гулбаданбегим Панипат жангидан сўнг Ҳиндистонда бўлиб ўтган воқеаларни баён қилар экан, Бобур қўшини ва ҳатто сарой аҳли ичидагатта норозилик ҳоллари ҳам мавжуд бўлганлигини эслатиб ўтади. Бобур сафдошлари ичидаги Ҳиндистон шароитидан ва унинг иссиқ ҳавосидан нолиш, Ҳиндистон об-ҳавосига чидамсизлик туфайли парокандалик бошланган. Бобур бундай норозиликларнинг олдини олишга ҳаракат қынган, лекин айни бир вақтда давлатда таъсир доираси кенг айрим амирларга рухсат беришга мажбур ҳам бўлган. Гулбаданбегим, шулар жумласидан, Бобурнинг энг кўп ихлос қўйган амири ва саркардаси, яъни Хўжа Калон ҳақидаги ҳикояни ҳам келтиради. Гулбаданбегимнинг ёзишича, Бобур шарафига ҳамма ерда уч кунгача алоҳида-алоҳида хурсандчилик қилишга буюрилган. Ко-булда, Аграда, Деҳлида катта маъракалар уюштирилган. Деҳли мұяссар бўлгач, теварак атрофдаги ҳамма вилоятларга Бобур элчилар юбориб, «кимдаким агар бизга келиб мулозимат қилса, ҳар томонлама раъийат қиламиз, агар улар ичидаги ота-боболаримизга хизмат қилган кишилар бўлса катта мукофотга сазовор бўладилар. Соҳибқирон ва Чингизхон авлодидан бўлган ҳар бир киши бизнинг даргоҳимизга қайтиб келсинлар», деган қатъий буйруқ берган ва унда «худо бизга Ҳиндистон мамлакатини ато қилди, келсинлар, то бу давлатни бирга сўрайлик», дейилган. Шу буйруққа асосан Мовароуннаҳрдаги темурийлар сулоласининг маглубияти туфайли ҳар шаҳарда қолиб кетган Бобур авлодлари Ҳиндистонга қараб йўл олганлар. Бобурнинг

кўп қариндош-уруглари, Султон Абу Саид¹, Султон Маҳмудхон², Султон Аҳмадхон³нинг қизлари, умуман 96 қишидан иборат бегимлар ва хонимлар Бобур саройига келишган. Бу воқеанинг аҳамияти шундаки, Бобур уларнинг ҳар бирiga «жой, ер ва кўнгиллари тилаган инъомларни тайин қилган». Демак, Бобур Ҳиндистонни қўлга киритгач, Мовароуннаҳрдаги темурийлар сулоласи даврида ҳукм сурган феодал муносабатларни ўз сиёсатида қўллаган.

Гулбаданбегим ўз асарида келтирган бу сатрлар Бобур Ҳиндистонда ўз ҳукмронлигини тиклагандан сўнг Мовароуннаҳр халқларининг ижтимоий ҳаётига мансуб бўлган айрим урф-одатларнинг Ҳиндистон халқлари ижтимоий ҳаётига кириб келганлигидан далилат беради.

Гулбаданбегим Бобурнинг сўнгги ярим йиллик ҳаётини Аграда ўзининг шахсий кузатишлари асоцида ёзади. Асарнинг Бобур ҳақиқидаги ана шу қисми, айниқса, диққатга сазовордир, чунки у бошқа тарихий машбаларда учрамайдиган нодир маълумотларни келтирадики, бу билан Бобур ҳаёти ва фаолиятига кўп янгиликлар қўшади.

Гулбаданбегимнинг Аградаги дастлабки ҳаёти осоишишта ўтади. Заҳириддин Бобур Моҳимбегим ва Гулбаданбегим билан биргаликда Аграда Девалпур ҳамда Сикри атрофларида саёҳат қиласиди. Бу ерда Жамму дарёсининг иккала қирғози бўйлаб бинолар қурилаётганини ва барпо қилинган тош саройни томоша қиласиди.

Гулбаданбегимнинг ёзишича, Сикридаги боғда ҳам Заҳириддин Бобур бир қанча бинолар барпо қилган; уларнинг биридда Бобур «Воқеанома», яъни «Бобурнома»ни ва шеърларини ёзган.

Гулбаданбегим Аграда рўй берган воқеаларни содда ва муфассал тасвирлайди. Унинг ёзишича, шу вақтларда Бобурда дарвешлик кайфиятлари кучайган ва у таҳтини ўғли Ҳумоюнга топшириб, ўзи Аградаги Зарафшон боғининг бир бурчагида ўлтироқчи бўлган: «Кўнглим салтанат ва подшоҳликдан олинди; шу Зарафшон бо-

¹ Абу Саид (1431-1449) — Темурининг ўғли Мироншоҳ Мирзоининг пабираси.

² Султон Маҳмудхон — Тошкент ҳокими, Бобурнинг тогаладан бири Юнусхонининг ўғли.

³ Султон Аҳмадхон — Бобурнинг тогаси, Тошкент ҳокими Юнусхонининг ўғли.

гида бир бурчакда ўтирасам. Менинг хизматим учун Тоҳир офтобачи ҳам етиб ортади»¹, деган экан. Сарой аҳли — Бобур атрофидағи унга әңг яқин бўлган давлат арбоблари ва Бобур хонадонидагилар подшоҳнинг бу фикридан мулзам бўлиб, подшоҳни бу фикридан қайтишга мажбур қилганлар. Уни Гулбаданбеким «Ҳумоюннома»да алоҳида қайд қиласди. «Ҳумоюннома»да ёзиб қолдирилган Бобур ҳақидаги бу маълумот ҳақиқатдан узоқ бўлмай, айни бир вақтда Бобур қалбидан юз берган руҳий тушкунликнинг рўй-рост тасвиридир. Бобурнинг бу ҳолини, унинг

Неча даврон гуссаси бўлгай менинг жонимга хос,
Кошки ўлсам, доғи бу гуссадан бўлсанм ҳалос,—

деган машҳур байти тасдиқлайди.

Гулбаданбеким ўз даврининг мураккаб сарой ҳаётига ҳам аҳамият беради. У Бобур хонадонининг бизга маълум кўпгина тарихий асарларда учрамайдиган нозик хусусиятларини тасвирлайди. У ўз замонининг давлат аҳамиятига эга бўлган тарихий воқеаларига тўхтар экан, дипломатик ва савдо муносабатлари билан бир қаторда, онлавий шаронтлари, тўй ва аза маросимлари билан боғлиқ бўлган анъанавий одатлар, уй-рўзғор асбоблари, кийим-кечак турлари каби тарихий манбаларда кам учрайдиган масалаларга ҳам тўхтаб ўтади. Бу ҳол Бобур ва унинг ворисларининг шахсий ҳаётини мукаммал ўрганишга имкон беради. Умрининг кўпчилик қисмини ҳарбий урушларда ўtkazган Бобур ва Ҳумоюн ҳарбий юришлари вақтида, асосан, алоҳида чодирларда яшаганлар. Гулбаданбеким «Ҳумоюннома»да уч хил чодир қўлланилганини қайд этади ва бирини Чодир, иккинчисини Шомиёна, учинчисини эса Саропарда деб ажратади. Бу чодирларнинг устки қисми майни мовут билан қопланган бўлиб, ички қисмига Гужарот зарбоби билан оро берилган. Чодирларнинг гуллари ҳар хил ранглар билан безатилган бўлиб, айрим чодирларнинг гуллари ҳатто маҳсус олтин иплар билан тикилган; шуни қайд этиш керакки, «Ҳумоюннома»нинг этнографик манба сифатида қиммати бекиёсdir. Бу жиҳатдан Ҳумоюн подшоҳ билан Гулбаданбеким ўртасида бўлиб ўтган бир суҳбат диққатига

¹ Гулбаданбеким, Ҳумоюннома, «Фав», Тошкент, 1959, Форсий матн, 24-бет.

сазовордир. Ҳумоюн подшоҳ бир юришдан қайтиб келиб, саройдаги бегимлар билан учрашади. Лекин ордан узоқ вақт ўтганлиги сабабли Гулбаданин танимай қолади ва «Олдин сени танимадим, чунки Гурибанголага ғолиб лашкарни тортган вақтимда, сен тоқи кияр эдинг, ҳозир лачак, қасабада кўрганим учун танимай қолдим», деб у билан кўришади.

«Ҳумоюннома»да XVI асрда Бобур ва, айниқса, Ҳумоюн саройидаги хотин-қизлар аҳволи ва уларнинг феодал жамиятида тутган мавқелари ҳақида ҳам кўп маълумотлар мавжуд.

Гулбаданбегимнинг ёзишича, «бегимлар» айрим ҳолларда давлат ишларида катта ўрин тутганлар. Масалан, Гулбаданинг ўзи Ҳумоюн подшоҳ даврида давлат миқёсидаги дипломатик муносабатларда иштирок этган. Умуман саройга яқин хотин-қизларнинг ўрини кейинги асрларга нисбатан юксак бўлган. Улар шодлик кунларда мардона эркакча кийимлар кийганлар та чавандозлик, тирандозлик каби ўйинларда қатнашганлар.

Гулбаданбегим ўз асарида Тилсим тўйи муносабати билан тўй маросимиға йиғилган бегимлар ҳақида тўқталар экан, подшоҳнинг ўнг томонида зардўзи кўрпачаларда ўтирган бегимларнинг исмларини бирма-бир санаб ўтиб: «Булар мардона кийимларни кияр эдилар ва захиртарошлиқ, чавандозлик, тирандозлик каби ҳар хил ҳунарларга уста эдилар ва созлардан кўпчилигини чалар эдилар», деган жумла билан ўз даврининг зодагон хотин-қизларининг ҳарбий ҳаётдаги юқори мавқеларига алоҳида баҳо беради. Бегимлар орасида Султон Ҳусайн набираси Музаффар Мирзонинг қизидан тортиб, то Бобур подшоҳнинг тоғалари — Султон Маҳмудхон, Олачахон лақаби билан машҳур бўлган Султон Аҳмадхоннинг қизлари, «Тарихи Рашидий» китобининг муаллифи Мирзо Ҳайдарнинг опалари ҳам бўлганлар. Бир-бираининг акси бўлган икки санъатни — созандалиқ ва ҳарбий санъатни яхши эгаллаган бегимлар орасида тарбияланган Гулбаданбегим эса ўзининг тарихий билимларга бўлган қизиқини билан улардан бир неча бор устун турган, шунинг учун ҳам тарихий жиҳатдан ишҳоят муҳим ва нодир асар «Ҳумоюннома»нинг муаллифи бўла олган.

Гулбаданбегимнинг Мир Маҳди Мирзонинг «Таэкиратул-хавотин» асарида келтирилган «Севгисиз ҳаётда

маъно йўқ», деган мазмундаги икки байтига қараганда¹, шеъриятдан ҳам хабардор бўлган. Унинг ёзишича, Тилсим тўйига келган бегимларнинг умумий сони 96 га етган. Уларнинг ҳаммаси улуфадор бўлганлар. Бобур Ҳиндистонни қўлга киритгандан кейин Шайбонийхон ғалабаси туфайли тарқалиб кетган ва сўнг Ҳиндистонга Бобур паноҳига келиб қолган темурийлар сулоласига алоқадор бўлган ҳар бир авлодга Ҳиндистонда катта имкониятлар яратиб берган эди. Юқоридаги сатрларга қараганда, бу имкониятлардан унинг авлодидан бўлган хотин-қизлар ҳам кенг фойдаланганлар. Албатта, улар учун тайинланган улуфалар, унинг миқдори қандай бўлишидан қатъий назар, умрбод қилиб белгиланган бўлиши керак. Китобнинг бошқа бир саҳифасида келтирилган маълумотга кўра, Ҳиндистонда Бобурийлар саройидаги бегимларнинг тутган ўрни анчагина юқори бўлган. Бу жиҳатдан Ҳумоюн подшоҳнинг Ҳамидабону бегимга уйланиш тарихи қизиқдир. Ҳумоюн подшоҳ Ҳамидабону бегимни Ҳиндол саройида кўриб қолиб, уни яхши кўриб қолган ва иккинчи марта у билан кўришиш учун чақирилса, у бўйин товлаган, совчи юборса, подшоҳга турмушга чиқишини қатъиян истамаслигини изҳор қилиб, рад жавобини берган; шунда орага Гулбаданбекимнинг онаси Дилдорбеким тушнаб: «Ахир бир кишига тегасан-ку, подшоҳдан ҳам яхши киши бўладими?» деса, Ҳамидабону бегим унга жавобан: «Қўлузатсам бўйнига етадиган кишига чиқмоқчиман!». дегав жавоб берган. «Ҳумоюнома»нинг яна бошқа бир саҳифасида аёлларнинг Ҳиндистонда Бобурийлар саройида маълум даражада юқори мавқега эга эканликлари ва айрим ҳолларда подшоҳ ва бошқа шаҳзодалар уларнинг фикр ва мулоҳазаларига эътибор билан қараб, амал қылганликлари ҳақида ниҳоят подир маълумотларни қайд қилинади. Гулбаданбеким Ҳумоюн подшоҳ саройидаги бегимлар подшоҳнинг айрим ҳолларда уларга беэътибор муносабатда бўлганлигидан ранжиб, ўзларининг норозиликларини очиқ билдирганларнда, подшоҳ улардан кечирим сўраб «тилхат» берганилиги ҳақида ҳикоя қиласи.

«Ҳумоюнома»нинг Заҳириддин Бобур даврига бағишланган қисми Бобур вафоти воқеалари билан якунланади. Гулбаданбеким кўзи тўла ёш, аламга тўлган

¹ Тақириатул-хавотин, инв № 3478, 9-бет, ЎзФА Шарқшунослий институти қўлбозмалар фондида сақланади.

қалб зардоби билан отасининг вафоти тарихини ёзар экан, у шу мудҳиш воқеа рўй берадиган дақиқада Бобуринг қадрдонлари, қариндош-уруғлари, оила аъзоларининг кечирган мусибат ва юрак дардларини шундай жўшқин баси қиласидики, бу сатрларни ўқиётган киши ўзини худди ўша маросимда иштирок этгандек ҳис қиласиди. Бундай юксак маҳорат фақат Гулбаданбегимнинг ўзигагина хосдир.

Гулбаданбегим Бобуринг ўлимига қандай дард сабаб бўлганини аниқ ёзмайди. Лекин у ўғли Ҳумоюн оғир касал бўлиб, ўлим тўшагида ётган чогида унинг жонига ўз жонини фидо қилиб, «жонга жон» беришга тайёр экани ҳақидаги ҳикоятни келтирадди: «Менки, Бобурман, ўмри жонимни ўғлим Ҳумоюнга бағишлийман», деб айтганини ва шундан сўнг, Бобуринг ўзи касал бўлиб ётиб қолгани ва Ҳумоюн эса ўша куниёқ ўрнидан туриб кетганини ҳикоя қиласиди. «Бобур ниҳоят озиб кетган ва табиблар қанча даво қилмасинлар, ҳеч қандай чора топа олмаганилар. Сўнг Бобур ўз ҳузурига амирлар ва яқинларини чақириб: «Кўп йилардан бери Ҳумоюн Мирзога подшоҳлигимни топшириб, ўзим Зарафшон богининг бир бурчагида турсам деган фикрим бор эди. Ҳудонинг карами билан ҳамма нарса муяссар бўлди. Лекин, мана шу мақсадимни соғ пайтимда қилсам, деган эдим, бўлмади. Касал мени эзив қўйди. Сизларга васиятим шуки, «Ҳаммангиз Ҳумоюнни менинг ўрнимга деб билинглар ва унинг ҳукмронлигигини камситманглар. У билан мувофиқ ва ҳамжиҳат бўлинглар»,—дедилар, бу сўзлардан у ёрда турганлар ва буни кўрганларинг ҳаммаси йиғлаб юборишиди. Подшоҳнинг муборак кўзлари ҳам ёшга тўлди¹,—деб ёzáди Гулбаданбегим.

«Бу воқеани ҳарамдагилар ва ташқаридаги кишилар ҳам эшлиши ва йиги-сифи, тўполон бўлиб кетди. Уч куидан сўнг ҳазрат подшоҳ ўткинчи дунёдан абадий дунёга ўтдилар. 937 йил жумодил аввал ойининг бешинчи куни — душанба куни (яъни 1530 йил 26 декабр) вафот тарихларидир», дейилади «Ҳумоюннома»да.

Гулбаданбегимнинг «Ҳумоюннома»да келтирган нодир маълумотлари орасида отаси Заҳирiddин Муҳаммад Бобур ва акаси Ҳумоюн давридаги Ҳиндистоннинг ички ва ташқи сиёсий ҳаётига онд маълумотлар ҳам ниҳоят муҳимдир. Масалан, унинг Агра шаҳридан Де-

¹ Ҳумоюннома, Тошкент, 1959, 41-бет.

валпурга қилган сафари тафсилоти ёки унинг Гвалиор ёки Сикри — ҳозирги Фатхпур Сикри ва Агра шаҳарларида Бобур олиб борган қурилиш ишлари баёни шулар жумласидандир. У ҳақда Гулбаданбегим: «Аграга келганимиздан кейин уч ой ўтгач, подшоҳ ҳазратлари Девалпурга кетдилар: «Ҳазрат Моҳимбегим билан мен ҳам саир қилиш мақсадида Девалпурга жўнадик. Девалпурда бир бутун тошини ўйиб, ўн квадрат газ ҳажмлик ҳовуз қазилган эди. У ердан Сикрига жўнадилар. Кўлнинг ўртасида катта супа ясашни буюрдилар. Бу супа тайёр бўлгач, кемага ўтириб, у ерга бориб саир қилар ва супага ўтирас әдилар. У супа ҳозир ҳам сақланган. Сикрида боғда шийлон бино қилган әдилар. Бу шийлонда «тўрхона» — юқори ҳужра бино қилдириб, унда ўтириб қуръон¹ ёзар әдилар», — деб эслайди. Гулбаданбегимнинг бу сатрлари «Бобурнома» ва Хиндистонда ижод қилган шеърларининг маълум кисми Захиридин Бобурнинг ўзи Девалпурда бино қилган тўрхонада ёзилганидан далолат беради.

Бобурйлар даврида юқори табақага мансуб аёллар мамлакатининг ички ва ташқи ҳаётида тутган ўринлари ҳақидаги Гулбаданбегим «Ҳумоюннома»да келтирган маълумотлар ҳам ниҳоят иодирдир, чунки бундай маълумотлар бошқа манбаларда асло учрамайди. Шундай аёллардан бири — Гулбаданбегимнинг ўзи эди. У акаси Ҳумоюн подшоҳ (1530—1556), сўнг Акбаршоҳ (1556—1603) даврида Хиндистонда давлат ишларига аралашган, айрим ҳолларда эса саройдаги ўзаро муносабатларни ҳал қилишда унинг фикр ва мулоҳазалари катта эътиборга эга бўлган.

Ана шундай аёллар қаторида Фарғонада Бобурнинг бувиси Эсондавлатбегим, Хиндистонда эса Ҳумоюн ва Акбаршоҳ саройида Ҳонзодабегим, Моҳимбегим, Дилдорбегим ва Бадахшон ҳокими Султон Иброҳимнинг онаси Хуррамбегим ва бошқалар бўлганлар.

«Ҳумоюннома»да ўз давридаги юқори табақага мансуб машҳур аёллар ҳақида қизиқ ҳикоялар келтириллади. Жумладан: Бобурнинг бувиси Эсондавлатбегим Фарғона ҳокими — Бобурнинг отаси Умаршайх вафот этгач (1494 йил), Муҳаммад Бобур давлатига қарши курашга отланган ташқи душманлар ҳамласини барбод қилиш мақсадида барча сарой аҳли — амирлар,

¹ Бу ерда мазмунан гац Бобур ихтиро қилган маҳсус алифбода ёйилган Қуръони Карим ҳақида бораётир, деб ўйлаймиз.

саидлар ва ҳарбий саркардаларни курашга уюштира олган. Худди шундай ҳол Бадахшонда ҳам рўй берган. Бадахшонда гарчи Султон Иброҳим ҳукмрон бўлса ҳам, лекин у ёш бўлгани учун давлатни онаси Ҳуррамбегим бошқарган. Шу сабабли бўлса керак, зарур бўлиб қолганда Ҳумоюн подшоҳ Султон Иброҳимга эмас, Ҳуррамбегимга мурожаат қилас эканлар.

Масалан, 1548 йили Ҳумоюн подшоҳ кўпчиликнинг норозилигига қарамай, Балхга — Шайбонийларга қарши отланади, лекин бу жангда Ҳумоюн аскарлари мағлуб бўладилар. Унинг ўзи эса қаттиқ яраланади. Худди шу вақтда пайтни ғанимат билган Комрон Мирзо бу имкониятдан фойдаланиб, Кобулни қўлга киритади. Ҳумоюн Кобулни Комрон қўлидан тортиб олиш учун Бадахшон ҳокими Иброҳимнинг онаси Ҳуррамбегимга элчи юбориб, Бадахшон қўшинининг унга ёрдамга келишини илтимос қиласди. Ҳуррамбегим аёл киши бўлишига қарамай жуда қисқа вақт ичиди Бадахшон қўшинини тўплаган ва уни тоғ оралиғигача ўзи бошлаб олиб келиб қўйган.

«Ҳумоюннома» саҳифаларини синчковлик билан ўқир экансиз, унда бу асарнинг тенги йўқ муаллифи, чуқур илм соҳибаси, олимга ва шоира, ўрта аср шарқининг ягона тарихнавис аёли бўлган Гулбаданбекимнинг ўзи ҳақида маҳсус сатрларни учратмайсиз. Гулбадан Ҳумоюн даврида Ҳиндистонда ва Кобул улуси ўртасида рўй берган сиёсий курашлар ва ака-укаларнинг ўзаро таҳт учун олиб борган жанглари қаторида ўша замон ижтимоий ҳаётини тасвирлайдиган маълумотлар, яъни уй-рўзғор, тўй ва аза маросимлари ҳақида бошқа тарихий асарларда учрамайдиган нодир маълумотларни ҳам акс эттирас экан, ўзининг шахсий ҳаётни ҳақида ҳеч қандай маълумот бермайди. Унинг асосий мақсади отаси Заҳириддин Муҳаммад Бобур вафтидан сўнг акаси Ҳумоюн подшоҳнинг Ҳиндистонда қўлга киритган ғалабаси ва ўз давлатини мустаҳкамлаш мақсадида олиб борган ички ва ташқи сиёсатини ёритиш эди.

Айни бир вақтда бу асар Ҳиндистон шоҳи Акбаршоҳнинг маҳсус буйруғи билан тарихнавис Абулфазл Алломий томонидан ёзилиши лозим бўлган «Акбарнома» учун нодир манба тарзида мўлжалланганлиги сабабли ҳам Гулбаданбеким ўзи ҳақида тўхталмаган бўлса керак. «Ҳумоюннома»ни ўрганиш унинг муаллифи ўша замоннинг Заҳириддин Муҳаммад Бобур, Жаҳор

офтобачи, Абулфазл Алломий, Султон Рай Мунши ва бошқа кўп машҳур тарихчилари қаторидан ўрин эгаллаганлиги ва замонасининг ягона машҳур тарихнавис олима аёли эканлигидан далолат беради. Гулбаданбегим «Ҳумоюннома»да Ҳиндистонда Заҳириддин Бобур вафотидан кейин бўлиб ўтган сиёсий воқеалар баёнини ниҳоятда мукаммал акс эттирган. Чунки Гулбаданбегим нафақат ўзи ўша даврда Ҳиндистон диёрида Ҳумоюн подшоҳ ва Акбаршоҳ замонида бўлиб ўтган барча воқеаларнинг шоҳиди бўлган, балки шу билан бирга бу мурраккаб тарихий воқеаларда шахсан иштирок этган кишиларнинг рўйирост ҳикояларидан ҳам фойдаланган. Шу жиҳатдан «Ҳумоюннома»нинг Ҳумоюн подшоҳ даврига бағишланган қисмининг тарихий аҳамияти ҳам беназирдир.

Маълумки, Заҳириддин Муҳаммад Бобур вафотидан кейин (1530 йил) Ҳиндистонда ички ва ташқи феодал курашлар ниҳоят авж олиб кетади. Бу курашлар натижасида Ҳиндистон халқларининг аҳволи оғирлашади. Мамлакатда қимматчилик, айрим ҳолларда очлик ҳам авжга чиқади. Бу ҳол нафақат эзилган халқ аҳволини, айрим ҳолларда эса сарой аҳли ва бошқа феодалларни ҳам оғир иқтисодий аҳволга тушириб қўяди.

Гулбаданбегим ўз асарида мамлакатда рўй берган бу иқтисодий етишмовчилик ва қашшоқликнинг асосий сабаби ўзаро феодал курашлар эканини очиқдан-очиқ айтади. Сиёсий ва иқтисодий жиҳатдан заифлашган мамлакатни Ҳумоюн узоқ ушлаб тура олмайди.. У узлуксиз курашлардан сўнг, 1540 йили Ҳиндистонни Шершоҳ Сурга қолдириб, Кобул ниятида чиқиб кетишга мажбур бўлади. Лекин ўз укалари Комрон Мирзо билан Аскарий Мирзо уни Кобулга қўймайдилар. Шундан сўнг у Эронга — шоҳ Тохмасп саройига бошпана истаб кетишга мажбур бўлади. Бу даврда Гулбаданбегим Қобулда қолган эди, лекин у шоҳ Тохмасп саройидаги Ҳумоюн подшоҳ аҳволини Ҳумоюннинг хотини Ҳамидабону бегим ва бошқа яқинлари ҳикоялари асосида ёритади.

Гулбаданбегим «Ҳумоюннома» саҳифаларидан нозик таъб, юксак дид, узоқни кўра оладиган, оқила ва фаросат соҳибаси, ўз даврининг мурраккаб ижтимоий ва сиёсий ҳаётини ақл-идроқ билан таҳлил қила оладиган олима сифатида кўринади. Бу жиҳатдан Гулбаданбегим

китобидаги Ҳумоюн подшоҳ даврида Ҳиндистонда рўй берган воқеалар тавсифи муҳимдир.

Маълумки, Захириддин Мұхаммад Бобурнинг Ҳиндистон учун бўлган охириги жангни — ҳозирги Фатҳпур шаҳри ўрнида Рано Санго билан бўлган 1526 йилнинг 16 март кунидаги жанг Бобурнинг ғалабаси билан тугаган эди. Бу ғалаба Ҳиндистонда бобурийлар ҳукмронлиги борасида энг йирик омил бўлган эди. Шу ғалабадаи сўнг Бобур Шимолий Ҳиндистонда Амударёдан Бенгалиягача ва Ҳимолайдан Гувалиёргача бўлган ерларда ўз ҳукмронлигини ўрнатади. Афсуски, ўзининг бу буюқ ғалабасидаи кейин узоқ яшамайди. У 1530 йилнинг 30 декабр куни оламдан ўтади. Шундан сўнг Захириддин Бобурнинг тўнғич ўғли Ҳумоюн отасидан кейин 23 ёшда Ҳиндистон таҳтига ўтиради. Унинг учта укаси: Комрон, Аскарий, Ҳиндол Мирзолар бўлиб, булар орасида Комрон ҳар жиҳатдан укаларидан ажралиб турар эди. Айрим ҳолларда эса Ҳумоюндан ҳам тадбиркорроқ эди.

Бобур давридаёқ у Кобул билан Қандаҳорнинг расмий ҳокими эди. Лаҳор ҳам унинг қўл остида ҳисобланар, Бобурнинг энг нуфузли бош амири Хўжа Калон Комроннинг Кобул ва Қандаҳордаги бош амири эди. Ҳумоюн таҳтга ўтириши биланоқ Комрон Мирзога Кобул билан Қандаҳордан ташқари Панжоб билан Ҳинд воҳасини ҳам қўшиб беради. Ҳумоюннинг ўз улуси бўлмиш Сабҳални эса Ҳиндол қўл остига, Меварт таҳтини эса Аскарий Мирзога топширади. Ҳумоюннинг бу тадбири унинг ўз давлатини ҳал қилувчи иқтисодий районлардан ажратиб қўяди. Бунинг устига Гужарот подшоҳлиги ва Бенгалия билан Бихарда ҳукм суроётган кучли аффон феодаллари Ҳумоюнга қарши куч тўплай бошлаб, Ҳумоюнни саросимага солиб қўядилар.

Гулбаданбегим «Ҳумоюннома»да Ҳумоюн подшоҳнинг Шерхон билан муносабатини ҳам тасвирлайди. 1539 йил пюон ойидан то 1540 йилнинг май ойлари орасида Ҳумоюн икки марта — ҳам Чоусада, ҳам Қанашуда Шерхонга бас келомай, ундан талафот кўради ва ҳар иккала шаҳар таҳтини Шерхонга бўшатиб беришга мажбур бўлади. Бу жангда Ҳумоюн қаттиқ шикаст топади ва олдин Аграга, сўнг тезлик билан Лаҳорга кетишга мажбур бўлади. У ердан Патнага, кейин эса Умаркутга боради. Бу ерда Ҳинд ҳокими Рано Паршод яхши қабул қилиб, унинг келгусида Патна ва Бхаккарга қарши олиб борадиган юриши учун аскар

беради. 1542 йилнинг 23 ноябр куни Муҳаммад Акбаршоҳ дунёга келган эди, деб ёзади Гулбаданбегим, 1543 йили мелодий воқеасини баён қиласар экан. Ҳумоюн подшоҳ энди Хидистон диёрида қолишнинг хавфи ошгач, Қандаҳорни қўлга киритиш учун яна Қандаҳорга йўл олади. Аскарий Мирзо Комрон номидан шаҳарга ҳокимлик қиласар экди. Лекин Ҳумоюн Қандаҳорни забт қила олмади. Бу воқеа 1543 йил декабрда юз берган эди.

Қандаҳорни укалари қўлидан ололмай зарба еган Ҳумоюн подшоҳ Гармсер вилоятига боради ва бу ердан ҳурматли маслаҳатдоши вазир Байрамхон фикрига амал қилиб, Эрон шоҳи Тоҳмаспга хат ёзиб, ундан ёрдам сўрашга мажбур бўлади. Айни шу вақтда Аскарий Мирзо Гармсерга ҳужум қилиб, Ҳумоюнни таҳликаға солиб қўйгани сабабли, тезликда Сейистон томон йўл олади. Сейистон ҳокими Аҳмад Султон Шамлу Ҳумоюнни яхши кутиб олади ва бўлиб ўтган воқеани баён қилиб, шоҳ Тоҳмаспга нома йўллайди. Айни вақтда Ҳумоюннинг хотини Тоҳмасп саройига етиб келган эди. Эрон шоҳи Тоҳмаси, Ҳумоюн илтимосига кўра, уни яхши қабул қилиш иятида Сейистондан Эрон пойтахти Қазвинга келадиган йўллардаги вилоятлар ҳокимларига алоҳида-алоҳида хат ёзиб, қандай усулда Ҳумоюнни кутиб олиш режаларини баён этган. Жумладан, 10 ёшли Ҳирот ҳокими Султон Маҳмудга Ҳумоюнни Ҳиротда қандай кутиб олиш кераклиги ҳақида фармон юбориб, ҳатто қандай таомлар, лаззатли мевалар ва ширинликлар билан меҳмон қилиш зарурлиги ҳамда унга Ҳусайн Бойқаро Ҳиротда барпо қилган барча иморатларни томоша ва сайд қилдириш ҳақида маҳсус кўреатма берган эди. Бунга шу қадар аҳамият берилганин, Ҳирот ҳокими Ҳумоюн шарафига уюстирилган меҳмондорчилик тартибини ҳар куни Қазвинга хат ёзиб, Шоҳ Тоҳмаспга ҳисобот тарниқасида маълум қилиб туриши шарти ҳам кўйилган¹.

Ҳумоюн Сейистондан Ҳиротга 1544 йил февралда етиб келиб, то 1544 йилнинг март ойинда Наврӯз байрами ўтгунга қадар шу ерда бўлиб, сўнг Машҳадга йўл олади. Машҳадга келгач, у ерда имом Али иби Мусо ар-Ризо (у тарихда Имом Ризо номи билан машҳур бўлиб,

¹ Эрон шоҳининг ёзги қароргоҳи Султонни шаҳридан уича йироқ бўлмаган Қазвинг шахрининг гарбида бўлган, тарихий маанибамарда бу қароргоҳ номи ёзиб қолдирилмади.

шиа мазҳабидаги мусулмонларнинг ўн икки имомидан саккизинчиси ҳисобланар эди) мозорини зиёрат қилади. Сўнг Эрон шоҳи Тохмаспнинг Қазвии шаҳрига етиб келниг, деган мазмундаги хатини олади ва 1544 йилнинг май ойида Машҳаддан чиқиб, Қазвинга йўл олади. Тарихий манбаларда келтирилган маълумотларга қараганда, Машҳаддан чиқиб, у дастлаб Нишопурга, сўнг Сабзаворга етиб келгач, Байрамхонни Тохмаспнинг ёзги қароргоҳига юбориб, ўзининг Қазвинга яқинлашиб келаётганини билдиради. Ва ниҳоят 1544 йилнинг июл-август ойларида Ҳумоюн подшоҳ Эрон шоҳи Тохмасп билан учрашади. Гулбаданбегим «Ҳумоюннома»да Эрон шоҳи Тохмасп билан бўлган дипломатик муносабатларга алоҳида аҳамият беради ва уни батафсил ёритади. Гулбаданбегимнинг ёзишича¹, шоҳ Тохмасп подшоҳга ҳамма шароитларни муҳайё қилиб, унинг кўнглини кўтаришга ҳаракат қилгани, лекин Гулбаданбегим ўз асарида айрим ҳолларда шоҳ Тохмасп ўз атрофидаги қалтис маслаҳатчилар сўзига амал қилиб, совуқ ва бепарво муносабатда бўлган ҳоллари ҳам юз берган ва бундан Ҳумоюн кўнгли кўп озор чекканини алоҳида қайд қилади. Ҳумоюн бир йилга яқин шу ерда бўлиб, сўнг шоҳ Тохмасп ёрдамини олиб, кетишга қарор қиласи. Гулбаданбегим «Ҳумоюннома»да Ҳумоюн подшоҳ Қазвидан Қандаҳорга қайтиши шарафига тахти Сулаймон деган жойда Эрон шоҳи Тохмасп хайрлашув маросимини ташкил қилгани ҳақида ёзар экан, у шу муносабат билан тахти Сулаймонда Эрон ишоҳи 600 га яқин ҳиргоҳлар барпо қилиб, катта зиёфат уюштиргани ва шу куни Ҳумоюнга шимайки зарур бўлса, ҳаммасини муҳайё қилгани, нафақат Ҳумоюннинг ўзини, балки унинг атрофидаги амирлар, саркардаларни ҳам лозим бўлган пул, сармолар, керақли курол ва аслаҳалар билан таъминлаганини алоҳида қайд этади. Тарихий манбалардаги маълумотларга қараганда, Ҳумоюннинг Қандаҳорга қайтишида Эрон шоҳи қўшиб берган лашкарлар унинг ўз қўшиилари сони билан биргаликда баъзи тарихиавислар 12000 киши эди, деб ёсалар, баъзилари 14000 дебшишиди, бундан ташқари, унга яна 300 га яқин қўрчи ҳам қўшиб берилган эди. Шундай қилиб у Сейистандан йўлга чиқиб, 1544 йили 29 декабрда Жомга етиб келади, сўнг Буст шаҳрини ишғол қилгач, Қандаҳорга

¹ Гулбаданбегим, Ҳумоюннома, Тошкент, 1959, 78-бет.

йўл олади ва Қандаҳорни қамал қилади. Қарийб ярим йил давом этган Қандаҳор қамали шаҳар аҳволини оғирлаштириб юборади, лекин шаҳарни забт этиб бўлмайди. Бу ҳол Ҳумоюн подшоҳда ўз ҳужумини давом эттириш бефойда эканлигига ишонч ҳосил қилади. У энди дипломатик муносабатни афзал кўриб, Байрамхонни Кобулга жўнатади. У Кобулга бориб, у ердаги нуфузли давлат арбоблари ва саркардаларига кўп ваъдалар бериб, уларнинг кўнглини олиши натижасида Аскарий Мирзо тинчлик шартномасини тузиб, Ҳумоюнга Қандаҳорни топширишга мажбур бўлади.

Бу воқеа 1549 йил 3 сентябрда содир бўлган эди. Қизиги шундаки, Ҳумоюн подшоҳ Қандаҳорни Эрон шоҳи Тоҳмасп ёрдами билан қўлга киритгани туфайли, Қандаҳор қалъаси таслим бўлгач, ҳамма қўлга тушган бойлик, шартга асосан, шоҳ Тоҳмасп ихтиёрига, Эроига жўнатилган¹. Қандаҳорни қўлга киритгач, Ҳумоюн энди Кобулга — Комронга қарши отланади. Комрон эса, Кобулни топшириб, Ҳиндистонга кетади. 1542 йилнинг кузида у Ҳиндикушдан ўтиб, Бадахшонни эгаллади. Худди шу вақтда Ҳумоюннинг касал бўлиб қолганидан фойдаланиб, Комрон яна Кобулни эгаллади, бу эса Ҳумоюнни Бадахшондан қайтишга ва Комроннинг кетидан юриш ташкил қилишга мажбур қилади. Оқибатда Ҳумоюн Комрон ва Аскарий Мирзоларнинг гуноҳидан кечади. Лекин бу ярашув узоққа чўзилмай, келгуси йили (1550) Ҳумоюннинг Балхга қилган юриши муваффақиятсиз тугагач, Комрон яна Кобулни эгаллаб олади. Бу ҳол Комрон билан Ҳумоюн подшоҳ ораларидаги муносабатни гоятда ёмонлаштириб, ўзаро жангга ўтишга мажбур этади. Икки орадаги жанг Ҳумоюн ғалабаси билан тугайди. Комрон қаттиқ зарбага дуч келади. Ҳумоюн подшоҳнинг бу сафар Кобулда қўлга киритган ғалабаси қимматга тушади.

Худди шу жангда Ҳиндол Мирзо оғир заҳм жароҳати билан вафот қилган эди. Гулбаданбегим бу воқезларга тўхтаб, ҳарам аҳли ва бошқалар қаторида шаксан ўзи ҳам қон-қон йиғлаганини баён этади. Дарҳақиқат, Ҳиндол Мирзо Бобурнинг энг севимли ўғли ва Гулбаданбегимнинг ўз жонидан яхши кўрган укаси эди. Унинг умри эвазига Гулбадан ўзининг ёки ўғли Саодатёрнинг ва ҳатто турмуш ўртоги Ҳизирхўжанинг

¹ Гулбаданбегим, Ҳумоюннома, Тошкент, 1959, 77-78-бетлар.

жонини фидо қылгиси келганини йифи аралаш баён қиласы¹. Комрон ва Аскарий Мирзоларнинг тақдирлари ҳақида Гулбаданбесгим фикр-мулоҳазалари ишоят нодир ва бебаҳодир. Гулбаданбегимнинг ёзишича, Комрон ўз ғалабасига кўзи етмагач, жанг майдонини ташлаб қочишга мажбур бўлади. Лекин 1553 йили қўлга олиниб, Ҳумоюннинг буйруги билан унинг кўзига мил тортиб кўр қилинади. Комрон томонида ўз акасига қарши курашган Аскарий Мирзо ҳам асир олиниб, унинг ҳам гуноҳи кечирилмай, Маккага жўнашга рухсат берилган эди. Бироқ у Маккага етиб бора олмай, йўлда вафот этгани ҳақидаги хабар Ҳумоюн саройига етиб келганини Гулбаданбегим алоҳида қайд қиласы.

«Ҳумоюннома» Ҳиндолининг ўлдирилиши ва Комрониниң кўр қилиниши ҳақидаги хабар билан узилиб қолади, унинг сўнгги саҳифалари ҳалигача топилган эмас. Шу боис «Ҳумоюннома»нинг охири қайси йиллар воқеасини ўз ичига олгани ҳақида биёда аниқ маълумот йўқ. Бу ҳақда ўша давр тарихчилари ҳам бирор фикр айта олмаганлар. Ҳиндол Мирзо ўлдирилиб, Кобул қайта қўлга киритилиши воқеалари Ҳиндистон тарихнавислари асарларида баён қилинган. Бу воқеалар Акбаршоҳ даврида ёзилган асарларда ва Ҳумоюн подшоҳ саройида кўп вақт яшаган Сейди Али Раиснинг «Миротул мамолик» каби тарихий асарида келтирилади². Ана шу манбалардаги маълумотларга қараганда, Ҳумоюн ўз укаларининг ўзбошимчалигини бартараф қилгач, қўлдан кетган Ҳиндистонни олиш учун қайта отланди. У 15 ноябр куни Кобулни орқада қолдириб, дарёнинг қўйи оқими бўйлаб Жалолободдан Пешоварга қараб йўл олади. Энди Ҳумоюннинг Ҳиндистонни қайта забт қилиши учун ҳамма имкониятлар мавжуд эди. Уни Ҳиндистон срларини ташлаб кетишга мажбур қилган кучли душмани Шерхон оғир ярадор бўлиб, унинг ворислари эса ўзаро курашлар туфайли ожизланган эдилар. Шерхон вафот этгач³, унинг набираси Феруз, тоғаси Муҳаммад Одилшоҳ иоми билан машҳур бўлган Муборизхон томонидан ўлдирилади. Лекин айни замонда яна иккита таҳт

¹ Қараанг, Ҳумоюннома, 99-бет.

² Қараанг: Сейди Али Раис, Миротул мамолик, «ФАН», Ташкент, 1962, таржима ва изоҳлар Ш. Зувнов, таҳрир ва сўз боши С. Азимжонованики.

³ Шерхон 1545 йилн 25 майда вафот этади.

вориси бўлиб, улар Искандаршоҳ ва Иброҳимшоҳ эдилар. Булар ўзларини шоҳ деб эълон қилган бўлиб, Аградан то Малвага қадар бўлган ерлар Муҳаммад Одилшоҳга, Деҳлидан Раҳтосгача бўлган ерлар Искандаршоҳга ва Ҳимолай тоглари этагидан то Гужаротгача бўлган ерлар Иброҳимшоҳга қарап эди.

Ҳумоюн подшоҳ 1555 йили Искандаршоҳга зарба бериб, Деҳлига киради ва уни қўлга киритади. Лекин ҳали Ҳиндистон бутунлай фатҳ этилмаган эди. Ҳумоюн 1556 йилнинг 24 январ куни 49 ёшида вафот этади. Тарихий манбаларда ёзилишича, у кечки пайт ўз кутубхонасидан тушиб келаётганида қоқилиб, зинапоядан йиқилиб, ҳалок бўлган. Унинг ўрнини эгаллаган Акбаршоҳ Ҳиндистонда бобоси Заҳириддин Бобур ниятларини амалга оширади. У Ҳиндистон тахтига ўтириши биланоқ, давлатни кенгайтиришга ва мустаҳкамлашга ҳаракат бошлади.

Ҳиндистон ва Кобул улусида — Бобур авлодларининг ўзаро курашлари оқибати натижасида мамлакатда рўй берган сиёсий ва ижтимоий қийинчиликлар, иқтисодий танглик туфайли нарх-навонинг ошиб кетиши ва солиқ тузумининг издан чиқиш ҳоллари ҳалқ аҳволини оғирлаштириб қўйган эди. Бу ҳол Гулбаданбегимда доим ўзаро аҳиллик, ҳамжиҳатлик ва бирликнинг тимсоли тинчликни барпо қилиш ҳисларини уйғотар эди. Бу ҳислар «Ҳумоюннома» сатрларидан ҳам сезилиб туради. Гулбаданбегим доим Ҳумоюнга aka-укаларини бир бутун аҳилликда кўриш орзуисида эканлигини тинмай изҳор қилиб келар эди, лекин унинг ниятлари тўллалигича амалга ошмади. Бу ҳақда ўз асарида шундай дейди: Низоят, Ҳумоюн 1549 йил, беш йил жудоликдан сўнг, Эрон шоҳи Тоҳмаспнинг ёрдами билан Кобулни қайта эгаллагач, унинг ҳузурига укалари ташриф буюради.

«Шу мажлисда,—деб ёзади Гулбаданбегим,—Ҳазрат Ҳумоюн бу ҳақири ёдга олиб, ўз укаларига: «Лоҳурда Гулбаданбегим ҳамма биродарларимни бир ерда кўрсам деб орзу қилганликларини айтибдилар, ўтиришимиз билан эрталабдан ўша гап эсимга келиб турибди... Мен ҳеч вақт мусулмонлар зиёнини истаган эмасман ва наҳот ўз укаларимнинг зиёнини талаб қилсан¹... дедилар», деб эслайди Гулбаданбегим ва Акбаршоҳ (1556—1605) даврида Кобул ва Ҳиндистонда муҳим сиёсий тадбирлар амалга оширилгани, мамлакатда нисбатан тинч-

¹ Гулбаданбегим, Ҳумоюннома, Тошкент. 1959, 91-бет.

лик ўрнатилгани ҳақида ёзади. Ҳиндистонда Заҳиридин Бобур асос соган давлат Ақбаршоқ даврида марказлашган йирик давлатга айланган ва Ҳиндистонда барпо бўлган Бобурийлар сулоласи 300 йилдан ортиқ ҳукм сурган эди.

Гулбаданбегимнинг бу нодир асари 1555 йили воқеаси баёнида узилиб қолган. «Ҳумоюннома»нинг қолган қисми ҳали топилгани йўқ. Ҳиндистон, Покистон, Англия, Франция ва бошқа мамлакатлардаги қўллэзма хазиналарига қилган мурожаатларимиз, Шарқ ва Фарбнинг йирик олимлари ва давлат арбоблари билан олиб борилган бу ҳақдаги суҳбатларимиз, афсуски, ҳали натижага бергани йўқ.

Гулбаданбегим узоқ умр кўрган. Ҳумоюн подшоҳ вафотидан кейин Ақбаршоҳ саройида яшаган, унинг меҳр-муҳаббатига сазовор бўлган. Тарихий асарларда у 1575 йили Португалия орқали Маккага етиб боргани ва қайтишда эса Адан қирғозида кемаси фарқ бўлиб, ўзи эса Адан қирғозида қолиб кетгани ва ниҳоят 1582 йили Аграга соғ-саломат қайтиб келгач, узоқ умр кўриб, 80 ёшида, 1603 йили вафот этгани ҳақида маълумот бор. Тобутини Ақбаршоҳ унинг ўғли ўрнида ўз елкасида кўтариб, катта ҳурмат билан дағи этади.

«Ҳумоюннома» XV аср охири ва XVI аср бошларида Мовароунихаҳ, Эрон, Кобул улуси — Афғонистон ва Ҳиндистон діўрларида ёзилган тарихий манбалар орасида Бобур билан боғлиқ воқеаларни тасвирлашда алоҳида ўрин эгаллайди.

Бундай қараганда, «Бобурнома»да берилган муфассал маълумотларга бирор нарса қўшиш қийинги ўхшаб кўринади, лекин ўз отасининг мемуарини яхши билган Гулбадан Бобур ҳаётидан келтирган воқеалари баёнида баъзан фарқ борлиги сезилади.

Масалан Шайбонийхон томонидан Самарқанднинг 1501—1502 йилларда қамал қилиниши ҳақида Бобур шундай деб ёзади: «Бу маҳалда Шайбоқхон сулҳ сўзини ораға солди. Агар бир тарафдин умидворлик бўлса эди, ё заҳира бўлса, сулҳ сўзига ким қулоқ колур эрди. Зарурат бўлди, сулҳгуна қилиб, кечадин икки паҳр бўла ёвушуб эдиким, Шайхзода дарвозасидин чиқилди: Волидам хонимни олиб чиқтим. Яна икки хотун киши чиқти: бири Бичка ҳалифа эди, яна бири Минглик кўкалтош эди. Менинг эгачим Хонзода бегим ушбу чиққонда Шайбоқхоннинг илингига тушти...»¹

¹ Бобурнома, Тошкент, 1960, 151-бет.

Худди шу воқеани Гулбаданбегим шундай изоҳлайди: «Бобом ҳазратлари б ой давомида Самарқандни олмоққа уринидилар, лекин мақсадларига ета олмадилар, чунки Хурросондаги амакилари Султон Ҳусайн Мирзо Бойқаро каби Қошгарда бўлган тогалари — Султон Маҳмудхон ҳам ёрдам юбормадилар. Ҳеч жойдан мадад ва ёрдам келмагач, маъюс бўлдилар.

Ана шундай вақтда Шоҳибекхон «агар ўз синглини гиз Хонзодабегимни менга берсангиз, орамизда сулҳ тузилади ва иттифоқчилик алоқалари ўрнатилади»¹ деб айттириб юборди. Охир Хонзодабегимни ўша хонга бериб, ўзларининг қайтишлари зарур бўлди», — деб тасвирлайди. Демак, Бобур «Бобурнома»да Хонзодабегимни ўз қўли билан Шайбонийхон қўлига топширганинлигини ёзмайди, уни бўйнига олгиси келмайди, «асир тушди», деб ёзади. Мирзо Ҳайдар ҳам ўз асарида «Унинг (Бобурнинг) қаршилик кўрсатишга ҳеч чораси қолмай, Шоҳибек билан сулҳ тузиб, ўз эгачиси Хонзодани унга берди», деб Гулбадан фикрини тасдиқлайди.

Худди шунингдек, тарихий воқеаларни турлича баёп қилиш Рано Санго жангни ҳикоясида ҳам яққол кўринади.

1527 йилининг март ойида Бобур ўз душманининг кучи ва ҳарбий маҳорати билан танишгач, у билан бўладиган жанг темурийларининг Ҳиндистондаги тақдирини ҳал қилишини сезган эди. Рано Санго даҳшати Бобур аскарлари ва саркардаларини ташвишга солиб, улар орасинда тушкунлик ва парокандалик рўй берган эди. «Мундоқ маҳалдаким, ўтган вақойиъ ва ҳолот паришон сўз ва калимоттиң, нечукким мазкур бўлди, черик элининг тарафдуди ва таваҳҳуми бисёр эди. Мұхаммад Шариф мунажжим шумнафас, агарчи манга айтур йўқ эди, ҳар кимга йўлуқса муболагалар била айтур эдиким; «Бу айёмда Мирриҳ гарб сарибур, ҳар ким бу тарафдин урушса мағлуб бўлур»². Бобурнинг ёзпишича, бу шумнафаснинг сўзи билан яна тушкунлик бошланган: «Охир элининг мундоқ бедилликларини ва бу навъ сустликларини кўрлаб, бу тадбир хотиримга етди. Жами бекларни ва йигитларни чорлаб: «Беклар ва йигитлар, ҳар кимки ҳаёт мажлисига кирибтур, оқи-

¹ Ҳумоюннома, Ташкент, 1959, 24-25-бетлар.

² Бобурнома, Ташкент, 1960, 381-бет.

бат ажал паймонасидан ичгусидир ва ҳар кишиким тириклик манзилига кирибтур, охир дунё ғамхонасидан кечкусидур, ёмон от билан тирилгандан, яхши от билан ўлган яхшироқ... Тангри таоло бу навъ саодатни бизга насиб қилибтур ва мундоқ давлатни бизга қарийб айлабдур. Ўлган шаҳид ва ўлдирган ғозий, барча тангрининг қаломи билан онт ичмоқ керакким, ҳеч ким бу қотилдан юз ёндуур ҳаёл қилмай, то баданидан жони айрилмагунча, бу муҳориба ва муқотиладин айрилмагай», деб ҳаммага қасам ичирган.

Гулбадан бу воқеа ҳақпда шундай деб ёзади: «Султон Иброҳим ўлгандан сўнг бир йил ўтгач, Ҳиндистондан беҳисоб қўшин билан Рано Санго пайдо бўлди. Бобур ҳазрати олийлари авваллари ўз ҳурмати ва содиқлигини изҳор қилган амирлар ва рожалар ҳамда бошқалар энди унинг душмани бўлиб қолдилар ва улар Рано Санго томонига ўта бошладилар. Қўшиндаги бундай тушкун ҳолни кўрган ҳазратнинг бошига бир фикр келди. У зот қолган қўшинларининг ҳаммасини бир жойга йиғишга буйруқ бердилар. Амирлар, хонлар, султонлар, авом, олижаноблар, баланд ва паст кишилар бир ёрга тўпландилар. Шунда Заҳириддин Бобур уларга мурожаат қилиб, шундай деган экан: «Шуни эсингиздан чиқармангиэки, ватанимиз ва шаҳримиздан бизни бир неча ойлик йўл ажратиб турибди. Худо у кундан асрасин. Агар аскаримиз бу жангда енгилса, худо бизни ҳимоя қилсин, биз қаерларда қолиб кетамиз. Шаҳримиз қаерда, ватанимиз қаерда? Иш ажнабийлар ва бегоналар қўлига тушшиб қолади. Аҳвол шундай экан, иккى йўлдан бирини танлаб олиш керак. Агар душманни ўлдирсан, ғози бўламиз, агар ўлдирилсан шаҳид бўламиз. Ҳар иккала тақдир ҳам бизникидир...» Бу гапларни ҳамма бир оғиздан қабул қилди: «Подшоҳ, худо хоҳласа, то жону танимиздан охирги нафасимиз қолгунча урушамиз, жон фидоликда ва қон сочишликда ўзимизни аямаймиз, агар шу гапдан қайтсан, хотинимиз талоқ бўлсин», деб Қуръон билан қасам ичдилар». Айни бир воқеани тасвирлашда Бобур ва Гулбадан ўртасида нима учун шундай катта тафовут бор. Сикри тоғлари ён бағрида жанг бўлган вақтда Гулбадан тўрт яшар қиз эди. Демак, Гулбадан бу воқеани ёзганда бошқаларнинг жанг ҳақидаги ҳикоясини асос қилиб олган.

¹ Гулбаданбеким, Ҳумоюннома, Ташкент, 1959, 34-бет.

Гулбадан асарида ўзи ҳақида ҳеч нарса демай, бошқалар тасвирини муфассал баён қилган. Асарни ўқиган ҳар бир киши ўзини худди шу тарихий воқеалар шоҳиди бўлгандай ҳис қиласди. Шунни алоҳида қайд қилиш керакки, Бобурнинг ақл-идроки, ватанпарвар инсонийлик руҳи таъсирида вояга етган севимли қизи Гулбаданбегим отасининг илмий-тарихий маҳорати руҳида тарбияланган тарихнавис олима бўлиб етишган эди.

«Хумоюннома»нинг ижтимоий фанлар тарихини ўрганишда ҳам аҳамияти каттадир. Унда тарих, этнография фанларига оид маълумотлар билан бир қаторда, тилшунослар диққатини ўзига жалб қиласиган маълумотлар ҳам учрайди. Бобур вафотидан сўнг давлат тили гарчи форс тили ҳисобланса ҳам, Ҳумоюн саройида ўзбек тилида гаплашганлар ва «чиғатой» тили деб юритилган эски ўзбек тилида шеър ёзган шоирлар ҳам бўлган. Ҳумоюн саройида бир неча йил яшаган машҳур турк сайди Сейди Али Раис Ҳумоюнга багишлаб ўзбек тилида ажойиб шеърлар ёзган ва уни Ҳумоюн подшоҳ «Алишери соний» деб атагани ҳақида Гулбаданбегим асарида маълумотлар бор. Улуғ Лутфий, буюк Алишер Навоий, машҳур Захириддин Бобур асес солган маданий муҳитдан нафас олиб вояга етган Гулбаданбегим ўз асарида кўпгина ўзбек тилидаги ибораларни ва айрим холларда ўзбекча жумлаларни келтиради. Шу билан бирга асарда ҳинд ва урду тилларига кирган кўп иборалар ҳам учрайди. Бу ҳол «Ҳумоюннома»ни тарихчи, адабиётчи ва этнографлар ҳамда тил тарихини ўрганувчилар учун муҳим манбалардан бирига айлантиради.

Ўрта аср тарихчилари орасида бизга фақат иккита аёл тарихчи манбашуноснинг номи маълум. Уларнинг бири Ғарбдаги олима, иккинчиси эса Шарқда яшаган. Ғарбдаги олима, тарихчи византиялик малика Анна Комнен (XI — XII аср) бўлиб, ўз акасининг ва отаси Алексей Комнен (1031 — 1108) нинг тарихини яратган. Анна Комнен воқеаномаси бир неча марта лотин тилида ва сўнгроқ немис тилида нашр қилинган. Бу асар ўша давр Византия тарихини ўзида акс эттирган ўлмас асар сифатида мутахассислар диққат марказидан жой олган. Иккинчиси Мовароуннаҳр, Ўрта Шарқ, Кобул улуси, Ҳиндистоннинг ўрта аср тарихининг муайян бир давридаги мураккаб муносабатларини ниҳоятда чуқур фаҳмлай олган ва бу воқеаларни таъсирчан баён қила

олган йирик тарихнавис олма Гулбадаңбекимдир. У ёзиб қолдирған «Хұмоюннома» Заҳириддин Мұхаммад Бобур ҳәети ва фаолияти ҳамда у яшаган давр мұаммаларини «Бобурнома» билан қиесий ўрганиш учун катта илмий аҳамият касб қилишига қарамай, тадқиқотчилар томонидан кам ўрганилған. Бу асар бириңчи марта Ҳиндистонда Декхида ҳинд олымы Рашид Ахтар томонидан 1870 йылғы форс тилидаги аслидан урду тилига таржима қилиниб, Шабистон нашриётида нашр этиб, тарқатылған эди. Таржимон таржимашынг сүзбописида асаршын аҳамияттыға ва унның ўзига хос услугубига путур етказмаган ҳолда тұлық таржима қилинганини қайд қиласы. Шундан сүнг 1902 йилда Лондонда, инглиз шарқшуноси Аннет Сусания Беверидж томонидан форс тилида ёзилған нұсқасы ва асарнинг инглиз тилига қилинған таржимасы ҳамда сүзбоши билен биргалиқда нашр қилинған.

Англияның Британия музейінде сақланыптаған «Хұмоюннома»ның бу құләзмасы 83 варақдан иборат бўлиб, настальик хатида ёзилған. Китобнинг охирги варақлари йўқ, 83-бетида воқеа узилиб, чала қолған, құләзма қизил чармдан жуда оддий муқовага олинған. Чарльз Рио: «Хұмоюннома»ның «Британия музейидеги сақланыб қолған» бу нұсқасы жаҳонда ягона бўлиб, XVII асрнинг бириңчи ярмида кўчирилған», — деб ёзади. «Хұмоюннома»ни инглиз тилига таржима қилиған Аннет Беверидж эса, бу асар 1585—87 йиллар орасида кўчириб ёзилған деб тахмин қиласы. Бу фикр ҳақиқатга яқинроқ бўлса керак, чунки худди шу йиллар борасида Бобурнинг пабираси Ақбаршоҳ ўзининг котиби, сарой тарихчиси машҳур Абулфазл Алломийга (1551—1602) ўз тарихини яратишни топширган эди. Шу муносабат билан ўз саройидаги бобоси Бобур шоҳ, отаси Ҳұмоюн подшоҳни яхши билған олимлар ва нуғузли саркардаларга мурожаат қилиб, улар ҳақида билғанларини ёзишни буюрган ва уннинг шатижаси сифатида «Хұмоюннома» дунёта келған эди. Шундай қилиб, Британия музейидаги «Хұмоюннома»ның құләзма нұсқасы 1585—87 йиллар мобайнида ёзилған бўлса, А. Бевериджнинг мазкур нұсха мұаллифиның ўз қўли билан ёзилған бўлниши керак¹, деган фикрига асос бўла олади.

¹ «Хұмоюннома»ның инглиз тилига қилинған таржимасидағи А. Беверидж ёзган сүзбошига қаранг.

«Хумоюннома» гарчи жаҳон ҳиндшунос олимларининг Ҳиндистон халқлари тарихига бағишилашган асарларидан муҳим маңба сифатида фойдаланилган бўлса ҳам, унинг матни ва таржимаси кам тарқалгандир.

«Хумоюннома» ҳақидаги дастлабки маълумотлар 1894 йили «Шарқ биографлари луғати» номли асарда Кен томонидан ёзилган, ҳаммаси бўлиб тўрт сатрдан гина иборат эди. Нисбатан тўлиқроқ маълумот 1896 йили Самубек томонидан Константинополда нашр қилинган «Қомус ал-аълом»да ёзилган.

«Хумоюннома»нинг Лондонда, Британия музейи қўл-ёзмалар фондида сақлананаётган нусхасини¹ Чарльз Рио ўз каталогида изоҳлар экан, Гулбаданбегим ўзининг отаси Заҳириддин Бобурнинг ва акаси Ҳумоюн подшоҳнинг тарихнависи сифатида талқин қилинади².

Эдинбургда нашр қилинган «Ислом Қомуси»нинг иккинчи жилдидаги Гулбаданбегим ва унинг асари «Хумоюннома»нинг тарихий, адабий аҳамияти ҳақида маълумот эълон қилинади³.

Ўзбекистонда оламшумул тарихнавис олим ва шоир Заҳириддин Бобур меросини ўрганиш муносабати билан Ўрта Осиё ва Ҳиндистон халқлари ўрта аср тарихини ўрганиш ва бу борада илмий асар ёзиши мақсадида камина 1959 йили Гулбаданбегим ижодига аҳамият берди ва «Хумоюннома» ўзбек тилида нашр этилди. Унинг форс тилидаги матни ЎзФА Шарқшунослик институтининг илмий ходими марҳум Ҳакимжонов қўли билан кўчирилган нусхада илова қилинди. Маълумки, шундан бўён ўтган вақт давомида «Хумоюннома» жаҳон олимларининг диққат марказидан тушмади.

Ҳиндистонда бобурийлар сулоласининг асосчиси Заҳириддин Муҳаммад Бобур давридаги тарихнавислар орасида «Хумоюннома»да акс эттирилган воқеалар тасвирига тенг келадигани йўқ десак хато бўлмайди. Чунки Гулбаданбегим Заҳириддин Бобур, Ҳумоюн подшоҳ ва Акбаршоҳ саройида, аниқроғи уларнинг паноҳидаги аёл бўлганлиги сабабли, йирик давлат арбоблари ва

¹ Британия музейининг «Ҳумоюннома» қўл-ёзмаси. Шу музей қўл-ёзмалар фондида 166-сон рақами билан сақланади.

² Чарльз Рио, Британ музейида сақлананаётган форсий қўл-ёзмалар каталоги. Лондон, 1879-1883, т. 1, 247-бет.

³ Қомус ал-Ислом, Эдинбург, т. II, 1917 йил.

нуфузли сарой аҳли паноҳида ниҳоятда эркин ҳаёт кечирган. Лозим бўлган вақтларда давлатнинг ички ва ташқи ҳаётидаги айрим мураккаб, нафақат ҳаётий, ўзаро шахсий, шу билан бирга давлатлараро дипломатик муносабатларни ҳал қилишда ҳам иштирок этган. Гулбаданбекимнинг таъсир доираси бобурийлар суоласининг ички ва ташқи спесатига, айниқса, Бобур подшоҳ, Ҳумоюн ва Акбар даврида ниҳоят чуқур ва кўп қиррали бўлган. Мазкур подшоҳлар давлат ишларида унинг маслаҳатидан фойдаланганлар. Чунки у нафақат тарихнавис олима, ва шоира, айни бир вақтда Ҳиндистон подшоҳлари саройида юқори даражали давлат арббларидан ҳисобланган.

Сиёсли воқеалар билан бир қаторда «Ҳумоюннома»да Бобур Мирзо ва Ҳумоюн Мирзо давлатининг дипломатик ва савдо алоқалари, никоҳ ва оила ҳамда савдо муносабатлари ҳақида ғоят нодир маълумотлар бор.

Гулбаданбеким Шарқнинг гўзал аёли бўлибгина қолмай, балки назмда қалам тебратган нозиктаъ шоираси ҳам эди. Лекин унинг ҳамма шеърлари стиб келмаган. Бизгача маълум бўлган «Ништари ишқ» ва аёллар ҳақида хотиралар китобидан ўрин олган форс тилида ёзилган икки мисра шеъридир, холос.

Шеърнинг таржимаси:

Ҳар пари рухсорига ошиқи ёр йўқ,
Билки унга ҳақ йўлида мурод йўқ.

Маълумки, «Ҳумоюннома» 1996 йили Францияда профессорлар Жан Пол Ру ва машҳур француз шарқшуноси Жан Луи Бакке иштироқида француз тилига таржима қилиниб, нашр қилиниди. «Ҳумоюннома»нинг айни шу француз тилига ағдарилган таржимаси мазкур француз олими Бакке Громуон, камина Сабоҳат Азимжонова ва Акмал Сайдовларнинг маҳсус илмий муқаддималари билан бошланади.

Заҳириддин Бобур қизи Гулбаданбеким ҳаёти ва илмий фаолиятига Ўзбекистон жамоатчилиги диққатини яна бир бор жалб қилиш ниятида «Ҳумоюннома»нинг ўзбек тилига ўгирилган таржимаси тавсия этилади.

Сабоҳат Азимжонова — тарих фанлари доктори, Абу Райҳон Беруний ва Ҳавоҳарлаъл Неру мукофотлари нинг совриндори, Ўзбекистонда хизмат кўрсатган фан арбоби

БИСМИЛЛОҲИР-РАҲМОНИР-РАҲИМ

Фирдавс макон ва жаннат ошиён Ҳазрат ҳақидаги воқеалардан нимаики билсангиз, ёзингиз деган ҳукм бўлган эди. Фирдавс макон Ҳазрат ўтиқинчи дунёдан абадий дунёга равона бўлганларида бу ҳақир саккиз ёшда эди, шунинг учун юз берган воқеалардан эсимда оз қолган. Эшитган ва эсда қолган воқеалар подшоҳ ҳукмига биноан (шу китобда) ёзилди.

Бу қиссанинг бошида подшоҳ Бобом ҳазратлари (замонида бўлган) воқеалар ёзилади. Гарчи бу сўзлар подшоҳ Бобом ҳазратларининг воқеаномаларида айтилган бўлса ҳам, улар табаррук тутиб, қисқача ёзилди. Соҳибқирон ҳазратлари замонидан то Фирдавс макон ҳазратлари замонигача ўтган сultonлардан ҳеч қайсиси бу киши сингари нотинч бўлмаган. (Бобом) 12 ёшда подшоҳ бўлганлар. Тўқиз юз тўқизинчи йил муборак рамазоннинг бешинчи куни¹ Фарғона вилоятининг пойтахти Андижон шаҳрида (у киши номига) хутба ўқилган.

Тўлиқ ўн бир йил давомида Мовароуннаҳр ўлкасида Чигатой, Темурий ва ўзбек сultonлари билан шундай жанглар ва мудофаалар қилдиларки, уларнинг сонини тўла баён қилишга қалам тили ожиз ва нуқсонлидир.

Жаҳонгирилик бобида ҳазратимиз тортган қадар машаққат ва хатарлар кам кишиларга учраган. У Ҳазратга дуч келган уқубат ва хатарлар оз подшоҳларга дуч келган. Икки қайта Самарқандни қилич зўри билан фатҳ қилдилар. Биринчи марта подшоҳ Бобом ҳазратлари ўн икки ёшда, иккинчи марта ўн тўқиз ёшда ва учинчи марта² эса йигирма ёшда эдилар. Олти ой давомида Самарқандни олмоққа уриндилар, лекин мақсадларига ета олмадилар. (Чунки) Хуросондаги амакилари Султон Ҳусайн Мирзо Бойқаро каби Қошғарда бўлган тоғалари — Султон Маҳмудхон ҳам ёрдам юбормадилар. Ҳеч жойдан мадад ва ёрдам келмагач, маъюс бўлдилар.

Ана шундай вақтда Шоҳибекхон «агар ўз синглингиз Хонзода бегимни менга берсангиз, орамизда сулҳ тузилади ва иттифоқчилик алоқалари ўрнатилади, деб

¹ 909 йилнинг ҳижрий рамазон ойининг бешинчи куни — 1504 йил 22 феврал.

² Форсча матида уч ўрнига икки ёзилиб қолган.

айттириб юборади. Охир Хонзода бегимни ўша хонга бериб, ўзларининг қайтишлари зарур бўлди.

Икки юз киши пиёда, елкаларида чопон, оёқларида чориқ, қўлларида таёқ бўлган ҳолда, беяроқ, худога таваккал қилиб, Бадахшон ва Кобулга қараб йўл олдилар.

Қундуз ва Бадахшонда Хушрўй шоҳ аскарлари ва одамлари турар эди. У келиб подшоҳ Бобом ҳазратларига мулоzимат қилди. Хушрўй шоҳ Бойсунқур Мирзони ўлдирган ва Султон Маъсъуд Мирзонинг кўзига мил тортган эди. Бу ҳар иккала Мирзо подшоҳ Бобомнинг амакиваччалари эдилар. Бундан бурунроқ ҳужум кунларида зарурият туфайли бу Ҳазрат унинг (Хушрўй шоҳнинг) вилоятидан ўтгандарида қўполлик билан у Ҳазратни ўз вилоятидан чиқариб юборган эди. Подшоҳ ҳазратлари мардлик, одамгарчилик, муруватни тушунган киши бўлганликларидан унинг ана шундай ёмон гуноҳларига қарамай, асло ундан ўч олиш пайига тушмадилар ва «гавҳар, олтин ва қуроллардан кўнгли хоҳлаганича олсин», деб буюрдилар. (Хушрўй шоҳ) ўзи билан беш-олти түя ва беш-олти хачирга юк ортиб, рухсат билан соғ ва саломат Хуросонга жўнаб кетди. Подшоҳ ҳазратлари эса Кобулга йўл олдилар.

У вақтда Кобул ҳукмронлиги Зуннун Арғуннинг ўғли Муҳаммад Муқимнинг қўлида эди. (Зуннун Арғун) Ноҳид бегимнинг бобосидир. У Улуғбек Мирзонинг вафотидан кейин Абдураззоқ Мирзонинг қўлидан Кобулни тортиб олган.

Абдураззоқ Мирзо эса подшоҳнинг амакиваччаси эди. Подшоҳ Кобулга ғалаба билан келдилар. Иккичун кун омонатликдан кейин келишув бўйича, Кобулни подшоҳ ҳазратларининг кишиларига топшириб, ўз молдунёси ва асбобларини олиб, Қандаҳорга — отасининг олдига кетди. (Шундай қилиб) тўққиз юз ўнинчи йили рабиус соний ойиннинг охирида Кобул қўлга киритилди¹. Кобул ҳокимлигини эгаллагандан кейин Бинкашга кетдилар. У ерни ҳам эгаллаб, яна Кобулга келдилар.

Подшоҳ ҳазратларининг оналари Хоним ҳазратлари олти кун бетоб бўлиб ётиб, (сўнг) ўткинчи дунёдан абадий дунёга ўтдилар. Хонимни Ҳазратнинг Наврўз боғларида қолдирдилар. Бу боғнинг эгалари энг яқин

¹ 910 йил ҳижрий, рабиус соний ойи, яъни 1504 йил сентябр.

кишиларидан эдилар, уларга бир минг танга мисқол таңга бериб қўйилди.

Шу вақтда Султон Ҳусайн Мирзодан, биз ўзбекларга қарши жанг қилмоқчимиз, агар сиз ҳам келсангиз жуда яхши бўлар эди, деган қатъий хабар келди. Ҳазрат эса худди шу мазмундаги таклифни худодан тилар эдилар, ниҳоят улар томон отландилар. Йўлда кетаётганда «Султон Ҳусайн Мирзо вафот этди» деган хабар келди.

Подшоҳ ҳазратларининг амирлари, агар Султон Ҳусайн Мирзо вафот қилган бўлсалар, қайтиб Кобулга кетмоқ лозим деган фикрни билдирилар. Подшоҳ шунча йўл босиб келдик, Мирзога таъзия билдиргани борайлик дедилар. Ниҳоят Хурсонга қараб кетилди.

Подшоҳнинг Хурсонга келаётганларини эшлишиб, Бадиuzzамондан бошқа мирзоларнинг ҳаммаси пешвоз чиқдилар. Султон Ҳусайн Мирzonинг амирларидан Бурундуқ билан Зултунбек подшоҳ Бадиuzzамон Мирзодан ўн беш ёш кичикдирлар, шу сабабли подшоҳнинг таъзимга келиши муносибдир, дейиши. Шунда Қосимбек айтдики, «ёшда кичик бўлсалар ҳам, одат бўйича каттадирлар. Чунки бир неча марта Самарқандни қилич зўри билан қўлга олганлар». Охир шундай келишдиларки, бир марта подшоҳ таъзими учун олдинга чиқиб кўришадилар. Худди шу пайтда подшоҳ эшикдан кириб келдилар ва Мирзо гафлатда қолдилар. Қосимбек эса подшоҳнинг устки йўл кийимларини ечинтириб олиб, Бурундуқ Мирзо билан Зултунбекка «Қароримизга биноан Мирзо пешвоз чиқишлари лозим эди-ку», деди.

Шу вақтда (Бадиuzzамон Мирзо) қаттиқ изтироб билан олдинга чиқди ва подшоҳ ҳазратлари билан кўришиди.

(Подшоҳ ҳазратлари) Хурсонда қанча кун турган бўлсалар, Мирзолар шунча кун ҳар қандай мезбонлик мажбуриятини бажардилар, зиёрат қилдилар, барча боғларда ва жойларда сайд қилдирдилар. Мирзолар Хурсонда қишлиашни таклиф қилдилар, қишидан кейин ўзбеклар билан жанг қиламиш деб тўхтатмоқчи бўлдилар, лекин урушга қатъян ва узил-кесил қарор қила олмас эдилар.

Султон Ҳусайн Мирзо саксон йил Хурсонни обод ва маъмур қилган эдилар, аммо Мирзолар оталарининг ўрнини олти ой ҳам сақлаб тура олмадилар. Подшоҳ

уларнинг харж ва харажатларини (қоплаш) учун жойлар тайин қилган эдилар. Уларнинг бепарволикларини кўргач, ўша жойларни кўриш баҳонаси билан, Кобул томонга равона бўлдилар. Ўша йили қор ниҳоятда кўп ёғиб, йўлларни ёмон қилиб юборган эди. Ҳазрат билан Қосимбек мумкин қадар яқин йўлдан бориш мақсадида шу йўлдан юрмоқчи бўлишди, бошқа амирларга ҳам шуни маслаҳат беришиди. Аммо амирлар айтилганини қилишмади. Уларнинг ҳар бирни бепарволик билан кетар эди. Ҳазрат билан Қосимбек ўз ўғиллари билан уч-тўрт кун давомида қорни кураб йўл очдилар ва аскарлар уларнинг ортидан ўтдилар. Шу йўсина Форбандга келинди. Бу ерда подшоҳга қарши қўзғолон кўтарган ҳазарлар билан кичик жанг қилинди. Кўп мол ва беҳисоб ашёлар ҳазарлардан подшоҳ кишилари қўлига ўтди ва ўлжалар билан Кобул сари йўл олдилар.

Мирора тагига етишган ҳам эдики, Мирзохон ва Мирзо Қуашиммад Ҳусайн гўрагон қўзғолон кўтардилар ва Кобулни қамал қилдилар, деган хабар келди. Подшоҳ ҳазратлари Кобул ҳалқига мардона бўлинглар, биз ҳам етиб келдик, деб кўнгилни хотиржам қилувчи фармон ёзиб юбордилар. Биз Биби Моҳирўй тепасига аланга қиласиз, сизлар ҳам, бизлар етиб келганимиздан хабардор бўлганингизни бизга билдиromoқ учун ҳазинахона тепасига аланга ёқинглар, эрта билан сизлар у томондац, бизлар бу томондан душманини қамал қиласиз, деб хабар қилдилар. Лекин қалъя ҳалқи етиб келмасдан бурун, Ҳазрат жанг қилиб, Кобулни қўлга киритдилар.

Мирзохон ўз онаси уйида (унинг онаси подшоҳга хола бўлар эди) яширинди. Охир хоним ўз ўғлини (подшоҳ ҳузурига) келтириб, унинг тұноғини кечишини илтимос қилди. Мирзо Қуашиммад Ҳусайн (унинг хотини подшоҳнинг кичик холаси эди) ўз жонидан шу даражажада қўрқибдики, дарҳол уйнга бориб, қоппинг ичига тушиб олиб, хизматкорига қоппинг оғзини бўғиб қўйиши буюрди. Ӯқибатда, бу ҳолдан подшоҳ одамлари хабардор бўлиб, Мирзо Қуашиммад Ҳусайнни қопдан чиқариб, подшоҳнинг олдига олиб келдилар. Ҳазрат эса холаларининг хотирасини қилиб, Мирзо Қуашиммад Ҳусайннинг гуноҳини кечдилар. (Кейинчалик эса) холаларининг кўнглида бўлиб ўтган кулфат губори қолмасин деб, илгаригидан ҳам ортиқ ҳурмат қилдилар. Ҳар куни холаларининг бўш қолган уйларига келиб-кетиб турдилар (ва охир Мирзо Қуашиммад Ҳусайнни)

саройда бир ўринга тайин қилдилар. Подшоҳ ҳазратлари Кобулни Мирзохон қўлидан осонлик билан озод қилганларида 23 ёшда эдилар ва ҳеч фарзандлари йўқ эди. Фарзанд кўришни кўп орзу қиласар эдилар. Шу йили Султон Ахмад Мирзонинг қизи 17 ёшли Ойша Султон бегим бир қиз туғдилар. Бу қиз шу ойнинг бошидаёқ нобуд бўлди. Кобулнинг олинишини худо муборак этдики, (кейинчалик) ўн саккизта фарзанд бўлди. Аввал Онам Моҳим бегимдан: Ҳазрат Ҳумоюн подшоҳ, Борбўл Мирзо, Меҳржаҳон бегим, Эсондавлат бегим ва Форуқ Мирзо (туғилди). Сўнгра Султон Ахмад Мирзонинг қизи Маъсума Султон бегим бир қиз туғдилар, ўзлари тувиш вақтида вафот этди ва онасининг отини қизига қўйдилар.

Гулруҳ бегимдан: Комрон Мирзо, Аскарий Мирзо, Шоҳруҳ Мирзо, Султон Аҳмад Мирзо ва Гулизор бегим (туғилдилар).

Дилдор бегимдан: Гулранг бегим, Ҳиндол Мирзо, Гулчехра бегим, Гулбаданбеким ва Олур Мирзо (туғилдилар). Гап шундаки, Кобулнинг олиниши яхши мақсадларга етишининг нишони бўлди. Подшоҳнинг Хустда туғилган икки қизидан бошқа ҳамма фарзандлари Кобулда туғилди. У қизлардан Меҳржон бегим Меҳри бегимдан ва Гулранг бегим Дилдор бегимдан туғилган эди.

Фирдавс маконнинг катта ўғиллари Ҳумоюн подшоҳ тўртинчи зулқаъда кечаси, сесанба куни, тўққиз юз ўн учинчи йили Кобул аркида¹ офтоб ҳут буржидатургандага туғилдилар. Ёша йили Фирдавс макон амирларни ва бошқаларга: «Энди мени Бобур подшоҳ деб атанглар», деб буюрдилар. Ҳумоюн подшоҳ туғилмасларидан бурун Мирзо Бобур деб аташ расм эди. Чунки бутун подшоҳзодаларни Мирзо деб атаб, ўзларини эса Ҳумоюн подшоҳ туғилган йилларидан «Бобур подшоҳ», деб аташга буюрдилар. Жаннат ошиён Ҳазратнинг туғилган йилини شاه فیروز قدر سلطان حمایون خان ва сўзларидан топганлар.

Фарзандлари туғилганидан кейин, «Шоҳибек хонни шоҳ Исмоил ўлдирди» деган хабар келди. Подшоҳ ҳазратлари Кобулни Носир Мирзога бериб, ўзлари ахли аёли билан ва фарзандлари: Ҳумоюн подшоҳ, Меҳржаҳон бегим, Борбўл Мирзо, Маъсума Султон бегим ва

¹ 943 йил ҳижрий тўртинчи зулқаъда, яъни 1508 йил 7 марта.

Комрон Мирзоларни олиб Самарқандга кетдилар. Шоҳ Исмоилнинг ёрдами билан Самарқандни қўлга кирилар ва саккиз ой давомида бутун Мовароунаҳр у кишининг ҳукмронликлари остида бўлди. Ака-укаларнинг ноаҳиллиги ва мўғулларнинг душманлигидан Кўлималикда Убайдуллохондан шикаст едилар ва ортиқ у вилоятлarda тура олмадилар. Сўнг Бадахшон ва Кобулга қараб йўл олдилар. Шундан сўнг яна Мовароунаҳрни қўлга киритиш хаёлини кўнгилларидан тамом чиқарип ташладилар. Тўққиз юз ўнинчи йили¹ Кобул вилояти у кишига муяссар бўлди.

Доим Ҳиндистонни қўлга киритиш ҳаваслари бор эди. Амирларининг сустлигидан ва биродарларининг ноаҳиллигидан бу орзуга эриша олмаган ва (у ерни) қўлга кирита олмаган эдилар. Охирги вақтда ака-укалари кетиб қолишгач, амирларининг ичидаги ҳам подшоҳнинг бу мақсадларига хилоф сўз айта оладиган ҳеч ким қолмагач, тўққиз юз йигирма бешинчи йили² подшоҳ Икки-уч марта жаңг қилиб, Бужурни эгалладилар ва Бужур аҳлини қиличдан ўтказдилар.

Шу куни Афоний оғачанинг отаси Малик Мансур Юсупзай келиб, Ҳазратга мулизимат қилди. Подшоҳ ҳазратлари унинг қизи Афоний оғачани ўз никоҳларига олдилар. Малик Мансурга эса от ва бошқа подшоҳона саруполар тақдим қилдилар. Үнга ҳалқи, одамлари ва бошқаларни келтириб, ўз ватанини обод қилишга рухсат бердилар.

Қосимбек Кобулда эди. У, янги бир шаҳзода дунёга келди деб, хат ёзиб юборди. Ҳиндистон фатҳининг яхши нишонаси шу иш пайтида густоҳлик қилиб ёздим, қолганига подшоҳ соҳибдирлар. Ҳар не бўлса, уларнинг розиликлари билан бўлади. Подшоҳ шу ондаёқ шаҳзодага Мирзо Ҳиндол деб ном қўйдилар.

Бужурни қўлга киритгандан кейин, Бҳарага йўл олдилар, бу срга келиб талон-торожга йўл қўймадилар, тўрт юз минг шоҳрухийни олиб, аскарлар ва навкарлар сонига қараб бўлиб бериб, сўнг Кобулга қараб кетдилар.

Бу вақтда Бадахшон ҳалқидан «Мирзохон вафот этди». Мирзо Сулаймон ҳали ёш, ўзбек эса яқин (келиб қолди), бу вилоят ҳақида ҳам ўйлаб кўринг, яна Бадахшон қўлдан кетиб қолмасин, деган мазмунда хат келди. Бадахшон тўғрисида ўйлаб турганда, Мирзо

¹ 910 йил ҳижрий, яъни 1505 йил мелодий.

² 925 йил ҳижрий, 1519 йил мелодий.

Сулаймоннинг онаси ўша айтилган Мирзони олиб келиб қолди. Подшоҳ ҳазратлари уларнинг муддаосини ва хотирларини ҳисобга олиб, жой бердилар ва отаси-нинг жойини унга тайин қилдилар. Бадахшонни Ҳумоюн подшоҳга бердилар. Ҳумоюн подшоҳ у томонга жўнаб кетдилар.

Подшоҳ ҳазратлари ва онам кетма-кет Бадахшонга кетишди. Неча кунни биргалиқда ўтказдилар. (Кейин) Ҳазрат Ҳумоюн подшоҳ Бадахшонда қолдилар, подшоҳ Бобом билан онам Кобулга қайтиши. Бир қанча вақтдан кейин Кулот ва Қандаҳорга йўл олиниди. Кулотга етган соатдаёқ, уни қўлга олдилар ва Қандаҳорга отлаандилар. Қандаҳор халқи бир ярим йилгача қалъада қамалиб қолдилар. Бир ярим йилдан сўнг, жуда қаттиқ жанглардан кейин, худонинг инояти билан Қандаҳорни қўлга киритдилар. Жуда кўп олтин қўлга тушди. Сипоҳларга ва лашкардаги кишиларга олтин ва туяларни тақдим қилдилар. Қандаҳорни Мирзо Комронга бериб, ўзлари Кобулга қайтиб кетдилар. Тўққиз юз ўттиз иккинчи йил сафар ойининг жума куни¹, офтоб Қавс буржиде эди, уй олдига чиқиб, унинг ортидаги топаликдан бир ланг ўтиб, Яқуб қишлоқ деган жойга тушдилар. Эртаси куни у ердан кўч-кўч бўлиб, Ҳиндистонга қараб йўл олдилар.

| Тўққиз юз ўттиз бешинчи йилдан² (бошлаб) етти-саккис ўзларни ичидан бир неча марта Ҳиндистонга лашкар тортдилар ва ҳар сафар Бхера, Бужур, Сиалкут, Деваллур ва Лоҳур каби вилоятларни қўлга киритдилар. Бешинчи марта тўққиз юз ўттиз иккинчи йили сафар ойининг жума куни Яқуб қишлоқдан кўч-кўч бўлиб, Ҳиндистон томон аскар тортдилар ва Лоҳур, Сарҳинди ва йўл устидаги вилоятларни қўлга киритдилар.

Тўққиз юз ўттиз иккинчи йил саккизинчи ражаб ойининг жума куни Панипатда Султон Иброҳим бин Султон Исқандар бин Баҳлул Лўди билан жанг қилиб ва худонинг инояти билан ғолиб чиқдилар. Султон Иброҳим бин жангда ҳалок бўлди. Бу ғалаба худонинг муҳаббати туфайли қўлга киритилди. Чунки Султон Иброҳим юз саксон минг отлиқ аскар, бир минг беш юзга яқин ҳарбий филга эга эди. Подшоҳ ҳазратларининг аскарлари савдогарлар ва яхши-ёмон билан қўшганда,

¹ 932 йил ҳижрий, сафар ойининг жума куви, яъни мелодий 1526 йил 22 ноябр.

² 935 йил ҳижрий, яъни мелодий 1528 йил.

үн икки минг кишидангина иборат бўлиб, булар ичидан жангга қатнаша оладиган қисми фақат олти-етти минг кишигини эди. У кишининг қўлларига беш подшоҳнинг хазинаси тушди. Буларнинг ҳаммасини (жанг иштирокчилари) бўлиб бердилар.

Шу вақтда Ҳиндистонлик амирлар «Ҳиндистонда қадимги подшоҳлар хазинасидан ҳарж қилиш айб ҳисобланади, аксинча, уларга қўшиб-қўшиб кўпайтирилади», дейишди. Ҳазрат бунинг аксини қилиб, хазиналарнинг ҳаммасини (одамларга) тақдим қилдилар.

Хўжа Калонбек бир неча вақтдан бери менинг мижозимга Ҳиндистон ҳавоси тўғри келмайди, деб Кобулга кетишга рухсат сўраб юрар, агар рухсат бўлса, бир неча вақт Кобулда бўлсан дер эди. Лекин Ҳазрат Хўжадан айрилишга сира-сира рози эмас эдилар. Ниҳоят, Хўжа Калонбек ўз фикрида астойдил турниб олгач, унга рухсат бердилар. Унга Ҳиндистон фатҳида Султон Иброҳимдан қўлга киритган ўлжалардан, валинеъматларга, ҳарам аҳли ва опа-сингилларимизга юбормоқчимиз, ўзингиз билан олиб боринг, уларни қандай тақсим қилиш ҳақида тўлиқ ёзиб берамиз, шу асосда тақсим қилинг ва айтингки, бегимларнинг ҳар бирлари боғ ва девонхонада алоҳида алоҳида ўзлари учун чодир ўрнатиб, яхши маъракалар уюштирисинлар ва сажда қилиб худога шукур қиссинларки, Ҳиндистон бутунлай фатҳ этилди. Бегимлардан ҳар бирига шуни тайинланг, ўз валинеъматларимизга Султон Иброҳимнинг шахсий идиш-асбобларидан биттасини, яна битта олтин идишга гавҳар, лаъл, марварид, ёқут, олмос, зумрад, феруза ва бошқа қимматбаҳо тошларни тўлдириб ва садафдан ясалган патнисчани ашрафий тангаси билан тўлдириб, яна иккита патнисчани шоҳрухий тангаси ва ҳар хил қимматли нарсалардан тўққиз-тўққиз қилиб, уларга тўрт патнис, бир товоқ, яна бир катта товоқ—ҳар бир патнисда шоҳрухий ва ашрафий тўлдирилган, бир патнис гавҳар ва юқорида эслатилган Султон Иброҳимнинг шахсий идишини — шуларни ва бошқа қилинган совғаларни, бундан кейин, опа-сингиллар, фарзандлар, ҳарам аҳли, қариндош-уруғлар, бегимлар, оғалар янгалар, кўкалар, оғачалар ва бутун дуоғўйларга гавҳар ва ашрафий ҳам шоҳрухий тангалардан ва бошқа кийимлик парчалардан ҳар бирларига алоҳида алоҳида қўлингизга ёзиб берилган рўйхат асосида тақсим қилиб беринг, дедилар.

Боғ ва девонхонада уч кунгача алоҳида хушхоллик

билин маъракалар ўтказилди. Подшоҳ ҳазратлари давлатининг ривожини сўраб, бошларини ерга қўйиб, сажда қилиб, худога шукур қилдилар.

Хўжа Калонбек қўлига (подшоҳ) амакиси Асас учун битта катта ашрафий бериб (бу ашрафийнинг қиймати уч сир подшоҳийга ёки 15 та Ҳиндистон сирига баробар эди), Хўжага: «Агар Асас сиздан подшоҳ менга нима бериб юбордилар деса, бир ашрафий, деб жавоб беринг» деб буюрдилар. Ҳақиқатан ҳам бир ашрафий эканлиги маълум бўлгач, (Асас) уч кунгача таажжубланиб, койиб юрди. (Подшоҳ) бу ашрафийни тешиб, (Асаснинг) қўзини боғлаб, бўйнига осиб, ҳарам ичига юборишни буюрган эдилар. Дарҳол ашрафий Асаснинг бўйнига осилгач, унинг оғирлигидан сабрсизланиб, хурсанд бўлиб, тоқатсизланиб бирдан икки қўли билан ашрафийни маҳкам ушлади ва бошқалар менинг ашрафийимни олиб қўймасинлар деб дархол атрофга қаради. Бегимларнинг ҳар биттаси ҳам Асасга ўн-ўн икки ашрафийдан бердиларки, унинг ашрафийлари етмиш-саксонга етди.

Хўжа Калонбек Қобулга келгандан кейин, Аграда Ҳумоюн подшоҳ ҳамма мирзолар, сultonлар, амирларга ўз хазиналаридан ҳадялар бердилар. Теварак-атрофдаги ҳамма вилоятларга элчилар жўнатилиб, кимда-ким агар бизга келиб мулоzимат қилса, ҳар томонлама раъият қиласиз, агар улар ичида ота-боболаримизга хизмат қилган кишилар бўлса, катта мукофотга сазовор бўладилар; Соҳибқирон ва Чингизхон авлодидан бўлган ҳар бир киши бизнинг даргоҳимизга қайтиб келсин; Худо бизга Ҳиндистон мамлакатини ато қилди, келсинлар, то бу давлатни бирга сўрайлик, деган қатъий буйруқ юборилди.

Сulton Абу Сайд Мирзонинг қизларидан еттита бегим — Гавҳаршодбегим, Фахри Жаҳон бегим; Хадица Сulton бегим, Бадиъул Жамол бегим, Оқ бегим, Сulton Баҳт бегимлар, (яна) подшоҳнинг тоғалари Сulton Маҳмудхоннинг қизи — Зайнаб Сulton хоним, подшоҳнинг кичик тоғалари Олачаҳоннинг қизи — Мұҳиб Сulton хонимлар келишди. Қисқаси, келган хоним ва бегимларнинг ҳаммаси тўқсон олти киши эди. Уларнинг ҳаммаларига жой-жогир ва кўнгиллари тилаган инъомлар тайин қилдилар.

Подшоҳ ҳазратлари Агра шаҳрида тўрт йил турдилар. Ҳар жума куни аммаларни кўргани борар эдилар. Бир куни ҳаво ниҳоятда иссиқ эди, онам ҳазратлари:

«Бугун ҳаво ниҳоят иссиқ, агар жума куни кўргани бормасангиз нима бўлади, бегимлар бундан хафа бўлмасалар керак», деб сўрадилар. Подшоҳ онамга мана бундай жавоб бердилар: «Моҳим, сиёдан бу гапнинг чиқиши таажжубдир. Ҳазрат Абу Сайд Мирзонинг қизлари ўз ота ва биродарларидан жудо бўлиб, бу ерга келган, агар мен уларнинг кўнглини олмасам, унда нима бўлади?»

Хўжа Қосим устага, мен сенга яхши иш буюраман, яъни менинг аммаларим, мураббияларимнинг ичида ҳар қандай зарур ишлари бўлса, жону дилинг билан ўрнига қўйгин», дедилар. Агра да сув бўйига иморатлар бино қилишни буюрдилар. Тошдан ясалган бу иморатни — ўзларининг хилватхоналарини ҳарам ва боғ ўртасига солишини буюрдилар, девонхонада ҳам тошдан ясалган бино солинди. Бу бинонинг ўртасига ҳовуз ва бинонинг атрофидаги тўрт бурчагига ҳужралар қилинди, дарё қирғоғига бир човганди солинди.

Девалпур шаҳрида ҳам бир бўлак бутун тошдан ўн газ квадрат ҳажмидаги ҳовуз қуришини буюрдилар ва шу ҳовуз қачон тайёр бўлса, уни нуқул шароб билан тўлдирамен, дер эдилар. Рано Санго жангни олдидан шароб ичишдан тавба қилганликлари сабабли, ҳовузни нуқул лимон шарбати билан тўлдирилар.

Султон Иброҳим фатҳидан бир йил ўтгач, Рано Ҳиндистон томондан ҳисобсиз аскарлари билан пайдо бўлди. Ҳинд рожалари амирларининг рожаларидан подшоҳ ҳазратларига мулозимат қилганларининг ҳаммаси подшоҳдан бўйин товлаб, Ранога бориб қўшилдилар. Жалолий кўли Санбахил Рапоргача ҳамма парганалар, рай ва рожалар ва аффонлар ҳам подшоҳга қарши бош кўтардилар. Деярлик икки юз минг отлиқ аскар тўпланди. Шу вақт мунажжим Муҳаммад Шариф аскарларга мурожаат қилиб, шукур юлдузи бирбири билан баробар турибди, бу вақтда жанг қилмасинлар, дедилар. Подшоҳ аскарлари ўртасида ҳайронлик пайдо бўлди, кўп парокандалик ва қўрқув бошланиб, улар умидсизликка тушиб қолдилар. Подшоҳ аскарларининг бу аҳволини кўриб, чуқур фикр қилдилар. Душман яқинлашиб қолганида, у кишининг муборак хотирларига келган нарса шу бўлдики, ҳамма амирлар, хонлар ва султонлар, катта ва кичик; баланд ва паст қочиб кетган кишилар ҳамда бўйин товлагандардан бошқа ҳамма қолганлар бир жойга йиғилсинлар, деб буюрдилар.

Ҳаммалари йигилиб келдилар. Подшоҳ уларга қараб: «Шуни эсингиздан чиқармангизки, ватанимиз ва шаҳаримиздан бизни неча ойлик йўл ажратиб турибди. Худо у кундан асрасин. Агар аскарларимиз бу жангда енгилса, худо бизни ҳимоя қиласин, биз қаерларда қолиб кетамиз. Шаҳаримиз қаерда, ватанимиз қаерда? Иш ажнабийлар ва бегоналар қўлига тушиб қолади. Аҳвол шундай экан, икки йўлдан бирини танлаб олиш керак. Агар душманни ўлдирсан, ғози бўламиз, агар ўлдирилсан, шаҳид бўламиз. Шу ҳар иккала тақдир ҳам бизни кидир. Бизнинг улуг даражамиз ва олий мартабамиздир», дедилар: (Бу гапларни) ҳамма бир оғиздан қабул қилди. Подшоҳ, «худо хоҳласа, то жону танимизда охирги нафасимиз қолгунча урушамиз, жон фидоликда ва қон сочишлиқда ўзимизни аямаймиз, агар шу гапдан қайтсан, хотинимиз талоқ бўлсин», деб Қуръон билан қасам ичдилар. Рано Санго жангидан икки кун бурун подшоҳ ҳазратлари шароб ичишдан ва бошқа номуносиб ишлардан тавба қилган эдилар. Мардоналиқ ва яқдиллик, ҳамжиҳатлик билдирган яна тўрт юз атоқли йигит ўша мажлисда подшоҳ туфайли шароб ичишдан тавба қилдилар. Шароб ичишга керак бўладиган ҳамма тилла ва қумуш асбобларни, олтин пиёлаларни ва бошқа қимматли идишларни синдириб, камбағал-бечораларга бўлиб бердилар.

Бутун атрофга ва ҳамма томонга қатъий таъкид қилиб, буйруқлар юбориб, ҳамма солиқлардан, бождан, тамғадан, закотдан ҳамда мева солиқларидан ва бошқа қонундан ташқари ҳамма мажбуриятлардан кечганикликларини эълон қилдилар, (ва яна) ҳеч ким савдогарларнинг бориб келадиган йўлларида тўқсиилик қилмасин, савдогарлар хотиржамлик билан юрсиилар деб буюрдилар.

Рано Санго билан жанг бўладиган куни кечаси Султон Ҳусайн Мирзонинг Ойша Султонбеким номли қизининг ўғли Қосим Ҳусайн Султон Хуросондан Курухи қишилоғига келибди, деган хабар келди. Бу хабарни эшитиб, Ҳазрат кўп хурсанд бўлдилар. У билан қанча киши ҳамроҳ экан, деб сўрадилар. Кейинроқ аниқланишича, ўттиз-қирқ отлиқ билан келаётган экан. Шу куни яхши қуролланган мингта отлиқ аскарлар кечаси улар билан бирга келишсин, деб юбордилар. Бегоналар ва душманларда ўз вақтида кўмак етиб келибди, деган фикр хосил бўлсин деб шундай қилдилар. Подшоҳнинг бу фикри ва тадбирини эшигтан ҳар бир киши уни маъқуллади.

Тўққиз юз ўттиз учипчи йилни жумодил аввал ойда¹ саҳар вақтида Сигири тоғининг этагида, бу тоғининг устида ҳозир Фатҳпур шаҳри бино қилинган, Рано Санго билан жанг бўлди. Худонинг инояти билан подшоҳ ғала-ба қозондилар ва гози бўлдилар. Рано Санғонинг фатҳидан бир йил ўтгач, онам Моҳим бегим Кобулдан Ҳиндистонга келдилар. Мен подшоҳ Бобомни кўргани у киши билан бирга опаларимдан олдин келдим. Онам Қўлга етғанларида подшоҳ ҳазратлари уч отлиқ маҳофа юбордилар. Биз Қўлдан Агра томонга тез йўл олдик, подшоҳ ҳазратлари бизни Жалолий кўлида учратишини мўлжаллаган эдилар. Намозшом пайтида бир киши келиб, «Ҳазратни икки курва нарида қолдириб келдим», деди. Подшоҳ Бобом ҳазратлари то от келтиргунларигача тоқат қилмай, пиёда йўлга тушшб, Ишича Моҳим уйлари олдида биз билан учрашдилар. Онам отдан тушмоқчи бўлдилар, лекин подшоҳ Бобом қўймасдан, ўзлари онамнинг отларининг жиловларидан ушлаб, ўз уйларига етгунча пиёда келдилар. Онам подшиҳ Бобомнинг олдига келганларида, менга кундузи келиб, Ҳазрат билан кўринишгин, деб буюрдилар. Подшоҳ Бобом менга тўққизта тұя, икки тўққиз от ва икки маҳофа юкландын бошқа от юборган эдилар. Бир маҳофаши Кобулдан олиб келган эдилар. Умуман онамнинг юзга яқин мўғул хизматкорлари кўп зеб-зийнатлар билан ясатилган чопқир отларга мингаш ҳолда келдилар. Бобомнинг халифаси ўз хотинлари Султоним билан бирга Навгирон деган жойда пешвоз чиқдилар. Мен маҳофада ўтирад әдим. Энагаларим мени кичик бир боқчада туширдилар. Бир шолчани ерга ёзиб, менга шолчани кўрсатиб, бобонг ўзининг халифаси билан келганда, ўрнингдан туриб қабул қилгани, деб ўргатдилар. Бобомнинг халифаси келиши биланоқ ўрнимдан туриб кўришдим. Шу вақтда у кишининг хотини Султоним хам келдилар. Мен билмасдан ўрнимдан турмөқчи бўлдим, буни кўриб Бобомнинг халифаси, менга жуда муболага қилиб, бу қария сизнинг канизагигиз, шу сабабли туришнинг хожати йўқ, деди. Отангиз бу қарни ғуломларини шу йўсиндаги буйруқлари билан мамнун қилганлар, банданинг бу буйруққа бўйинсуимай иложи борми?

Бобомнинг халифаси менга беш минг шоҳрухий ва бешта от тақдим қилди. У кишининг хотинлари Султо-

¹ 933 йил ҳижрий, жумодил аввал ойи — 1527 йил, феврал ойи.

ним эса, уч минг шоҳрухий ва учта от бериб, ионушта тайёр, агар овқатлансангиз, бандалари жуда мамнун бўлар эдик, деди. Бу таклифни қабул қылдим. Бир яхши жойда катта супа қилинган ва бир неча чодир ўрнатилган эди, улардан биттасининг устки қисми майин қизил мовутдан бўлиб, ички томони гужарот зарбобидан эди. Яна олтига соябон шаклидаги чодир ўрнатилган бўлиб, булар ҳам майин мовут ёки зарбобдан эди. Ҳар биттаси ҳар хил рангда эди. Бошқа тўрт устунлик шоҳона чодирлар ҳам майин мовутдан бўлиб, устунлари ҳар хил рангга бўялган эди. Мен Бобом ҳалифасининг уйнда ўтиридим, бизга турли хил овқатлар тортдилар. Эликка яқин қўй сўйилиб, қовурдоқ иширилган эди. Нон ва турфа хил мевалар, шира ва шарбатлар кўп эди. Овқатланиб бўлгач, маҳофага ўтириб, ҳазрат подшоҳ Бобом олдиларига бориб, кўришиб оёқларига ўзими ни ташладим. Ҳазрат кўп ҳолу аҳвол сўрадилар. Бир неча вақт тиэналарига олиб ўтирилар, шу вақтда ўзими ни шундай бахтли ҳис қилдимки, уни тасвиirlаб бўлмайди.

Аграта келганимиздан кейин уч ой ўтгач, подшоҳ ҳазратлари Девалпурга кетдилар. Ҳазрат Моҳимбегим билан мен ҳам сайр қилиш мақсадида Девалпурга жўнадик. Девалпурда бир бутун тошни ўйиб, ўн квадрат газ ҳажмлик ҳовуз ясалган эди. Кўлнинг ўртасига катта супа ясашни буюрдилар. Бу супа тайёр бўлгач, кемага ўтириб, у ерга бориб сайр қилар ва супада ўтирап эдилар. Бу шийпонда «Тўрхона» (юқори ҳужра) бино қилдириб, унда ўлтириб Қуръон ёзар эдилар¹.

Мен ва Афғоний оғача охирги эшикнинг олдида ўлтирган эдик, онам намоз ўқимоқ учун туриб кетган эдилар. Мен Афғоний оғачага: «Қўлимдан тортинг», дедим. Афғоний оғача қўлимдан тортган эди, қўлим чиқиб кетди, оғриққа чидолмай йиғлай бошладим. Охири камонгарни олиб келиб, қўлимни боғладилар ва сўнг Аграта қайтиб кетдик.

Аграта етган ҳам эдик, бегимлар Кобулдан келишди деган хабар келди. Менинг катта аммам, подшоҳ Бобом ҳазратларининг катта опалари, окажонимни кутиб олиш учун то Навгиронгача пешвоз чиқдилар. Ҳамма бегимлар катта аммам билан кўришмоқ учун у киши келган жойга йиғилишиди. Кўп хурсандчилик бўлди. Худога шу-

¹ Бобур ўзи ихтиро қилган маҳсус алифбосида ёзган Қуръони ҳақида гап боряпти, деб ўйлаймиз. (С. А.)

кур қилиб, Аграга қайтишди. (Подшоҳ) ҳамма бегимларга ҳовли-жойлар инъом қилдилар. Бир неча кундан кейин сайр қилмоқ ниятида Зарафшон боғига кетдилар. Бу боғда бир таҳоратхона қурилган эди. Буни кўргач, подшоҳ «кўнглим салтанат ва подшоҳликдан олинди, шу Зарафшон боғида бир бурчакда ўтирасам, менинг хизматим учун Тоҷир офтобачи ҳам етиб ортади, подшоҳликни Ҳумоюнга берсам», дедилар. Шу замон онам ва отамнинг ҳамма фарзандлари бу гапдан ғамгин бўлиб йиғлашиб, «худои таоло сизни подшоҳлик мансабида тутсин, кўп йиллар ва беҳисоб асрлар ўз паноҳида арасаси, ҳамма фарзандларингиз ўз қўл остингизда камолотга етишин», дейишиди.

Бир неча кундан кейин Олур Мирзонинг тоби қочиб қолди. Қасали қорин оғриғига айланиб кетди. Ҳаким ва табиблар қанча даволамасинлар, кундан-кунга у кишининг касали оғирлашаверди. Охир шу касал билан ўткинчи дунёдан абадий дунёга ўтди. Подшоҳ ҳазратлари кўп қайғу ва ғам чекдилар. Олур Мирzonинг онаси Диlldор бегим эса бундай жаҳонда нодир ва асрда ягона ўғлиниг ғаму ўсусаси билан савдои бўлиб қолдилар. Ҳафалик ҳаддан ошиб кетганлиги сабабли подшоҳ ҳазратлари онамга ва бегимларга: «Юринглар, бир Девалпурга бориб сайр қилиб келайлик», дедилар. Узлари кемага ўлтириб, саломатлик билан сувдан ўтдилар ва ўша куни Девалпурга етиб бордилар. Бегимлар ҳам кемага ўлтириб, сувдан ўтмоқчи бўлишди. Ҳудди шу вақтда Деҳлидан Мавлоно Муҳаммад Парғалининг мактуби келди. Унда «Ҳумоюн Мирзо бетоб, аҳволи анча оғир, бу хабарни эшигтан замон, ҳазрат бегим тезлик билан Деҳлига келсинлар, Мирзо ниҳоят бетоқатлик қилмоқдалар» деб ёзилган эди. Бу хабарни эшигтан замон онам ҳазратлари сабрсизландилар. Ҳудди сувсиз қолган ташна кишидек, шошилинч равишда Деҳлига жўнадилар.

Митхарага етгач, Ҳумоюн Мирzonинг аҳволини эшигтганларидагидан кўра ўн баробардан ортиқ занфланган ва мажҳул эканлигини ўзларининг жаҳон кўрувчи кўзлари билан кўрдилар. У ердан она ва бола ҳудди Исо Марямдек бирга Аграга қайтиб кетишди.

Аграга етишган ҳам эдикни, мен ҳақир оналарим билан бирга фаришта табиятли Ҳазратни кўргани бордим. У кишининг касали борган сари оғирлашиб борар эди. Ҳар замонда Ҳазрат ҳушларига келган вақтда гавҳар сочувчи тиллари билан бизларга мурожаат қилиб, ҳам-

шираларым, хуш келибсизлар, келинглар, бир-биримизни құчоқлайлик, чунки сизлар билан құчоқлашиб құриша олмадым, дедилар. Яқын уч марта бошларини құтариб, гавәр сочувчи тиллари билан шу иборани мархамат қилиб айтдилар.

Хазрат келиб касални күришлари биланоқ нуроний өзхралари күлғат ва хафаликка күмілди ва борган сари қаттық хафаланар әдилар. Шу вақтда онам ҳазратлары сиз менинг фарзандымдан бепарвосиз, чунки подшоҳсиз, нима ғамингиз бор, сизнинг бошқа фарзанднингиз ҳам бор, мен ғамдаманки, битта, якка-ю ягона фарзандим бор дедилар. Подшоҳ жавобан гарчи менинг бошқа фарзандларим бор бұлса-да, лекин уларнинг ҳеч бирини сенинг Ҳумоюнингдек яхши күрмайман, шунинг учун ҳам бутун бор давлатимни, салтанатимни жақонда ягона, нодир замон севимли, бақтли ўғлим — Ҳумоюнга бағишламоқчиман, бақаларга эмас, дедилар.

У киши касал ётган вақтда подшоҳ ҳазратлари ҳазрат Муртоза Али (худо унга карам қылсын) мозорига борувлар (киши)ни күришни истадилар. У борувларни чоршанба кундан (бери) сақлар әди. Үзлари изтироб ва бетоқатлық билан сешанба куни кузатдилар. Ҳаво ниҳоятда иссиқ әди. Дил-жигарлари күяр әди. Ұша борувидан, худоё, агар жон ўрнига жон бериш мүмкін бўлса, мешки Бобурман, умрижонимни Ҳумоюнга бағишлайман, деб дуо қилишини сўрадилар. Шу куннинг ўзидаёқ жаннат макон Ҳазратнинг тоблари қочиб қолди. Ҳумоюн подшоҳ эса ўз бошларидан сув қуайиб, ташқарига чиқдилар ва күргани келгандарни қабул қилдилар, подшоҳ Бобомни касаллуклари туфайли ичкарига олиб кирдилар. Яқын икки-уч ой касал бўлиб ётиб қолдилар. Бу вақтда Мирзо Ҳумоюн Қалинжар томонга кетган әдилар. Подшоҳ ҳазратларининг касали оғирлашгани сабабли Ҳумоюнни чақириб келиш учун киши юбордилар. У киши тезлик билан етиб келдилар. Подшоҳ билан күришдилар ва (подшоҳни) ниҳоят ҳолсизланган ҳолда кўрдилар. Ҳумоюн подшоҳ ҳазратлари кўп ачиниб хафа бўлдилар ҳамда бетоқатлик кўрсата бошлидилар ва хизматкорлардан нега бирданига озиб-тўзиб қолдилар, деб сўрадилар. Ҳаким ва табибларни чақирдилар ва уларга мен у кишини соғлом ҳолда қолдириб кетган эдим, бирданига нима бўлди, дедилар. Ҳаким ва табиблар бир нималар деб жавоб бердилар.

Подшоҳ Бобом ҳазратлари ҳамма вақт на ҳар соат

Ҳиндол қаерда ва нима қилмоқчи? — деб сўраб турар эдилар. Шу вақт бир киши келиб Мирхурдибекнинг ўғли Мирбердибек кўриниш берди, деди. Худди шу вақтда подшоҳ Бобом ҳазратлари тамом изтироб билан Ҳиндол қаерда, қачон келмоқчи, нима бало кутдириб қўйди, деб сўраган эдилар, Мирбердибек: «Мақсадга стишган шаҳзода Деҳлига етиб келганилар, бугун-эрта хизматларига етиб келсалар керак», деб жавоб берди. Подшоҳ Бобом ҳазратлари Мирбердибекка: бадбаҳт, эшишишмга қараганда, сенинг опангни Кобулда эрга берибдилар, ўзинги Лоҳурда уйлантирибдилар; бу тўйлар сабабли ўғлимни тезда келтирмадинг, интизорлик ҳаддан ошиб кетди, дедилар ва Ҳиндол Мирзо қандай бўлиб кетган ва кимга ўхшайди, деб сўрадилар. Мирбердибек Ҳиндол Мирзонинг тўнини кийган эди. Уни кўрсатиб, бу тўн шаҳзоданикидир, буни мен қулларига тақдим қилиб эрдилар, деди.

Ҳазрат Ҳиндолнинг қад-қомати қандай экан, кўрсам эди, деб яна қаттиқроқ талаб қила бошладилар. Ҳар соат, ҳар вақт, афуски Ҳиндолни кўра олмадим, дер эдилар. Ким келса, Ҳиндол қачон келади, деб сўрар эдилар. Касаллик асносида онамга: Гулранг бегим билан Гулчехра бегимларни эрга берин лозим, деб ҳукм қилдилар ва агар аммам ҳазратлари келсалар, у кишига подшоҳ менинг фикримча, Гулранг бегимни Эсон Темур Султонга ва Гулчехрани Тўхта Буға Султонга берсак деганлар, деб хабардор қилинглар, дедилар. Онажоним табассум қилиб кулдилар ва уларга худди шу фикр менинг ҳам кўнглимдан ўтган эди, нимага рози бўлсалар, шундай қилиш керак, дедилар. Ҳазрат опажоним эса, худо муборак қилсин, хўп яхши маслаҳатни ўйлабдилар, дедилар. Чечамнинг ўzlари Бадиъул Жамол бегим — ҳар иkkала аммамни катта хонага олиб кетдилар.

Сарпо бериб, бисотларини ёйиб, султонларни уйлантириш ва куёв қилиш соати ва ойини маслаҳат қилдилар. Шу вақтда Ҳазратнинг ич касаллари оғирлашди. Ҳумоюн подшоҳ оталари аҳволининг янада ёмонлашганини кўриб, яна бетоқат бўлдилар. Табиб ва ҳакимларни чақириб уларга: яхшироқ ўйлаб, Ҳазратнинг касалига илож топинглар дедилар. Табиб ва ҳакимлар бизнинг бахтсизлигимиз шундаки, ҳеч бир дори иш бермаяти. Худодан умид қиласиз, ғойиб хазинасидан тезда шифо ато қиласа. Шу вақтда табиблар Ҳазратнинг томирларини кўриб, Султон Иброҳимнинг онаси берган заҳарнинг аломати бор дейишди.

Бу воқеа шундай бўлган эди: у бадбахт Байда уз канизаги қўлига бир тўлча¹ заҳарни бериб, шуни олиб бориб Ахмад чошнагир² қўлига бериб, айтгинки, (шу заҳарни) қандай қилиб бўлмасин, подшоҳнинг хос ошига солсин, деди ва унга кўп ваъдалар қилди. Подшоҳ ҳазратлари бу Байда бадбахтни онам деб, ер ва жойлар бериб, жуда қаттиқ ҳурмат ва риоя қилардилар ва унга, мени Султон Иброҳимнинг ўрида, деб билгил дер эдилар. Шунга қарамай, у мана шундай ишни қилди. Лекин у ердаги қабилалар жоҳиллиги сабабли бу риояларни кўзга илмадилар. Ҳамма нарса ўз ҳолига қайтади, деган машҳур гап ҳам бор. У заҳар ҳақида қисқа гап шундан иборатки, (подшоҳга) келтирилган заҳарни, худо кўр ва кар қилтур берувчи, нонга қўшиб бергани, (подшоҳ) ундан озгина еган эдилар. Аммо касалликнинг асли, яъни подшоҳнинг кундан-кунга занфлашиб, озиб кетаётгандарининг сабаби ўша заҳар таъсирни эди. Касал ҳар куни ҳамма амирларни чақириб айтдиларки, кўп йиллардан бери Ҳумоюн Мирзога подшоҳлигимни топшириб, ўзим Зарафшон боғининг бир бурчагида турсам, деган фикрим бор эди. Ҳудонинг карами билан ҳамма нарса мусассар бўлди. Лекин мана шу мақсадимни соғ пайтимда қиласам, деган эдим, бўлмади. Касал мени эзиб қўйди. Сизларга васиятим шуки, ҳамманлиз Ҳумоюнни менинг ўрнимга деб билинглар ва унинг ҳукмронлигини камситманглар. У билан мувофиқ ва ҳамжиҳат бўлинглар. Ҳудодан умидим борки, Ҳумоюн ҳам одамларга яхшилик билан маъқул бўлади. Яна, Ҳумоюн, ака-укаларингни, ҳамма қариндош-урув ва ўз одамларини сенга, сени эса худога топшираман, дедилар. Бу сўзлардан, у ерда турганлар ва буни кўрганларининг ҳаммаси йиглаб юборишди. Подшоҳнинг муборак кўзлари ҳам ёшга тўлди. Бу воқеани ҳарамдагилар ва ташқаридаги кишилар ҳам эшитишди ва йиги-сиғи, тўполон бўлиб кетди. Уч кундан сўнг Ҳазрат подшоҳ ўткинчи дунёдан абадий дунёга ўтдилар. Тўққиз юз ўттиз еттинчи йил жумодил аввал ойнининг бешинчи куни — душанба куни вафот тарихлариdir³.

Табиб ва ҳакимлар аммам ҳамда онамларни (под-

¹ Тўлча — жиндек, озгина.

² Подшоҳ дастурхончиси.

³ 937 йил ҳижрий 5 жумодил аввал ойи — 1530 йил 26 деқабр.

шохни) кўргани келиш баҳонаси билан олиб келдилар. Ҳамма ўрнидан турди ва бегимлар ҳамда онамларимни катта уйга олиб боришиди. Фарзандлар, яқин қариндошлар ва бошқа одамларнинг бошига қора күп тушди. Ҳаммалари фарёд-фигон кўтаришиб, бетоқат бўлар эдилар. Ҳар ким ўзининг маҳфий бурчагида мана шу қора кунга учраган эди. Бу воқеа яширин тутилди. Охири Оройишхон номли ҳинд амири бор эди, у подшоҳ вафотини маълум қиласлик яхши эмас, чунки Ҳиндистонда бирор подшоҳнинг бошига шундай кун тушганини эшитса, одамлар бозорни талаш одатлари бор, деди. Мабодо мўғуллар билмасдан ҳовли-жойни талашга кириши масин. Шунинг учун бир кишига қизил кийгизиб, фил устига миндирилсии, у фил устидан ҳаммага жар солиб, «Бобур подшоҳ ҳазратлари дарвеш бўлдилар, давлатни Ҳумоюнга топширдилар», деб хабар қиласин. Ҳумоюн подшоҳ ҳазратлари шундоқ қилинглар, деб буюрдилар. Тезда шундай хабар қилинди, ҳалқ бир оз тасалли топди. Ҳамма ҳалқ Ҳумоюн подшоҳ ҳақларнга дуо қилинди. Шу ойнинг тўққизида — жума куни Ҳумоюн подшоҳ ҳазратлари таҳтга ўтирилар. У кишининг подшоҳлигини ҳамма одам муборакбод қилди. Шундан сўнг оналари, опалари ва яқинлари кўргани келиб, меҳрибонлик ва ғамхўрлик кўрсатдилар ва ҳукм қилдиларки, ким қандай мансабда, хизматда бўлса, қанча жой ва ерга эга бўлса, ҳаммаси ўз ўрнида бўлади ва ўз ишини олдингидек давом эттира беради.

Худди шу куни Мирзо Ҳиндол Кобулдан етиб келиб, подшоҳ ҳазратларининг қабулида бўлдилар. Подшоҳ у кишига иисбатан ҳам меҳрибонлик қилиб, келганидан хурсанд бўлдилар. Оталаридан қолган хазинадан Ҳиндолга кўп нарса тақдим қилдилар. Подшоҳ Бобом ҳазратларининг мозорлари тепасида маърака ўтказилди, маълум маблағ ажратилди ва Муҳаммад Али Асасни подшоҳ ҳазратлари — отам мозорига мутавалли қилиб тайинландилар. Олтмишта хушловоз ҳофиз ва қариялар беш вақт намозни жамоат билан ўқиб, ҳатми қуръон қилиб, жаннат макон Ҳазратнинг арвоҳига доим бағишилаб турадиган бўлишиди. Сигирини (хозир Фатҳпур номи билан машҳур), яна беш лак экин ерни ортиги билан Ҳаэрат мозорининг вақфи қилиб бердиларки, булар уламо, ҳофиз ва бошқа мозорга алоқадор кишиларнинг харажати учун сарф қилиниши лозим эди. Онам эса икки маҳал ош тайин қилди, бунинг учун эрта билан бир мол ва икки қўй ҳамда беш эчки,

кечқурун эса беш эчки сүйилар эди. Онам то икки ярим йилгача ўз тирикликларида ҳар куни икки маҳал овқатни ўзлари бош бўлиб, Бобом мозорларига бағишилар эдилар. Онам ҳаётлик даврларида подшоҳ ҳазратларини доим онамнинг уйларида кўрар эдим. Онамнинг аҳволлари оғирлашиб қолгач, онам менга, менинг вафотимдан кейин подшоҳ қизларининг ўз акаларини Гулбарг биби уйида кўришилари анча қийин бўлади, дедилар. Худди онамнинг бу сўзлари подшоҳ ҳазратларининг кўнглида тургандек, Ҳиндистонда турган вақтимизда доим бизнинг уйимизга келиб, биз билан кўришиб, кўп меҳрибонлик ва инъомлар қилиб тўрдилар. Маъсума Султон бегим, Гулчеҳра бегим ва бошқалар эрга берилган эди, подшоҳ ҳазратлари мен ҳақирининг уйимга келар эдилар. Отам билан онам вафотларидан кейин подшоҳ бу синиқ кўнглини кўтариш учун шундай иноят қилдилар ва бу бечора ҳақирига шундай беҳад шафқат кўрсатдиларки, етимлигим ва ёлғизлигимни ҳеч сезмадим.

Фирдавс макон Ҳазратнинг вафотларидан кейин жаннат ошиён ўн йил давомида Ҳиндистонда (ҳукмрон) бўлдилар. Ҳамма ҳалқлар тинчлик ва хавфсизликда яшади, у кишига бўйсуниб, итоатда бўлди. Фирдавс макон воқеаларидан кейин олти ой ўтгач, Гура тарафидан Баббан ва Боязид келдилар. Бу хабарни эшитган замоноқ подшоҳ ҳазратлари Аградан улар томон йўл олдилар ва Баббан ва Боязидни енгиб, Чанодага келдилар ва Чанодани ҳам қўлга киритиб, Арагта келдилар.

Онам Моҳимбегим Ҳумоюннинг ўғилини кўрсам деб орзу ва талаб қиласр эдилар. Қайси ерда чиройли ва ҳусндор қизни кўрсалар подшоҳ ҳазратларининг хизматларига келтираср эдилар. Ҳаданг ясовулнинг қизи Меважон менинг хизматимда эди. Бир куни Фирдавс макон вафотидан (сўнг) онам Ҳумоюнга: «Меважон ҳам ёмон қиз эмас-ку, нега уни ўз хизматингга олмайсан», дедилар. У кишининг сўзларидан кейин Ҳумоюн подшоҳ ўша кечанинг ўзидаёқ Меважонни никоҳ қилиб олдилар. Шундан уч кун ўтгач, Бека бегим ҳам Коғбулдан келдилар ва ҳомиладор бўлдилар. Бир йил кейин бир қиз туғилди. Номини Ақиқабегим қўйишди. Меважон: онам — Моҳимбегимга мен ҳам ҳомиладорман, дедилар. Охир онам икки хил яроқ тайёрлаб, қайси бирингиз ўғил туғсангиз, яхши яроқни ўшанга бераман, дедилар. Бунинг учун усти нуқул олтин ва нуқрадан иборат бўлган яроқ ва алоҳида йўрқон тай-

ёрлаб, өораки ىكкаласидан¹ биттаси үғил түгса, деб интизор бўлдилар. Бека бегим Ақиқа бегимни туғдилар. Шундан сўнг Меважон умидвор бўлдилар. Меважоннинг (ҳомиладор) бўлганларига ўн ой тўлиб, ўн биринчи ойга ўтди ҳамки, кўзлари ёримади. Меважон эса, мени холам Ўлугбек Мирзонинг хотини эдилар, у киши ўн иккى ой деганда үғил туққап эдилар, эҳтимол мен ҳам у кишига ўхшаган бўлсан, дер эди. (Ўзларига) алоҳида чодир тикиб, кўрпа-ёстиқларини тайёрлаб қўйдилар. Кейинчалик маълум бўлишича, ел бўғоз бўлган эканлар. Подшоҳ Чанода томонга кетган эдилар. Соғсаломат саодат билан қайтиб келдилар. (Шу муносабат билан) онам Моҳимбегим катта тўй бердилар, бозорларни безатдилар. Илгари бозорни бозор аҳлининг ўзи безатар эди. Бу сафар у киши бу ишни қилиш учун алоҳида кишилар ва сипохийларга яхши жой ва чиройли маконларни тайёрлашни буюрдилар. Шундан буён Ҳиндистонда оин банди² расем бўлиб қолди. Тўрт зина билан кўтарилиган олтин тахт устига кимхобдан қилинган палос, кўрпача ва ёстиқлар ташланди. Боргоҳ³ ҳиргоҳнинг³ ички томонларига фараанг зарбони ёпилган бўлиб, ташқариси эса Португалия сақлати билан ўралган эди. Боргоҳ ва ҳиргоҳларнинг ёғочларига эса олтин суви югуртирилган эди. Улар инҳоятда зебо эди. Боргоҳнинг тўғурлиқларі Гужарот тилласидан саркант, қаит обдаста, дастшўй ва шамдонлар, шаробдон, гулобдонларнинг ҳаммаси тилладан бўлиб, жавоҳирлар қадалган эди. Ҳамма нарсалар ўз ўрнига қўйилиб, ажойиб яхши тўй берилди. Ўн иккى қатор тия, ўн иккى қатор хачир, етмиш тулпор от, юзта юқ ташувчи от тортиқ қилинди, етти минг кишига сарпо кийғизилиб, бир неча кун хурсандчилик қилинди. Шу вақтда Муҳаммад Замон Мирзо Хўжа Муҳаммадхон кўканинг отасини ўлдирибди ва исён қилмоқчи, деган хабар келди. Подшоҳ ҳазратлари уни ушлаб ҳузурларига келтириш учун киши юбордилар. Уларни Бианада тұтиб, Едгор тоғайга топширдилар. Едгор тоғайнинг одамлари ўзаро келишиб, Муҳаммад Замон Мирзони қочирдилар. Шу вақтда Султон Муҳаммад Мирзо Ниҳуб Султоннинг кўзинга мил тортишни буюрди. Мил тортилгач, Ниҳуб кўр бўлди, лекин Муҳаммад Султон Мирзонинг

¹ Бозорларни безаш, бозор кўргаамаси.

² Подшоҳ чодири.

³ Хурсандчилик қилинадиган алоҳида чодир.

күзинга мил тортган киши унинг кўзинга заарар етказмади. Бир неча кундан кейин Муҳаммад Замон Мирзо Султон Мирзонинг ўғиллари Улуғ Мирзо ва Шод Мирзо билан бирга қочдилар. Ҳиндистонда қанча вақт бўлган бўлсак, ҳамма вақт у ерда шуларнинг ғавғоси бўлар эди.

Подшоҳ ҳазратлари Баббан ва Бояздидга лашкар тортиб қайтишгач, бир йилгача Аграда бўлдилар. Онамга, шу кунларда хафман, агар рухсат бўлса, сизнинг олдингизга Гувалёрга саёҳатга борсак, дедилар. Онам, бувим, опаларим — Маъсума Султон бегимни Моҳи чечча, Гулранг бегимни Гул чеча дер эдим, Гувалёрда валинеъматлар ҳузурида бўлдик. Гулчехра бегим Авдада эдилар, у кишининг эрлари — Тўхта Буға Султон вафот этган эди. Бегимнинг олдидаги кишилар Авдадан Ҳазратга хат ёзиб, Тўхта Буғанинг вафотидан хабар бердилар. Бегим ҳақида нима буюрадилар, деб сўрадилар. Ҳазрат Мирзога бориб бегимни Аграга келтиринг. Биз ҳам Аграга келамиз, деб буюрадилар. Шу вақтда онам ҳазратлари «Агар рухсат берсангиз, Бека бегим билан Ақиқа бегим ҳам Гувалёрга келсалар, деб сўрадилар. Хўжа Кабир (билан бир неча) навкарларни Бека бегим ва Ақиқа Султонни Аградан олиб келиш учун юбордилар. Улар икки ой Гувалёрда бирга бўлдилар. Сўнг Аграга равона бўлиб, шабон ойида етиб келдилар.

Шаввал ойида онамнинг ичлари оғриб, тўққиз юз қирқинчи йилнинг ўн саккизиинчи шаввалида¹ ўткинчи дунёдан абадий дунёга хиром этдилар. Подшоҳ Бобом ҳазратларининг болалари учун етимлик доғи яна янгланди. Мени онамнинг ўзлари катта қилганликлари сабабли, айниқса менинг бошимга катта мусибат тушди, кўп ғам тортдим, кеч-ю кундуз йиғладим. Подшоҳ ҳазратлари бир неча марта менинг олдимга келиб, кўнглимни сўраб, кўп ғамхўрликлар ва меҳрибонликлар қилдилар. Икки ёшлигимдан онам ҳазратлари мени ўз ўйларига олиб тарбиялаган эдилар. Мен ўн яшар эканимда у киши вафот этдилар. Яна бир йил у кишининг даргоҳларида турдим. Ҳазрат Девалпур сайрига кетганларида, ўн бир ёшда эдим. Гувалёрга бориб, бир иморат солғаниларигача мен ачам билан ҳамроҳ бўлдим. Онамнинг қирқларини ўтказгандан сўнг подшоҳ Дехлига бордилар ва у ерда бир диппаноҳ қалъа солдилар,

¹ 940 ҳижрий йил 18 шаввали, яъни 1534 йил 23 апрел.

сүнг Атрага келдилар. Окаждоним подшоҳ ҳазратларидан: «Мирзо Ҳиндолнинг тўйини қачон қиласиз?» — деб сўрадилар, Ҳазрат, бисмиллоҳ, деб жавоб бердилар. Онам ҳаёт вақтларида, Мирзо Ҳиндолни никоҳлаб қўйилган эди. Лекин тўй тайёргарликлари битмагани сабабли, тўй кейнироққа қолдирилган эди. Тилсим тўйининг асбоблари ҳам тайёр, дедилар. Олдин Тилсим тўйини, сўнг Мирзо Ҳиндолнинг тўйини бераман, дедилар. Подшоҳ ҳазратлари окаждонимдан амма ҳазратлари нима дейдилар, деб сўрадилар. У киши худо муборак ва яхши қилсан, дедилар.

Дарё қирғогида тўйхона солиниб, унга «Тилсим» деб ном берилган эди. Дастрлаб саккиз бурчлик катта уй солиниб, уйиниг ўртасида саккиз бурчлик ҳовуз қазилган, ҳовузнинг ўртасида саккиз бурчлик супа солинган ҳамда бу суналарга вилоят гиламлари ташланган эди. Кўп йигит ва соҳибжамол хотин-қизлар, хушовоз созанд ҳамда ашулачилар ўтиргизилсан, деб буюрилган эди. Бу уйиниг олдига Тилсим тўйи учун онам тақдим қилган олтип тахт қўйилиб, бу тахт олдига зардўзи кўрпачалар ёзилган эди. Подшоҳ ҳазратлари билан окаждоним тахт қаршисидаги бир кўрпачага ўтиришди. Окаждонимнинг ўнг томонида у кишининг аммалари Султон Абу Сайд Мирзонинг қизлари Фаҳри Жаҳон бегим, Бадиъул Жамол бегим, Оқ бегим, Султон Баҳт бегим, Гавҳар Шод бегим ва Ҳадича Султон бегимлар ўтиришди.

Бошқача кўрпачада аммаларимиз — фирдавс макон Ҳазратнинг сингиллари — Шаҳрбону бегим, Едгор Султон бегим, Султон Ҳусайн Мирзопинг қизи — Ойша Султон бегим, подшоҳ ҳазратларининг аммалари Зайнаб Султон бегимнинг қизи Улуғ бегим ва подшоҳнинг амакилари Султон Аҳмад Мирzonинг қизлари Ойша Султон бегим ва Султоний бегимлар; хон бегимнинг бувилари, Султон Халил Мирzonинг қизлари, подшоҳнинг аммалари — Бека Султон бегим; яна подшоҳнинг аммалари Улуғбек Мирзо Кобилийнинг қизлари — Моҳим бегим ва Бека бегимлар; Султон Масъуд Мирzonинг қизи она томонидан Поянда Муҳаммад Султоннинг набиралари — подшоҳнинг аммалари Ҳонзода бегим, Бадиъул Жамол бегимнинг қизи — Шоҳоним, Оқ бегимнинг қизи — Ҳоним бегим, подшоҳнинг катта тоғалари Султон Маҳмудхоннинг қизи — Зайнаб Султон хоним. Олачаҳон номи билан машҳур бўлган улуғ подшоҳнинг кичик тоғалари Султон Аҳмадхоннинг қи-

зи — Мұхібба Султоң хоним, Мирзо Ҳайдарнинг опаси, подшоҳ ҳолаларининг қизи — Хониш Бека Қалон бегим, Кичик бегим, Дишод бегимнинг оналари, подшоҳнинг аммалари бўлган Фахри Жаҳон бегимнин қизлари Шоҳ бегим. Яна кичкина бегим, Оипоқ бегим, Султон Баҳт бегимнинг қизлари, подшоҳ аммалари — Мехрлик бегим, подшоҳнинг ҳолалари, Султон Ҳусайн Мирзонинг набиралари Шод бегим, Султон Ҳусайн Мирзонинг на-бирадарлари Музаффар Мирзонинг қизи Мехрангиз бегимлар мардана кийимларни киyr ва заҳгиրтарошлиқ¹ чавғонбозлиқ, тирандозлиқ каби ҳар хил ҳунарларга уста ва созлардан кўпчилигини чалар эдилар. Ултиришда буларга Гулбеким, Фавқ бегим, Жон Султон бегим, Афрӯз бону бегим, Оға бегим, Феруза бегим ва Барлос бегимлар қўшилишган. Бошқа бегимлар ҳам кўпчилик бўлиб, уларнинг сони тўқсон олтига борар эди. Буларнинг ҳаммаси улуфадор² эдилар, бир қанча бошқа бегимлар ҳам бор эдилар. Тилсум тўйидан сўнг Мирзо Ҳинддолнинг тўйи бўлди. Лекин бегимларнинг бир қисми ўз вилоятларига кетиб қолниши, қолган бегимларнинг баъзилари ўнг томонда ўтириши. Бизнинг бегимлардан: Ога Султон, Ёдгор Султоннинг оналари Оғача бегим, Отиш момо, Салима, Сакина, Биби Ҳабиба ва Ҳанифа бекалар қатнашди.

Подшоҳнинг чап томонидаги зардўзи кўрпачаларда: Маъсума Султон бегим, Гулраиг бегим, Гулчеҳра ҳақир, Гулбадаи, Ақиқа Султон бегим, ачам, онамиз Диidor бегим, Гулбарг бегим, Бека бегим, Нинча Моҳим, Амир халифанинг хотинлари Султоним, Улуш бегим, Ноҳид бегим, Хуршид кўка, подшоҳ Бобомининг амакиваччалари Афғоний оғача, Гулиор оғача, Нозгул оғача, Ҳиндубекнинг хотини Маҳдума оға, Равшан кўканинг оналари — Фотима Султон янга, Надим кўканинг опаси Мирзо қулининг хотини Фахринисо янга, Мұхаммадий кўканинг хотинлари, Муайядбекнинг хотини ва яна подшоҳнинг кўкалари Хуршид кўка, Шараф Нишон кўка, Фатиҳ кўка, Робия Султон кўка, Моҳи Лиқо кўкалар — янга ва кўкаларимиз; бегимлар, амирларнинг хотинлари, яъни Салима бека, Биби Ника, Ҳўжа Абдулла Марвариднинг қизи — Хоним оғача, Мўғулбекнинг оналари.

¹ Захгиртарошлиқ — ўқ отиш ўйини, бунда суюк ՚англишвовани бармоққа кийиб ўқ отганлар. Бу ўйин Захгир-англишвова деб ном чиқарган.

² Улуфадор — подшоҳдан маълум миқдорда нул ёки маош олиб турадиган бегимлар.

си Нигор оғача, Нор Султон оға, Мунъимхоннинг хотини — Оға қўка, Миршоҳ Ҳусайнинг қизи Асас бека, Кесак Моҳим, Қобилий Моҳим, Беги оға, Ҳоним оғача, Саодат Султон оғача, Биби Давлат Баҳт, Насиб оға, Асас Қобилий ва бошқа бекалар, оғалар, амирларнинг хотнилари ўнг томонда ўтиришиб, тўйда иширок этишди. Тилсим учун солинган қасрнинг жойланиши бундай эди. Саккиз бурчакли энг катта уй бўлиб, бу хонада тўй берилади. Бошқа кичик хона ҳам ҳудди шунга ўхшаш саккиз (бурчакли) бўлиб, ҳар иккала саккиз (бурчак) турли безаклар билан безатилган эди. Катта уй тўйхона бўлиб, унга олтиндан тахт қўйилганди. Бу тахтнинг усти ва тагига зар тикилган зардеворлар ташланган (ва шу) зардеворларга узунлиги бир ярим газлик марварид шода уқалари осилган эди, (шу зардеворнинг) ҳар бир газига икки дўнгалак ойна ўринатилган. Тахтнинг бағрига осилган зардеворнинг узунлиги ўтиз-қирқ газга яқин бўлиб, унга ҳам марварид шодалари осилган.

Кичик хонада олтин каравот, токчаларда пондон¹ шишалар, шаробхўрлик учун керак бўладиган олтин ва кумушдан ясалган асбоблар қўйилган эди. Бу токчаларнинг биро Девоихона томонида, қиблага қаратилган эди. Иккинчиси боғ томонда Шарққа қаратилган, учинчиси саккиз бурчакли катта уй тарафда жануб томонда эди. Тўртинчиси эса саккиз бурчакли кичик уй тўғрисида бўлиб, шимол томонда эди. Юқоридаги уч уйнинг устида учта болохона қурилган. Биринчи хона «Давлат уйи» дейилар эди. Бу хонада тўққизта уруш асбоблари — олтии қилич, олтии аслаҳа, олтии камар ва ханжар, олтии жамудхар² ўқдон бўлиб, буларнинг устига зар тикилган курпуш³ ёпилган эди. Иккинчи хонани «Саодат уйи» («баҳт уйи») дейилар эди. Бу уйда жойнамоз, китоблар, олтин суви билан оро берилган қаламдон, чиройли жуздон⁴, нозик расмлар солинган альбом ва хуш хатлар сақланар эди. Учинчи хонани «Мурод уйи» дейиларди. Бу уйда қимматбаҳо тошлар қадаб ишланган олтин каравот, (хушбўй) сандал солинган идиш⁵ қўйилган бўлиб, хиёл кўрпачалар ёзилган эди.

¹ Лаб ва оғизга қиси қиладиган хушбўй бўёқ.

² Хавжагнинг бир тури бўлиб, учи ғилган бўлади.

³ Қурол-аслаҳа устига ёпиладиган ёпқиз.

⁴ Қоғод солиш учун чармдан ўйиб, гуллар солиб, руబойлар ёзилиб ишланган муқова.

⁵ Хушбўй ҳиди учун сандал дарахтини майдалаб идиша солиб уйги қўйганлар.

Тагига махсус кўрпачалар ёзилган бўлиб, уларнинг олдига фақат зарбобдан тўқилгани дастурхонлар ёзилган (ва бу) дастурхонда ҳар хил мевалар, хилма-хил ширшиликлар қўйилган. Шундай қилиб, айшишратнинг ҳамма нарсалари муҳадёэ эди.

Тилсим тўйхонаси битгани куни ҳамма мирзолар, бегимлар амирларга сочқи тайёрласинлар, деб буюрдилар. Ҳамма буюрилган сочқиларни келтиришди. Сочқиларни уч тўплам қилиб тўплансин деган яна ҳукм бўлди. Уч хон ашрафий ва олти хон шоҳрухий (билан) тўлди. (Шундан) бир хон ашрафий ва икки хон шоҳрухийни — бу давлатнинг ҳиссаси — мирзолар, амирлар, вазирлар ва аскар бошлиқларини мукофотлаш учун деб Ҳиндубекка бердилар, (яна) бир хон ашрафий ва икки хон шоҳрухийни Мулла Мұхаммад Парғалига бериб, бу саодатнинг ҳиссаси — буни акобирлар, ашрафлар, уламолар, солиҳлар, зоҳидлар, шайхлар, дарвешлар, фуқаро ва мискинларга беришни буюрди. Ниҳоят бир хон ашрафий ва икки хон шоҳрухийдан иборат учинчи қисмини мурод ҳиссаси — бу биздан деб буюрдилар. Келтиришган экан, санаб ўтиришининг нима ҳожати бор, деб (олдин) муборак қўллари билан бир хон ашрафий ва бир хон шоҳрухийни олиб бегимлар олдига олиб боринглар, ҳар ким сиқимига сиққанича олсин деб буюрдилар. Булардан қолгани икки хон шоҳрухий на ҳамма ашрафийларнинг сони икки мингга яқин эди. Шоҳрухий эса ўн минг чамасида бўлиб, буларнинг ҳаммасини аввал валинеъматлар олдига, сўнгра шу мажлисда ҳозир бўлганиларга очиб юбордилар. Ҳар ким юз элликта ашрафий олди, хусусан, ҳовузда (тўйда) ўтирган кишилар, бундан ҳам кўпроқ олдилар. Подшоҳ ҳазратлари окажонимга агар рухсат этсангиз ҳовузни сув билан тўлдирилса, дедилар. Окажоним жуда яхши бўлади дедилар. Ўзлари келиб ҳовузнинг зинасига ўтиридилар. Бепарво ўтирганлар эса, сувнинг бирданига шарриллаб келганини сезмай ҳам қолишди ва йигитлар ҳаяжонга тушдилар. Подшоҳ ҳазратлари (сув) ҳеч кирмайди дедилар. Сизларнинг ҳар биттангиз бир сиқим арпабодиён ва бир парча маъжум еб, бу ердан туриб кетинглар, деди. Шу замон маъжум еганилар тезда чиқаверди. Сув бўлса товонга чиққан эди. Ҳаммалари маъжумни роса еб, чиқиб кетдилар. Тўй оши тортилди. Одамларга сарполар қўйилди, маъжум еганиларга ҳам сарпо ва бошқа инъомлар бердилар. Ҳовузнинг бўйида шийпон солиниган бўлиб, шийпон тагида сув оқадиган

ариқчалар қилинган эди. Ёшлар шу шийпонда ўтирган эдилар. Ўйинчилар эса ўйинга тушардилар. Хотинлар ўйинга тушиши учун жой тайёрланган. (Сувдаги) кемачалар ҳам безатилган эди. Бир кемада кишига ўхшатиб, олтита одам сурати болгандын гүллар экилган. Бир жойда саккизта кема (қўшиб) битта қилиб ясалган бўлиб, у яна саккизта алоҳида кемага бўлниб кетар эди. Шундай қилиб, тангри у кишининг муборак дилларига шу хил ихтироатларни солдикни, буни ким кўрса, таажжубланиб, ҳайратда қолар эди.

Мирзо Ҳиндол тўйининг яна бир шархи шундан иборатки, Султоним бегим Маҳмудхўжанинг синглиси эдилар. Бобомнинг почталарининг Жаъфархўжадан бошқа фарзандлари йўқ эди. Окажоним Султонимни фарзандликка олган эдилар. Иккни ёшлигидан Хонзода бегим қарап эдилар ва (уни) жуда севар эдилар. (Охири) ўз жиянларига бердилар. Тўйни ниҳоят тўқис ва яхши ўтказдилар. Палос ва тўшак, бешта кўрпа, ёстиқ, битта катта суюнчиқ ёстиқ, иккита кичик лўла болиш-ёстиқ, яна юз парда гўшангаси билан, ҳаммаси зар билан тикилган учта тўшак. Мирзонинг сарполари эса, олтин иплар билан тикилган тож ва чарқоб пўта¹. Сочиқ ва олтин иплар билан тикилган рўмол ва қурпуш² каби сарполар берилган. Султон бегимга тўққизта тумаси ҳар хил қимматбаҳо тошлардан бўлган нимча бердилар. Улардан бирининг тумаси ёқут, бриллиантдан, бири зумраддан, бири феруздан, бири айнул хиррадан бўлиб, бошқалари ҳар хил жавоҳирлардан эди. Яна тумалик ва чарқуб чарқитичи, бир жуфт лаъл кўзли ҳалқа, бир жуфт дур кўзли ҳалқа, учта панди, яна иккни арқоқ, бир урушли шойи чодир, бошқа асбоб-ускуналар ва Хонзода бегим йигиб қўйган бошқа керакли рўзгор асбобларини ҳаммасини бердилар.

Тўй шундай яхши бўлган эдики, бундай тўй подиоҳ отамининг бошқа фарзандларига мияссар бўлмади. Ҳамма нарсани ҳозирлаб бердилар. Эгар ва жабдуқлари ўй-макорлик билан зар қадаб ишланган тўққизта тулниор от, тилла ва кумуш асбоблар, турк, черкас, рус, ҳабаш (ғуломларининг) ҳар биридан тўққизтадан тақдим қилдилар.

¹ Уст кийим (ҳандлар кийими).

² Яроғ-аслада устига ёшлидагаш ёшқиҷ.

Отам поччасининг Мирзога тақдим қилган нарасалари ичиди олтин эгар-жабдуқли, олтин ва кумуш асбоблари билан бир тўққиз тулпор от, булар ҳам эгар-жабдуғлари зарбоб ва португал матоларидан тикилган мукаммал асбоблари билан икки тўққиз юк ташувчи турк, ҳабаш ва ҳинд гуломлари билан, ҳаммаси бўлиб уч тўққиз ва уч занжир фил бор эди. (Тўй) ўтгандан сўнг Султон Баҳодирнинг Хуросонхон номли вазири Бианага ҳужум қилди, деган хабар келди. (Буни эшитиб) подшоҳ ҳазратлари Мирзо Аскарийни Фахр Алибек, Миртурдибек ва бошқа амирларга қўшиб юбордилар. Булар Бианага бориб уруш қилдилар, Хуросонхон урушда енгилди.

Бир неча вақтдан кейин Подшоҳ ҳазратлари Гужарот томонга юришга жазм қилди. Тўққиз юз қирқ бириичи йилнинг ўн бешинчи ражабида¹ Гужаротга отланышга қасд қилдилар ва Зарафшон боғида айвон солдилар ва шу боғда то аскар тўплангунча бир ой турдилар. Якшанба ва сесанба кунлари девон куни ҳисобланар эди. Шу кунлари дарёнинг нариги қирғонига ўтар эдилар, кўпинча бошқа кунлари боғда бўлганида ачам, опа-сингиллар ва мен у кишининг ёиларида бўлар эдик. Энг балаандликдаги бир ерда Маъсума бегимнинг чодири бўлиб, ундан кейин Гулранг бегим чодири билан ачамнинг чодирлари бир ерда эди. Улардан сўнг опам чодирлари, Гулбарг бегим ва бошқа бегимларнинг чодирлари жойлашган эди.

Боғда энг олдин боргоҳ, ҳиргоҳ, ҳар хил очиқ айвонлар солинмоқда эди. Буларнинг олдин битганларига бегимлар ва ҳамширалар кириб жойлашдилар. Маъсума Султон бегимилиниг қароргоҳи энг яқин бўлгани сабабли, подшоҳ (олдин) у кишининг уйларига келардилар. Ҳамма бегимлар ва ҳамширалар подшоҳ ҳузурида бўлардик, (Подшоҳин) бегим ва ҳамшираларнинг қайси бирлари таклиф қиласалар, подшоҳ билан бирга ҳамма бегим ва ҳамширалар ҳам борар эдилар. Эртаси куни подшоҳ бу ҳақирининг уйига келдилар. Ўтириш яrim кечадан ўтгунча давом этди. Ўтиришда кўпчилик бегимлар, ҳамширалар, бекалар, оғалар ва оғачалар, созандалар, ашулачилар ҳам бўлишиди. Кечанинг уч ҳиссасидан кейин Ҳазрат дам олишни буюрдилар. Бегимлар билан ҳамширалар подшоҳ ҳазратлари ҳузурида қо-

¹ 941 йил ҳижрий 15 ражаб ойи, яъни 1535 йил 21 январ

лишди. Бека бегим намоз вақти деб уйғотдилар. Ҳазрат таҳорат сувини шу уйга келтиришни буюрдилар. Бундан бегим подшоҳнинг бедор эканлигини сездилар ва неча кундирки шу боғда бўлдингиз ва бирор куни ҳам бизнинг уйимизга келмадингиз, уйимизнинг йўлига чақир тикан экилгани йўқ эди-ку, дедилар. Бизнинг уйда ҳам бўласиз, мажлис ва маърака қиласиз, деб умид қиласиз. Токайгача шунчалик илтифотсиаликни мен бечорага раво кўрасиз. Бизнинг ҳам юрагимиз бор. Бошқа жойларда уч марта бўлдингиз ва у жойларда кечакундуз айш-ишрат ўтказдингиз, дедилар. (Лекин) подшоҳ ҳеч жавоб бермай, намозга туриб кетдилар. Подшоҳ бир кун ўтгандан кейин, ҳамширалар, бегимлар, Дилдор бегим, Гулнор оғача, Афғоний оғача, Меважон, Оғожон ва энаталарини чақирдилар. Ҳаммамиз дарров бордик. Подшоҳ ҳеч индамадилар, лекин ҳамма фаҳмладилки, подшоҳнинг аччиғлари чиққан. Шундан кейин бир оз вақт ўтгач, нима бало бўлдики, Биби, саҳарда мендан гина қилдингиз, дедилар. У гина қилишнинг жойи эмас, сиз яхши биласизки, мен сизларнинг валинеъматларинингизнинг уйида бўлдим. Уларни хотирлаб туриш мендан зарурдир. Шунга қарамай, мен улар олдида доим хижолатдаманки, улар билан тез-тез кўришиб туролмаймайман. Доим сизлардан тилхат олишини ўйлаб юрар эдим. Жуда яхши бўлдики, бу ҳақда ўзингиз сўз очдингиз. Мен афъюнийман. Агар менинг келиб-кетишм кечикса, мендан хафа бўлмансиз. Бўлмаса, менга сиз келсангиз ҳам, келмасангиз ҳам ихтиёриңгиз, биз розимиз ва шукур қиласиз деб бир хат ёзиб беринглар, дедилар. Гулбарг бегим шу ондаёқ юқоридаги мазмунда хат ёзиб бердилар. Гулбарг бегим тушундилар. Бека бегим: гуноҳ учун узр сўраш гуноҳдан ҳам ёмои, қаранг-а. Гина қилишдан мақсад, бизни ҳам илтифот қилиб, курсанд қилсалар демоқчи эдим. У кишининг ўzlари ишни шу даражага етказдилар. Бизнинг қўлимиздан нима келади?! У киши подшоҳдирлар! — дедилар. Хатни ёзиб бердилар. Подшоҳ бу кинояни ҳам тушундилар. Подшоҳ ҳазратлари шаъбон ойининг ўп тўртида Боги Зарафшондан Гужаротга Султон Баҳодирга қарши отландилар. Манҳасурда у билан учрашиб, жанг қилдилар. Султон Баҳодирхон енгилди ва Чинпонир томонга кетди. Ҳазрат ўzlари уни қувдилар. Султон (Баҳодир) Чинпонирдан ўтиб, Аҳмадобод томонга келди. Ҳазрат Аҳмадобод вилоятини ҳам қўлга киритдилар ва бутун Гужаротни ўз одамларига бўлиб бердилар. Аҳмадобод-

ни Мирзо Аскарийга тақдим қилдилар. Баҳружини Қосим Ҳусайн Султонга бердилар. Патнани Ёдгор Носир Мирзога бердилар.

Ҳазрат ўзлари озгина киши билан Чинпонирдан сайр қилиб, Қунимбоятга кетдилар. Бир неча кундан кейин, бир хотин киши қелиб, нима қилиб ўтирибсиз, Қунимбоят халқи йиғилиб сизга қарши отланди. Ҳазрат, отга мининг, деб хабар келтирди. Ҳазратнинг амирлари у томонга югурдилар. Уларни қўлга туширдилар ва бир қисмини ўлдирдилар. Шундан кейин Рудга келишиди. У ердан Чинпонир томонга жўнадилар.

(Биз) ўлтирган эдик, (бирдан) тўполон бўлиб қолди. Мирзо Аскарийнинг одамлари Аҳмадободни ташлаб, подшоҳ олдига келдилар. Улар Мирзо Аскарий билан Ёдгор Носир Мирзо бирлашиб, Аграга бормоқчи, деган хабар келтирдилар. Бу хабарни эшиштгач, ҳазратнинг Аграга боришлини зарур бўлиб қолди. Гужаротнинг ишин, муаммоларини тугатмай, Гужаротни ташлаб, Агра томонга отландилар. Бир йилгача Аграда қолдйлар. Шундан кейин Чандага бориб, Чандани ва Банорасни қўлга киритдилар. Шерхон Парканда эдилар. Ҳазратга, мен сизнинг кекса ғуломингиз, бир жойни ажратиб, тайин қилиб берсалар, мен ўша ерда ўтирсан деб арз қилди. (Ҳазрат) ҳам шундай фикрда эдиларки, шу вақтда Гурибангола подшоҳи ярадор бўлиб, қочиб Ҳазратнинг олдиларига келди. (Шунинг учун) Ҳазрат юқоридаги фикрга киришмай, аскар йиғиб, Гурибанголага қараб отландилар. Шерхон подшоҳнинг Гурибанголага кетганларини билиб, отлиқ аскардан илгор юбориб, ўзи ҳам Гурига кетди ва ўз ўғли билан бирашди.

Шерхоннинг ўғли ва Хосхон отли Шерхоннинг ғулеми Гурида эдилар. Хосхон билан ўз ўглини бирга Гарҳни қўлга киритинглар деб юборди. Улар келиб Гарҳни олдилар. Ҳазрат олдин Жаҳонгирбекка бир манзил олдинга кетишни ёзган эдилар. У Гарҳ устига етиб келди. Жанг бўлди. Жаҳонгирбек ярадор бўлди ва кўп киши ўлдирилди. Кейин Ҳазрат Коҳалгануда уч-тўрт кун бўлдилар. Лашкар тортиб, илгари юришга ва Гарҳ яқинидага тушшиб жойлашишга маслаҳат қилинди. Шунга кўра отланиб, илгари юриб, Гарҳ яқинига тушдилар. (Лекин) Шерхон билан Хосхон эса кечаси қочиб кетдилар. Эртаси куни ҳазрат Гарҳга келди, (сўнгра) Гарҳдан Гурибанголага кетдилар ва Гурини қўлга киритдилар. Тўққиз ойгача Гури вилоятида бўлдилар. Гурига «Жан-

натобод» деб ном қўйдилар. Яна Гурида давлат устида эканликларида амирлари қочиб, Ҳиндол Мирзога қўшилиши, деган хабар келди. Ҳусравбек, Зоҳидбек ва Сайд Амир Мирзолар келиб, мулозимат қилиб, подшоҳ давлатида узоқ туриб қолдилар. (Улар) Дур вилоятига кетган Мирзолардан Муҳаммад Султон Мирзо, ўғиллари Улуғ Мирзо ва Шоҳ Мирзолар билан бирга яна бош кўтардилар. Ҳар замон бирор жойда кўриниб турибдилар, дейишди. Банддаги Шайх Баҳлул шу вақтда қалқон, совут ва бошқа ҳарбий асбобларни тахта тагига яшириб, араваларга ортиб, Шерхон ва Мирзоларга юбориб турар эди. Мирзо Ҳиндол бунга ишонмас эдилар ва бу ишни аинқлаш мақсадида Мирзо Нуриддин Муҳаммадни юбордилар. У яшириб қўйилган қалқон ва совутларни топди. Банддаги Шайх Баҳлулни қатл этдилар. Подшоҳ бу хабарни эшишиб, Аргара йўл олдилар ва Ганг дарёсининг нариги соҳилини қўлга киритдилар. Мангирга баробар келганларида амирлар сиз улуғ подшоҳсиз, қайси йўл билан кетган бўлсангиз, ўша йўлдан юринг, токи Шерхон келган йўлини қолдириб, бошқа йўлдан кетдилар, деб ўйламасин, дейишди. Сўнг подшоҳ Мангирга томон йўл олдилар. Ӯз одамларидан кўпчиликни ва хотинларни қемага солиб, дарё билан Ҳожи пур Путнага етдилар. Қосим Султон келгунча у ерда қолдилар, шу вақтда Шерхон келди, деган хабар келди. Ҳар бир жанг қилганларида ҳазратнинг одамлари ғалаба билан келар эдилар. Шу вақтда Бобобек Жунпурдан, Миракбек Чанодадан, Мўғулбек Авдадан келишиди. Бу уч амирнинг қўшилиши билан ғалланинг нархи ошиб кетди.

Охир тангрининг хоҳиши шундай бўлдики, бепарво ўтирган эдилар, Шерхон келиб босди. Лашқар енгилиб, кўпчилик одамлар асирикда қолдилар. (Бу жангда) Ҳазратнинг муборак қўллари яраланди. Ҳазрат уч кун Чанодада бўлдилар, ундан Орилга келдилар. Сўнг дарёнинг лабига келиб, дарёдан кемасиз қандай ўтамиз деб ҳайрон бўлиб қолдилар. Шу пайтда беш-олти киши билан Рожа келиб қолди ва уларни дарёдан ўтказиб қўйди. Одамлар тўрт-беш кун давомида понисиз, сувсиз қолган эдилар. Ишнинг охири шундай бўлдики, Рожа, лашқар бир неча кунни айш-ишратда ўтказсин, деб бозор барпо қилиб берди: отлар ҳам дам олди, пиёдалар янги от сотиб олдилар. Хуллас, Рожа хизматни хўп ўрнига қўйди. Унга эртаси куни (кетишга) рухсат бериб, пешин вақтида соғ ва саломат Жамна дарёсининг қир-

ғоғига стиб келдилар. Ўтишга бир ердан қулай жой то-
ниб, бутун аскарлар билан сувдан ўтдилар ва бир неча
кундан кейин Қурага стиб келдилар. Ўз вилоятлари
бўлгани сабабли, бу ерда озиқ-овқат ва жой мўл бўлди.
Аскарлар хотиржамлик билан Қалпига стиб келишиди ва
у ердан чиқиб Аграга йўл олишди. Аграга етмасданоқ
Шерхон Жуса томондан келаётир, деган хабар келди.
Одамларга бирмунча ваҳима тушди. Бу тўполоннинг
бомидаёқ баъзилар бутунлай ном-нишонсиз йўқолиб
кетдилар. Султон Ҳусайнининг қизи Ойша Султон бегим,
подшоҳ Бобомнинг халифаси — Бачка, Бесқажон кўка,
Ақиқа бегим, Чонд биби (у кишининг етти ойлик ҳоми-
ласи бор эди) ва Шод биби шулар жумласидан эди.
Уларнинг учалалари ҳам подиоҳининг ҳарамидан эди-
лар. Бир неча киши сувга чўкдими, нима бўлди, ҳар қандай
текшириб, ахтариб кўрилса-да, ҳеч қандай хабар
топилмади. Нима бўлганилигини ҳеч билиб бўлмади.

Уларнинг бу ташвиши қирқ кунча чўзилди. Шундан
сўнг улар sog ва саломат топилдилар. Шу орада Ҳуш-
рўбек, Девонабек, Зоҳидбек, Санд амирлар подшоҳ
ҳазратлари, олдидан келишиди. Мирзолар томонидан
Муҳаммад Султон Мирзо ва унинг ўғиллари Канаужга
келибдилар, деган хабар келди.

Мирзо Ҳиндол Шайх Баҳлул ўлдирилгандан кейин
Деҳлига жўнаб кетди. Мир Фақир Али ва бошқалар
тарафдорларини ёнинг олиб, Муҳаммад Султон Мирзо
ва унинг ўғилларини даъф этиш ҳамда йўқ қилиш учун
кетди. Мирзолар у ердан қочиб Канаужга келдилар.
Мир Фақир Али, Мирзо Ёдгор Носирни Деҳлига олиб
келитиришди. Мирзо Ҳиндол билан Мирзо Ёдгор Носир
ўртасида ихлос ва ҳамжиҳатлик йўқ эди. Мир Фақир
Алиниң бу қилган ҳаракатидан Мирзо Ҳиндол қаҳр-
ғазабга келиб, Деҳлини ўраб олди. Бу хабар Мирзо
Комронга етгач, у кишида ҳам подшоҳлик даъвоси
пайдо бўлди ва ўн икки минг қуролли отлиқ аскар
билан Деҳлига қараб отландилар. Деҳлига етган ҳам эди-
ларки, Мир Фақир Али билан Мирзо Ёдгор Носир Деҳ-
ли дарвозаларини беркитишиди. Икки-уч кун ўтказиб,
Мир Фақир Али маълум қарорга келди ва Мирзо Комрон
билан кўришиди ва шундай деди: подшоҳ Ҳазратлари ва
Шерхондан шундай хабар бўлди: Мирзо Ёдгор Носир-
дан қўрқиб сизга учрашмайди. Вақт шундай эканида
давлат учун муносиб иш шуки, сиз Мирзо Ҳиндолни
олиб Аграга қайтинг, Деҳлида ўлтириш хаёлнини қил-
манг. Мирзо Комрон, Мир Фақир Алиниң сўзларини

Маъқул кўрдилар, унга сарполар тақдим қилиб, Деҳлига қайтишга рухсат бердилар, ўзлари эса Мирзо Ҳиндолини олиб, Аграга келдилар. Фирдавс маконни зиёрат қилиб, оналари, опа-сингиллари билан кўришдилар ва Гулафшон боғида тўхтадилар. Шу вақтда Нурбек келиб, подшоҳ ҳазратлари келаётганларини хабар қилди. Мирзо Ҳиндол Шайх Баҳлулни ўлдирганлиги туфайли қочиб юрар эди. Бу хабарни эшишиб ўзларини Алвар томонга олди. Мирзо Комрон подшоҳ Ҳазратлари билан кўришдилар, бир неча кун Гулафшон боғидан келиб, Ҳазрат билан кўришиб турдилар. Ҳазрат кечаси келган эдилар. Шунга қарамай бориб кўришдик. Бу ҳақири кўриб, олдин сени танимадим, чунки Гурибап-голага ғолиб лашкарни тортган вақтимда сен тоқи¹ кияр эдинг, ҳозир лачак², қасабада кўрганим учун танимай қолдим, дедилар. Гулбадан, мен сени күп эсга олар эдим ва ҳар замон кошики ўзимга ҳамроҳ қилиб олиб келган бўлсан, деб фикр қилардим. Лекин тўполон бошлиланиб кетгач, таңгрига шукур қилиб яхши ҳам Гулбаданинни бирга олиб келмаган эканман, дер эдим. Гарчи Ақиқа ёш бўлса ҳам, нега уни лашкар билан олиб келдим, деб юз минг афсус қилдим.

Бир неча кундан кейин Подшоҳ Ҳазратлари оналарини кургани бордилар ва қўлларида Қуръон олиб келдилар. Ҳазрат одамлар бир соатга чиқиб турсинлар, деб буюрдилар. Одамлар чиқиб кетишидни ва ҳеч ким қолмади. Охири Ҳазрат ачам, бу ҳақири, Афоний Огача, Гулнор огача, Норгул огача билан янгамга мурожаат қилиб, Ҳиндол менинг қўл ва қанотимдир, бизга кўз нури ва куч-қувват қанчалик керак бўлса, Ҳиндол ҳам шунчалик керак, дедилар. Шайх Баҳлулининг қазоси туфайли Мирзо Муҳаммад Ҳиндолга нима дер эдим. Тақдир илоҳий қандай бўлган бўлса, шундай бўлди! Ҳозир менинг кўнглимда Ҳиндолга нисбатан ҳеч губор йўқдир. Агар ишонмасангиз, — деб Қуръонни қўлга кўтарган эдилар, онам, Диљбар бегим ва мен Қуръонни укишининг қўлларидан олдик ва ҳамма: «Нимага шундай дейсиз, сизнинг шундай дейишнингиз тўғрими, — дедилар. Яна, Гулбадан, агар ўз аканг Муҳаммад Ҳиндолни сен бориб олиб келсанг нима бўлар экан, дедилар. Онам Ҳазратлари: ҳали бу ёш қизчадир, ҳеч қачон сафар қилган эмас, агар қарор бўлса мен борсам, деди-

¹ Тоқи — баланд, чўақиқ бопи кийим.

² Лачак, қасаба — рўмол.

лар. (Шунда) Ҳазрат, мен сизга бу машаққатни қандай
раво күраман, лекин ота-оналар фарзанд учун ғамхұр-
лик қилишлари лозим. Агар борсанғыз бізге ғамхұрлық
қылғанингиз бўлади, дедилар. Охир Амир Абул Бақони
онам билан бирга ҳамроҳ қилиб, Ҳиндол Мирзони ча-
қириб келиш учун юбордилар. Мұхаммад Ҳиндол Мирзо
бу хабарни эшитиши биланоқ етиб келди. Бундан онам
ҳазратлари кўп хурсанд бўлдилар ва пешвоз чиқдилар.
Онам ҳазратлари билан бирга Мирзо Ҳиндол Алвардан
келдилар. Подшоҳ ҳазратлари билан учрашиб, Шайх
Баҳул воқеасини гапириб бердилар. У Шерхонга яроқ-
аслаҳа ва бошқа ҳарбий асбоблар юбориб турар экан,
текшириб аниқланғач, уни ўлдирдім, дедилар. Бир неча
кун ўтгач Шерхон Лакхнау яқинига етди, деган хабар
келди. Шу вақтда подшоҳ ҳазратларининг бир саққо¹
ғуломлари бор эди. Подшоҳ ҳазратлари Чуса сувидаги
отдан йиқилганларида шу саққо ғуломлари ўзини сувга
отди ва унинг ёрдами билан (подшоҳ) сув гирдобидан
соғ-саломат чиқдилар. Охир бир кун подшоҳ саққони
тахтга ўтқаздилар. У ғуломнинг ҳақиқий отини эши-
маган эдим: баъзилар Низом ва баъзилар Сунбул де-
йишар эди. Бу воқеадан сўнг ўша саққо ғуломни (под-
шоҳ) тахтга ўтқазиб, ҳамма амирлар унга кўриниш бер-
синлар, ғулом эса, кимга нимани хоҳласа ҳадия қилсин
ва мансаб берсин, деб буюрдилар. Икки кунгача бу
ғуломга подшоҳликни бериб кўйдилар. Ҳиндол Мирзо
бу мажлисда йўқ эди. У рухсат олиб яна Алварга яроқ
тайёрлаш учун кетган эди, Комрон Мирзо ҳам бу маж-
лисга касаллиги туфайли келмаган эдилар. У киши
ғуломга совғалар, ҳадялар бериш ва (шунга ўхшаш)
бошқача меҳрибонликлар қилиши керак эди, тахтга
 ўтқазишнинг нима ҳожати бор эди. Шерхон яқинлашиб
келаётган бир вақтда Ҳазратнинг бу нима қилғанлари,
деб айтиб юборди. У кунларда Мирзо Комроннинг ка-
саллари жуда оғирлашған эдіц У киши шундай заиф-
лашиб ва озиб кетган эдиларки, чехралари жойида
эмас, ҳаёт қолиш умиди йўқ эди. (Лекин) Ҳудонинг
инояти билан тузук бўлдилар. Мирзо Комрон оналари,
подшоҳнинг маслаҳати билан (менга) заҳар берганлар
деб гумон қиласар эдилар. Подшоҳ бу гапни эшитиб Мир-
зо Комронни кўргани келдилар ва ҳеч вақт бу хаёлни-
миздан ҳам ўтган эмас ва ҳеч кимга бу ишни буюрган
эмасмиз деб қасам ичдилар. Қасамга ҳам қарамай Мир-

¹ Саққо — сувчи.

зо Комроннинг кўнгли хира эди. Мирзоининг касали кундан-кунга оғирлашиб, гапиришга ҳам ҳоли келмай қолди. Шерхон Лакҳнаудан ўтибди, деган хабар келди. Ҳазрат отланиб, Канаужга равона бўлдилар. Мирзо Комронни Аграда ўз ўринларига қолдирдилар. Бир неча кундан сўнг Мирзо Комрон подшоҳ кўприк солиб Ганг дарёсидан ўтдилар, деган хабарни эшишиб, Аградан жўнади. Биз Лоҳур томонга тушган эдик. Мирзо Комронга ёрдам юбориб, сиз мен билан бирга Лоҳурга боришингиж керак деб подшоҳона фармон юбордилар. Мирзо Комрон менинг ҳақимда подшоҳга: «Менинг касалим ниҳоят зўрайиб кетди, менга замхўрлик қилувчи ҳеч ким йўқ, кимсасиз гарифман, Гулбаданбегимнинг мен билан бирга Лоҳурга боришига ҳукм бўлса, айни иноят ва қарам бўлар эди». — дедилар. Ҳазрат унга, боради, деб жавоб берган эканлар. Сўнг подшоҳ соғ ва саломат Лакҳнау томонга икки-уч манзил юрганларидан кейин эса, подшоҳ фармонини кўрсатиб, сиз менга ҳамроҳ бўласиз, дедилар.

Шу онда онам, (Гулбадан) ҳозиргача ёлғиз, биздан ажралиб, сафар қилган эмас, дедилар. Мирзо, агар ҳеч якка сафар қилмаган бўлсалар, сиз ҳам бирга боринг, дедилар.

(Мирзо) беш юзга яқин сипоҳ, ҳарам меҳтарлари билан ҳар иккала янга ва кўкаларни юбориб, агар бирга кетмаса, бир манзилгача ўзингиз олиб келинг, дедилар. Мен келинган манзилда сени ёлғиз қолдирмайман, деб қасам ичдилар. Охир юз йиғи-сиги, фифон билан оналардан, ўз онамдан, ёшлиқдан бирга ўстган она-сингиллар, отамнинг одамлари, ака-укаларининг ҳаммасидан айириб, зўрлик билан мени олиб кетдилар. Бу ҳақда подшоҳнинг фармонлари бор эканини кўриб, ноилож қолдим ва подшоҳ ҳазратларига, мени ўз ҳузурингиздан жудо қилиб, Мирзо Комронга тақдим қилишингизни кутмаган эдим, деб хат ёздим. Охир бу ҳақиригини аризасига жавобан ҳазрат саломнома ёзиб юбордилар. Унииг мазмуни шундай эди: «Сени ўзимдан жудо қилиш кўнглимда йўқ эди, лекин Мирзо кўп муболаға қилиб, ожизлик билан илтимос қилди. Шунинг учун сени Мирзога топшириш зарур бўлиб қолди, чунки ҳозир биз ҳам муҳим бир иш бошидамиз. Ҳудонинг хоҳиши билан бу иш юришиб кетса, энг олдин сени талаб қилиб оламан». Мирзо Лоҳурга отланганда, кўпчилик амирлар, савдо-гарлар ва бошқалар — кимки куч етса, кира қилиб хотин, бола-чақаларини кўчириб, Мирзо Комрон билан

Лоҳурга жўнадилар. Лоҳурга келгандан кейин Ганг дарёсининг қирғоғида жанг бўлиб, Ҳазрат лашкарлари шикаст еди, деган хабар келди. Бир неча марта шундай бўлиб, Ҳазрат ўз биродарлари ва қариндошлари билан бу даҳшатли жангдан омон чиқиб келдилар. Агарадаги бошқа қариндошлари Алварга бориш учун Лоҳурга отландилар. Шу вақтда Ҳазрат Мирзо Ҳиндолга, Ақиқа бегим тўполоннинг бошидаёқ йўқолдилар, энди ўз ҳузуримда қолдирмаганинг кўп пушаймонман, дедилар. Хотинларни бундай вақтда бирга олиб юриб, бир жойга етказиш жуда қийин. Охир Мирзо Ҳиндол айтдинларки, онам ва опамни(нг) ўлдиришнинг ёмонлиги Ҳазратга равшандир. То жоним бор экан, уларнинг хизматида бўлишга ҳаракат қиласман. Ҳудонинг даргоҳидан умидворманки, онам ҳазратлари ва опаларимнинг оёклари остида жонимни бераман.

Охир подшоҳ ҳазратлари Мирзо Аскарий, Ёдгор Носири Мирзо ва жангдан саломат чиқсан амирлар билан Фатҳупрга отландилар.

Мирзо Ҳиндол ўз оналари — Дилдор бегим, ҳамширлари Гулчехра бегим, Афғоний оғача, Гулнор оғача, Норгул оғача ва амирларнинг оиласлари ҳамда бошқаларни олдиларига солиб кетаётган эдиларки, уларга кўп гуворлар ҳужум қилиб қолди. Уларнинг аскарларидан бир неча киши от чоптириб, босиб гуворларга шикаст етказдилар. Бир ўқ келиб подшоҳнинг муборак отларига тегди. Кўп даҳшатли жанг бўлди. Хотинларни гуворларнинг аспрлигидан қутқазиб, Ҳазрат оналари ўз ҳамширларни, ҳамма амирлар ва бошқа одамларни олдиларига солиб, Алварга етиб келдилар. Чодир ва бошқа керакли асбобларни олиб, Лоҳурга жўнадилар. Мирзо ва амирларни бирга олиб оз кун ичиде Лоҳурга етиб келдилар.

Ҳазрат Биби Ҳожи тож яқинидаги Хўжа Фозий бугда тўхтадилар. Ҳар куни Шерхондан хабар келиб турад эди. Уч ойгача Лоҳурда бўлдилар. Кундан-кунга Шерхон икки курва, уч курва ўйл юриб келяпти, деган хабар келар эди. Охир Сарҳинд яқинига келди, деган хабар бўлди.

Ҳазратнинг Музаффарбек номли амирлари бор эди, у туркман эди. Уни қози Абдулло билан қўшиб, Шерхоннинг олдига юбордилар. Ва Шерхонга шу иш инсофданми, бутун Ҳиндистонни сенга қолдирдим; менда фақат Лоҳур қолди. Бизнинг ўртамиздаги чегарамиз худди шу Сарҳинд бўлсин деб билдирилар. Ҳудодан қўрқ-

маган у инсофсиз бу шартни қабул қилмади. Сизга Кобулни қолдирдим, ўша томонга кетинглар, деб жавоб берди. Музаффарбек ўша соат ўзи отланди ва отланиш керак деб олдинга одам юборди. Шу хабар келиши биланоқ Ҳазрат отландилар. Ҳудди қиёмат-қойим бўлгандаи бўлди, жойлар ясатилганича, асбоб ва ускуналар қандай турган бўлса, ўша ҳолича қолиб кетди. Фақат қанча нақд пул бўлса, ўшани олишга улгурдилар. Ҳудога шукурки, Лоҳур сувидан ўтар жой топилди. Ҳамма одамлар сувдан ўтишди. Бир неча кун дарё соҳилида манзил қилиб турған эдиларки, Шерхондан элчи келди. Саҳарда кўришишга қарор бўлди. Лекин Мирзо Комрон илтимос қилиб, агар эртага Шерхоннинг элчисин билан мажлис бўладиган бўлса, мен Ҳазратнинг палосининг бир чеккасида ўтирасам ва шу билан, мени билан биродарларим орасидаги фарқ сезилиб турса, менинг бошим осмонга етган бўлар эди деди. Ҳамидабону бегим мана шу рубонйни ёзиб, Мирзога юборишилар, деди. Лекин буни Шерхон элчисининг қулига жавоб ўрнида берганлар, деб эшитган эдим. У рубоний бундайдир:

Ойнада ўзингни кўрганинг билан
Бу барибири ўзингдан бошқадир.
Узингни бошқача кўришинг, бу ажабдир,
Лекин бу ажаблик (худонинг) қилган ишидир.

Шерхондан келган элчи мулозимат қилди. Шундан сўнг у киши (подшоҳ) нинг муборак хотирларига малол етди, кўнгиллари олиниб уйқуга кетган эдилар, тушларида бошдан-оёқ сабзаранг кийим кийган ва қўлида асо ушлаган бир азиҳ киши келиб: мардона бўл, гам чекма, деб ўз ҳассасини подшоҳпинг қўлларига тутқазиб, худо таоло сенга бир фарзанд беради, иомини Жалолиддин Муҳаммад Акбар қўйгин, дебди. Ҳазрат исми шарифининг нима деб сўраган эканлар, Жанда Фил¹ Аҳмаджон деб жавоб берибди ва у фарзанд менинг наслимдан бўлади, дебди. Шу кунларда Биби Гунур ҳомиладор эди. Ҳамма уни ўғил туғади, дер эди. У жумодил аввал ойнда, ўша Дўст мунши боғида қиз туғди. Отини Бахши бону бегим қўйдилар.

Шу кунларда Мирзо Ҳайдарни Кашмирни қўлга киритиш учун тайин қилдилар. Шу вақтда, Шерхон етиб

¹ Зинда Фил бўлса керак.

келди, деган хабар бўлди. Қаттиқ ҳаяжон бошлади. Эрта саҳарда отланишга қарор бўлди.

Шу орада Лоҳурдаги биродарлар ҳар куни кенгаш ва маслаҳат қилишарди. Аммо бир қарорга келолмас эдилар. Охири Шерхон келди, деган хабар бўлди. Куннинг қоқ ўртасида, ионлож отландилар. Ҳазрат Қашмирга бормоқчи эдилар. Мирзо Ҳайдар Қашғарийни Қашмирга юборган эди, лекин ҳалигача Қашмиринг кўлга киритилгани тўғрисида хабар келмаган эди.

Агар Ҳазрат Қашмирга борсалар ҳам, Қашмир дарров қўлга кирмаса, Шерхон Лоҳурда бўлса, у вақтда иш мушкул бўлади, деб маслаҳатлашишди. Ҳўжа Қалонбек Сиалкутда эди, Ҳазрат билан келиб учрашгани йўлга чиқди. Муайяндек ҳам Ҳўжа билан ҳамроҳ эди. У Ҳазратга, Ҳўжа олдингизга келмоқчи ва келади, лекин Мирзо Комрондан мулоҳаза қилиб турибди, агар Ҳазрат тезроқ етиб келсалар, Ҳўжанинг Ҳазрат билан учрашиши яхшилик билан мусассар бўлади, (деб хабар қилди). Ҳазрат бу хабарни эшитишни биланоқ тезда совут кийдилар ва мукаммал қуролланган ҳолда Ҳўжанинг олдига жўнадилар ва уни ўзлари билан бирга олиб келдилар. Ҳазрат, биродарлари билан иттифоқ бўлиб, Бадаҳшонга борамиз, агар Кобул Комрон Мирзога берилган бўлса, дедилар. Лекин Мирзо Комрон Кобулга боришига рози бўлмадилар. У киши Ҳазрат фирмавс макон ҳаётлик вақтларида Кобулни менинг онамга берган эдилар. Подшоҳнинг Кобулга бориши лойиқ эмас, дедилар. Ҳазрат унга жавобан Кобул масаласида Ҳазрат фирмавс макон кўпинча, Кобулни ҳеч кимга бермайман ва фарзандларим Кобулни тамаъ ҳам қилмасинлар, чунки худо таоло ҳамма фарзандларимни менга Кобулда берган, ҳамма фатҳлар Кобулда туриб қилинган, дер эдилар. Фирдавс маконнинг «Воқеанома»сида бунга далил бўлувчи фикрлар кўл айтилган, нима бўлдик, мен Мирзога укалик ҳурмати ва меҳрибонлик юзасидан одамгарчилик қисам, Мирзо шундай дейдилар, дедилар.

Ҳазрат ҳар қанча бирлк билан кўнгил овлашинистасалар ҳам, Мирзо борган сари ҳаддан ошар эди. Сўнг Ҳазрат Мирзонинг ҳамроҳлари кўпчилик эканлигини ва Мирзонинг Кобулга боришига ҳеч рози эмаслигини кўргач, ионлож Бакҳар ва Мўлтон томонга йўл олдилар. Мўлтоңга етгач, у ерда бир кун тўхтадилар. Бир оз галла топилди. Қалъадан топилган оз миқдордаги ғаллани одамларга бўлиб, бериб, кўчдилар ва етти

дарёning қўшилган ери — дарё бошига етиб келдилар. Бу ерда ҳайрон қолиши. Лашкар кўп, кема етишмас эди. Шу вақтда Хосхон бир қанча амирлари билан орқадан келяпти, деган хабар бўлди. (У ерда) Бахжу номли белуж бўлиб, унинг ишончли жойлари ва кўп кемалари бор эди. Байроқ, ногора билан от, ҳар хил сарполар бериб юбордилар ва ундан кема талаб қилдилар ҳамда ғалла сўрадилар. Бахжу юзга яқин кема ва жуда кўп ғаллани Ҳазратнинг хизматларига бериб юборди. Ҳазрат унинг бу муносиб хизматидан кўп хушхол бўлдилар, кемаларни ва ғаллани аскарларга бўлиб бердилар ва дарёдан ўтдилар. Муносиб хизматни жойнга қўйган ўша Бахжу белужга раҳматлар бўлсни! Оқибатда бир қанча масофани, босгач, Бакҳарга етдилар, Бакҳар қалъаси, дарёning ўртасига қурилган бўлиб, ишоят мустаҳкам қалъалардан ҳисобланар эди. Бу қалъанинг подшоҳи Султон Маҳмуд бўлиб, у қалъани маҳкамлаб олган эди. Ҳазрат соғ ва саломат шу қалъанинг ёнига келиб, бу ерда Мирзо Шоҳ Ҳусайн Самандар бино қилган боғга тушдилар. Сўнг Мирзо Самандарни Шоҳ Ҳусайн Мирзонинг олдига юбориб, сенинг вилояtingга зарурнят бўлиб келиб қолдик, вилоятинг ўзинга муборак бўлсени, биз кирмаймиз, ўзинг бир келиб, биз билан кўришгин ва лозим хизматни ўрнига қўйгин. Биз Гужарот хаёлидамиз. Сенинг вилоятингни ўзингга қолдирдамиз, дедилар. Лекин Шоҳ Ҳусайн ҳар хил ҳийла ва иайранглар билан беш ойгача Ҳазратни Самандар боғида тутиб турди. Сўнг Ҳазратнинг хизматига одам юбориб, қизимнинг тўй тайёргарлигини битказиб, ҳузурингизга юбораман ва сўнг ўзим ҳам зиёратингизга келаман, деб хабар қилди. Ҳазрат унинг гапига ишониб, яна уч ой интизор бўлдилар. Баъзан ғалла топилар, баъзан эса топилмас эди. Аскарлар тую ва отларни сўйиб ейишар эди. Шундан сўнг Ҳазрат, Шайх Абдул Фоғурин юбориб, қачонгача кутдирасан, келишининг ким монелик қилмоқда, тўхтаб туришнинг сабаби нима, деб (сўратдилар). Аҳвол шу даражага етдики, одамларнинг кўпчилиги қочиб кетди... У қизимнинг номзоди Комрон Мирзодир, шу сабабли сиз билан кўришишимиз мушкул иш, мен сизнинг олдингизга кўришишга бора олмайман, деб жавоб қилди. Шу вақтда Муҳаммад Ҳиндол Мирзо дарёдан ўтдилар. Баъзи кишилар у киши Қандаҳорга борадилар, дейишар эди. Буни эшитиб Ҳазрат Мирзонинг изидац бир неча кишини юбориб, улардан эшишимизча, Қандаҳорга борар эмишсиз (деб) сўранглар,

деди. Улар (бориб) Мирзодан сўрашган эди, Мирзо нотўғри етказишипти, деб жавоб қилди. Бу хабарни эшитиб подшоҳ ҳазратлари волида ҳазратларини кўргани келдилар.

Шу мажлисда Мирзонинг ҳарам аҳллари ҳамда кишилари Ҳазрат подшоҳнинг мулоғимматларида бўлишди. Ҳамидабону бегимни, бу ким деб сўрадилар. Мирбобо дўстнинг қизлари, деб (жавоб бердилар), Ҳўжа Муаззам Ҳазратнинг рўпараларида турган эди, бу йигит бизга қариндош бўлади, дедилар. Ҳамидабону бегимни кўрсатиб, бу ҳам бизнинг қариндошимиз дедилар. Шу кунларда Ҳамидабону бегим кўпинча Мирzonинг уйларида бўлар эдилар. Иккичи куни ҳазрат оналари — Дилдор бегимиш кўргани унинг олдига келиб, Мирбобо Дўст бизнинг яқин кишимиз, қизини бизга никоҳлаб берса муносиб бўлар эди, дедилар. Мирзо Ҳиндол узр сўраб дедиларки, бу қизни мени худди ўз синглим ва фарзандим деб биламан. Ҳазрат подшоҳ, мабодо яхши турмуш бўлмаса, кулфатга сабаб бўлади, дедилар. Подиоҳ ҳазратлари аччиғланиб, ўринларидан туриб кетдилар. Шундан кейин волида ҳазратлари подшоҳга қизниг онаси бундан ҳам кўпроқ ноз қиласди, озгина гапга хафа бўлиб кетишингиз қизиқ бўлди, деб хат ёзиб юбордилар. Подшоҳ ҳам жавоб хати ёзиб, сизнинг бу ҳикоянгиз менга жуда ёқди, ҳар қанча ноз қиласалар ҳам бошимиз ва қўзимиз устига, энди турмуш масалаларида ёзганингизга келсак, худо хоҳласа кўнглинигиздагидек бўлажак, қўзим йўлингизга интизор, деб жавоб қилдилар. Волида ҳазратлари бориб подшоҳни олиб келдилар. Шу кундаёқ (маслаҳат) мажлиси қилдилар. Бу йигилишдан сўнг яна ўз жойларига кетдилар. Эртаси куни Ҳазрат онамнинг ҳузурларига келиб, одам юбориб, Ҳамидабону бегимни чақиртириб келсанги, дедилар. Ҳазрат волидам одам юборган эдилар, Ҳамидабону бегим келмадилар. Агар гап кўришишгина бўлса, ўша куни зиёратларига мушарраф бўлган эдим. Яна бошқа нима учун борар эканман (дебдилар). Иккичи марта Ҳазрат Субҳонқулини юбориб, Мирзога айтгин, бегимни юборсинлар, деб Мирзо Ҳиндолнинг олдига юбордилар.

Мирзо, мен бир неча марта айтдим, лекин бормайман, деяпти, ўзинг бориб айтгии, дедилар. Субҳонқули бориб айтган эди, бегим: подшоҳларни фақат бир марта кўриш мумкин, иккичи марта кўриш номаҳрамлик бўлади, мен бормайман, деб жавоб берди. Субҳонқули бегимдан эшитган бу сўзларини келиб (подшоҳга) ет-

Қазди. Ҳазрат: «Агар номаҳрам бўлса, маҳрам қилиб оламиз» дедилар.

Хуллас, қирқ кунгача Ҳамидабону бегим масаласида кўп тортишув бўлди, лекин бегим ғози бўлмадилар. Сўнг волидам ҳазратлари Дилдор бегим насиҳат қилиб, ахир бир кишига тегасан-ку, подшоҳдан ҳам яхшироқ (киши) борми, дедилар. Бегим: тўғри (лекин) мен қўлимни узатсам бўйнига етадиган кишига тегаман, қўлимни узатганимда, этагига ҳам етмайдиган кишига эмас, дедилар. Шундан сўнг волидам бегимга яна кўп насиҳат қилдилар. Ниҳоят 948 йили жумодил аввал¹ ойининг душанба кунининг ярми эди, Потир жойда подшоҳ ҳазратлари Истирлобни ўз муборак қўлларига киритдилар ва баҳтли соатни топиб, Мир Абу Бақони ҷақириб, никоҳ қилинши буюрдилар. Мир Бақога никоҳ ҳақи иккى юз минг маблағ бердилар. Никоҳдан сўнг уч кунгача у ерда турдилар, сўнг отланиб кемага ўтирдилар ва Биҳарга қараб кетдилар. Биҳарда бир ой турдилар. Мир Абу Бақони Бакҳар сultonига (элчи қилиб) юборган эдилар, у касал бўлиб қолиб ва худо раҳматига сазовор бўлди. Ниҳоят Мирзо Ҳиндолга Қандаҳорга кетишга руҳсат бердилар. Мирзо Ёлгор Носирни ўз ўрнига қолдириб, Ҳазрат ўзлари Сиёҳвонга кетдилар. Сиёҳвондан Тахтагача олти-етти куплик йўлдир. Сиёҳвоннинг мустаҳкам қалъаси бордир. Ҳазратнинг мулоғимлари Амир Алика шу қалъада эди. Қалъада бир неча тўпчилар бўлиб, ҳеч кимни қалъа яқинига келишга қўймас эдилар. Ҳазратнинг яқинларидан бир неча киши мурчал ясад, қалъа яқинига бориб, унга бундай вақтда ҳаромнамаклик қилишинг яхши эмас, деб насиҳат қилишди. Лекин Амир Алика қабул қилмади. Охири қалъани тешиб, унинг бир бурчаги бузилди. Лекин қалъани қўлга кирита олмадилар. Галла ниҳоят қиммат эди. Одамларнинг кўпчилиги қоча бошладилар. Олти-етти ой давомида шу ерда қолинди. Мирзо Шоҳ Ҳусайн ҳаромнамаклик қилиб, (подшоҳ) аскарларни ҳар тарафдан ўраб бориб қўлга киритиб, сўнг уларни аскарларига бериб, Шўр дарёга ташланглар дер эди. Улар уч юз-тўрт юз кишини бир қилиб, кемага солиб, Шўр дарёга ташлар эдилар. (Улар) ўн мингга яқин кишини Шўр дарёга ташладилар. Ҳазратнинг олдиларида жуда кам одам қолгандан кейин, у бир неча кема

¹ 948 йил жумодил аввал — мелодий 1541 йил 8 сентябр.

тўла тўп ва қуроллар билан Тахтадан Ҳазратга қарши келди. Сиёҳвон дарёга яқин жойда эди. У (шаҳарга) бостириб келиб, Ҳазратнинг кемаларини ва (бошқа уруш) асбобларини олиб кетди ҳамда элчи юбориб, мен туз ҳақимни сақлайман, тезроқ жўнанг, деди. Ҳазрат ноилож қолдилар ва яна қайтиб Бакҳарга кетдилар. Ҳазрат Бакҳарга яқинлашган ҳам эдиларки, Мирзо Ҳусайн Самандар, Ҳазрат Бакҳарга етиб келишларидан илгарироқ, Мирзо Ёдгор Носирга элчи юбориб, агар Ҳазрат қайтиб Бакҳарга келсалар, йўлдан ўтказмашг, чунки Бакҳар сизга тааллуқли, мен сизга қараашлиман, қизимни ҳам сизга бераман, деган эди. Мирзо Ёдгор Носир унинг сўзларига ишониб, подшоҳ ҳазратларини Бакҳарга келишга қўймади. У ҳийла ёки жанг билан олдинга ўтмоқчи бўлди. Ҳазрат (унга) Бобо, Сиз бизга фарзанд ўрнидасиз, бирор воқеа юз берса, сиз бизга кўмаклашасиз деб ўз ўрнимда қолдириб кетган эдим. Ҳозир навкарларингизнинг ёмон мақсадлари туфайли биз билан бундай муносабатда бўляпсиз, лекин бу ҳаромнамак навкарларингиз сизга ҳам вафо қилмайдилар, деб одам юбордилар. Ҳазрат қанчалик насиҳат қилиб, одам юборсалар ҳам, фойда қилмади. Ниҳоят, Ҳазрат, майли биз Рожа Малдивога борамиз, бу вилоятни сизга берамиз. Лекин Шоҳ Ҳусайн сизни ҳам бу ерда қолдирмайди, бу гапларимизни эсларсиз, дедилар.

Мирзо Ёдгор Носирга бу сўзларни айтиб, ўзлари отланиб Молдиво томонга — Жисимир йўлига қараб кетдилар. Бир неча кундан кейин Диловар қалъасига етдилар, бу Рожа Молдиво вилояти чегараси эди. У ерда икки кун бўлдилар. Керакли овқат ва ем-хашак топилмади, у ердан Жисимир томонга равона бўлдилар. Жисимирга яқинлашган ҳам эдиларки, Жисимир рожаси кўп киши юбориб, йўлни тўсди, ва ниҳоят жанг бошланиб кетди. Ҳазрат бир неча киши билан йўлдан чеккада кетар эди. Бу жангда бир неча киши ярадор бўлди. Шоҳимхон Жалоирнинг биродари Улушбек, Пирмуҳаммад ахта, Равжон тўшакчи, яна бир неча киши ярадор бўлишди. Ниҳоят ғалаба қозонилди. Коғирлар қочиб, қалъага кириб олишди. Ҳазрат шу куни олтмиш курва йўл босиб, Талоби устида тўхтадилар. Шундан кейин Сотомирга етдилар. У ернинг халқи ўша куни кўп овора қилди. Шунга қарамай Пулуди деган Молдивога қарашли жойга етишди. Молдиво рожаси Жудхупурда эди. У бир совут ва бир тияга ортилган ашрафийни Ҳазратнинг хизматларига юборди ва хуш келиб-

сизлар, Бигонирни сизларга бераман, деб кўнгиллари-ни кетарди. Ҳазрат хотиржам бўлиб, Отакахонни Молдивога нима жавоб берар экан, деб юбордилар. Мулла Сурх китобдор мағлуб бўлган Ҳиндистоннинг шундай шикаст еган ва вайрон бўлган вақтида Молдиво вилояти томонга кетиб, уларнинг хизматига (кирган) эди. У одам юбориб, зинҳор, минг зинҳор, Ҳазрат яқин келмасинлар, қаерда тўхтаган бўлсалар, ўша ердан шу соат кўчсинлар, чунки Молдиво сизни ҳийла билан кутиб олмоқчи, унинг сўзига ишонмангки, Шерхондан элчи келган, Шерхон нимаики билсангиз ва қила олсангиз қи-ланг-у, Ҳазратни қўлга тушуринг, агар шу ишни удда-сидан чиқсангиз Нагур, Алвар ва яна қайси ерни хоҳ-ласангиз сизга берамиз, деб ёзиб юборган, деди. Отакахон ҳам келиб қараб туриш вақти эмас, деди. Намоз аср вақти эди, Ҳазрат отландилар. Ҳазрат отга минганд вақтларида икки жосусни ушлаб олиб келдилар. Уларни боғлаб, яқинроқ олиб келинди: Сўроқ қила бошли-дилар. Шунда улардан бири, қўлни дарҳол бўшатиб олиб, Маҳмуднинг белидан қиличини сууриб олди ва олдин Маҳмудга солди, сўнг Боқи Гвалиёрини ярадор қилди. (Жосуснинг) бошқаси эса, бир кишининг хан-жарини тортиб олиб, ўзини одамларга отди, бир неча кишини ярадор қилди ва Ҳазратнинг отларини ўлдирди. Иккаласини ушлаб ўлдиргунча, кўп тортишув бўлди. Шу вақтда Молдиво ҳам етиб келиб қолди деб тўполон бошланди.

Ҳазратнинг Ҳамидабону бегим учун муносиб отла-ри йўқ эди. Бегим учун Турдикдан от сўрадилар, лекин Турдик от бермади. Ҳазрат, мен учун Жавҳар офтобачининг туюсни тайёрланглар, мен таяга минмоқ-чиман, бегим эса менинг отимга минсинлар, дедилар. Надимбек подшоҳ ўз отларини бегим учун тайин қилиб, ўзлари таяга миниш фикрида эканликларини тасодифан эшишиб қолди ва онасини таяга минидирди ва онасининг отини Ҳазратга тақдим қилди.

Ҳазрат отга миниб, Умаркутга қараб юрдилар. Йўл бошлаб бориш учун йўл кўрсатувчи олинди. Кун ниҳоятда иссиқ эди. Отлар ва ҳайвонлар тиззасигача қумга ботиб, йўл босишар эди. Яна кўчиб, ташна ва оч ҳолда кетавердилар. Қўпчилик хотинлар ва эркаклар пиёда эдилар. Молдиво аскарлари яқинлашиб қолганлиги сабабли, Ҳазрат Эшон Темур Султон, Мунъимхон ва бошқа бир жамоага: сизлар орқамиздан секин-роқ юриб, душманни тутиб туринглар, токи биз бир

нече курва йўл босиб кетиб олайлик, деб буюрдилар. Улар қолиши. Қоронғу тушди. Йўлни йўқотиб қўйишди. Ҳазрат кечаси билан йўл юриб чиқдилар. Уч кундан бери сув топилмаганинги сабабли отлар суғорилмаган эди. Тонг отганда, сув топилди. Ҳазрат отдан тушган ҳам эдилар-ки, бир киши югуриб келиб, от ва туяга мингандан кўп ҳиндлар келяпти, деб хабар берди. Ҳазрат, Шайх Алибек, Равшан кўка, Надим кўка, Мир Валининг биродари Мир Поянда Муҳаммад ва бошқаларга фотиҳа бериб, бориб кофирлар билан жанг қилинглар, деб рухсат бердилар. Ҳазрат, улар Темур Султон, Мунъимхон, Мирзо Ёдгор ва бошқа сиз қолдирган кишиларни ўлдиртирганлар ёки кофирлар қўлига тушган бўлса, бу одамлар уларни ўлдириб, бизга қарши келяпти деб ўйладилар. Ҳазрат ўзлари отга миниб, бир неча кишини шу қўноқ жойга қолдириб, олдинга кетдилар. Ҳазрат фотиҳа бериб, жангга юборганлар гуруҳдан Шайх Алибек ражпутларнинг сардорини отиб, отдан қулатди. Бошқалар ҳам душманнинг бир неча кишиларини отдилар, кофирлар қоча бошладилар, ғалаба қилинди. Бир неча кишини тириклайн ушлаб келиши. Лашкар аста-секин кетиб борар эди. Лекин Ҳазрат подшоҳ анча узоққа кетиб қолган эдилар. Бу одамлар ғалаба қозониб, лашкарига етиб келиши. Подшоҳнинг Беҳбуд деган чўндори бор эди. Уни Ҳазрат орқасидан югуртириб, Ҳазрат секинроқ юрсинлар, худонинг инояти билан ғалаба мұяссар бўлди, кофирлар қочди, деб хабар қилинди. Беҳбуд Ҳазратга етиб олиб (бу) хушхабарни билди. Ҳазрат тўхтадилар: озгина сув ҳам топилди. Лекин кўнглида амирларга нима бўлди экан деб ўйлаб турган ҳам эдиларки, узоқдан бир неча отлиқ кўринди. Яна булар Молдиво эмасмикан, деб ваҳима боғди. Билиб келниш учун одам юборилди. У югуриб келиб, улар Темур Султон, Мирзо Ёдгор, Мунъимхон эканлигини ва ҳаммалари соғ-саломат келаётгандарини хабар қилди. (Улар) йўлни йўқотган эканлар. Улар етиб келишгандан сўнг Ҳазрат хурсанд бўлиб, худога шукур қилдилар. Эрта саҳар йўлга отландилар. Яна уч кунгача сув тополмадилар. Уч кундан кейин қудуқлар бошига етишди. Бу қудуқлар ниҳоятда чуқур эди. Қудуқлар тепасига (тўхтаб) жой қилдилар. Бу қудуқларнинг суви қизил эди. Бир қудуқнинг тепасида Ҳазрат, бошқа бир қудуқнинг тепасида Мирзо Ёдгор, Мунъимхон, Надим кўка, (яна бошқа) қудуқ тепасида

Эсон Темур Султон, Хўжа Фози ва Равшан кўкалар (тўхташди). Ҳар бир челакни қудуқдан тортишганда, челак қудуқ лабига яқинлашиши билан одамлар ўзини чолакка отишарди. Арқон узилиб, беш-олти киши чолак билан қудуққа йиқилиб ҳам кетди. Қўп кишилар сувсиэликдан ҳалок бўлди. Ҳазрат одамларнинг ташналигидан ўзини қудуққа ташлаётганини кўргач, ўзларининг мешларидан ҳаммага сув ичирдилар. Охир ҳаммани сувга сероб қилдилар ва пешин вақти эди ҳамки, (йўлга) отландилар ва бир кечакундуз юриб, саройга етдилар. (Бу ерда) катта кўл бор эди. Отлар ва туялар кўлнинг ўртасига тушиб шундай кўп сув ичишдики, кўплари бундан сўнг ўлиб қолди. Отлар кам қолган эди. Хачир ва туялар бор эди. Шундан сўнг Умаркутга етиб келгунча ҳар куни сувга дуч келиб турилди. Бу ер яхши эди. Кўллар кўп эди. Рано Ҳазратга пешвоз чиқиб, қалъанинг ичига таклиф қилди. Қўп яхши жой берди. Амирларнинг одамларига қалъанинг ташиқарисидан жой берди. Кўпчилик нарсалар ниҳоятда арzon эди. Бир рупияга тўрт эчки берар эди. Рано бузоқ, фалла ва бошқа кўп нарсалар таклиф қилди. Иззат ва ҳурматни шундай жойига қўйдики, таъриф қилиб бўлмади. Бу ерда бир неча кунни яхшилик билан ўтказдилар. Турдиконнинг кўп тилласи бор эди. Ҳазина бўшаб қолгач, Ҳазрат ундан қарзга пул сўрадилар. У ўини ўн икки ҳисобида саксон минг ашрафий қарз берди. Ҳазрат уни олиб, бутун аскарга тақдим қилдилар. Ранога ва унинг фарзандларига камар, ханжарлар ва сарполар иноят қилдилар. Баъзи кишилар янги отлар сотиб олишди. Ранонинг отасини Мирзо Шоҳ Ҳусайн ўлдирган эди. Шу сабабли, ики-уч мингга яқин азамат отлиқларни етказиб, Ҳазратнинг хизматларига қўшиб берди. Шундан сўнг Ҳазрат Бакҳарга-қараб йўл олдилар. Аёлларни Умаркутда қолдирдилар.

Хўжа Муаззамни ҳам ҳарамдан хабардор бўлиб туриш учун шу ерда қолдирдилар. Ҳамидабону бегим ҳомиладор эдилар. Ҳазрат кетганиларидац сўнг уч кун ўтгач, тўққиз юз қирқ тўққизинчи йил ражаб ойининг тўртинчи куни¹ якшанба эди, саҳар пайтида Ҳазрат олампаноҳ Жаҳонгир Жалолиддин Муҳаммад Ақбар подшоҳ ғози туғилдилар. Ой асад буржида эди. Шу вақтда туғилиш ниҳоятда яхшидир. Мунажжимлар бун-

¹ 949 йил ҳижрий йил тўртпинчи ражаб ойи, 1542 йил 12 август.

да туғилған ҳар бир бола баҳтли ва умри узоқ бўла-ди, дедилар. Ҳазрат ўн беш курва узоқда эдилар. Турди Муҳаммадхон хабар етказди. Ҳазрат жуда-жуда курсанд бўлдилар ва бу хушхабар ва башорат туфайли подшоҳ Турди Муҳаммадхоннинг ўтган гуноҳларидан кечдилар. Лоҳурда кўрган тушларига биноан унга Жалолиддин Муҳаммад Акбар деб ном қўйдилар. (Сўнг) у ердан Бакҳарга қараб отландилар. Ранонинг одамла-ридан, атрофдагилар Судма ва Саминчалар қўшилиб, ўн минг киши йигилди. Чун вилояти атрофиға етган ҳам эдилар. Шоҳ Ҳусайн Мирзонинг бир ғуломи, бир неча отлиқ билан Чундан қочиб кетди. У ердан Ойна боғ деган жуда яхши сафоли бир боғ бор эди. Ҳазрат шу боғда тушдилар. Боғ атрофидаги ерлар аскарлар учун ажратилди. Чундан Тахтагача олти кунлик йўл эди. Олти ойгача Ҳазрат ўша ерда турдилар ва Умаркутга одам юбориб, ҳарамдагилар ва бошқа (қолган) киши-ларни чақиртирдилар. Шу вақтга келиб Жалолиддин Акбаршоҳ олти ойлик эдилар. Чунга олиб келишиди.

Ҳарамдагилар билан атрофдан бирга келган киши-лар тарқалиб кетишиди. Рано билан Турди Муҳаммадхон ораларида бўлган гап-сўз уларнинг ораларини бу-зиб юборди. Ярим кеча эди, (Рано) ўз вилоятига қараб отланди. Судма ва Саминч қабилалари ҳам унга қўшилиб кетишиди. Ҳазрат ўзларининг эски жамоалари билангина қолдилар. Шайх Алибек мардона киши эди. Ҳазрат унга Музafferбек Туркман билан биргаликда, Жожгоҳ (деган) катта бир вилоят бор эди, (ӯша ёққа) юбордилар. Мирзо Шоҳ Ҳусайн (уларга қарши) бир жамоани юборди. Иккала лашкар ўртасида катта жанг бўлди. Охири Музafferбек енгилиб қочди. Шайх Али-бек бўлса кўпчилик ўлдирилганлар орасида ҳалок бўлди. Шоҳимхон биродарлари Холидбек билан Лушбек ораларида гап-сўз бўлди. Охири кўпчилик Лушбек тарафини олди. Шу сабабли Холидбек бир неча одам билан қочиб, Мирзо Шоҳ Ҳусайн олдига кетди. Унинг Султоним номли онаси бор эди. Подшоҳ ҳазратлари уни уй қамогига буюрдилар. Бундан Гулранг бегим хафа бўлдилар. Ишнинг охири шундай бўлдики, унинг гуноҳини кечирдилар ва Гулранг бегим билан Маккан муаззамга кетишга рухсат бердилар. Бундан бир неча вақт ўтгач, Лушбек ҳам қочди. Ҳазрат, мен уни деб, Холидбекни хафа қилған эдим, шунга қарамай ҳалол хизмат қилиш ўрнига кўрнамаклик қилди, деб қарғадилар. — Жувонмарг бўлади, — дедилар. Охири шун-

дай бўлди: ўн беш кундан кейин бир кемада ухлаб ётганда, уни бир ғуломи пичоқ уриб ўлдириди. Бу хабарни эшигч, Ҳазрат жуда фикрга тушдилар. Шоҳ Ҳусайн кемаларини дарё орқали Чунга яқин жойга олиб келган эди. Ҳазратнинг одамлари Шоҳ Ҳусайн одамлари билан қуруқликда ҳам жанг қилар эдилар. Ҳар икки томондан ҳам кишилар ҳалок бўлар эди. Подшоҳ одамларининг кўпчилиги ҳар куни қочиб, Шоҳ Ҳусайн томонига ўтиб кетишарди. Жумладан, илмда ниҳоятда кўзга кўринган, подшоҳнинг иноятларига сазовор бўлган мулла Тожиддин ҳам шу жангда ўлдирилди.

Турди Муҳаммадхон билан Мунъимхон ораларида гап-сўз ўтди. Мунъимхон ҳам қочиб кетди. Бир неча саноқли амирларгина қолди. Турди Муҳаммадхон, Мирзо Поянда Муҳаммад, Муҳаммад Вали, Надим кўка, Равшан кўка, Ҳаданг эшик оға ва бошқалар шу жумладан эди. Шу пайтда Байрамхон Гужарот томондан келяпти. У (ҳозир) Жожгоҳ вилоятига етибди, деган хабар келди. Ҳазрат хурсанд бўлдилар. Ҳаданг эшик оғани бир неча киши билан Байрамхонни кутиб олишга боринглар, деб буюрдилар. Шу вақтда Шоҳ Ҳусайн Байрамхон келипти, деган хабарни эшитиб қолиб, уни асирга олиш мақсадида бир неча кишини юборди. (Байрамхон) бехабар бир ерга келиб тушган вақтида келиб, уни босдилар. Ҳаданг эшик оға ўлдирилди. Байрамхон бир неча киши билан қутулиб, Ҳазратнинг хизматларига мушарраф бўлди. Шу вақтда Қорачахоннинг элчилари Ҳазрат билан Мирзо Ҳиндол олдиларига келишиди. Кўп вақтдан бери Бакҳар атрофида ўтирибсизлар, шу вақтгacha Ҳусайн Мирзодан ҳеч давлатхоҳлик асари кўрингани йўқ, эҳтимол ёмонлик юз бергандир. Подшоҳ баҳтли давлат билан ўзларни етиб келсалар, худонинг инояти билан иш осон бўлади. Бу энг яхши ва тадбирли ишдир. Ҳазрат келмасалар, ўзингиз, албатта келинг, деган эди. Ҳазрат билан Мирзо Ҳиндол тўхтаб турган эдилар. (Қорачахон) истиқболга чиқиб, Қандаҳорни Мирзо Ҳиндолга тақдим қилдилар.

Мирзо Аскарий Ғазнида эди. Мирзо Комрон унга Қорачахон Қандаҳорни Мирзо Ҳиндолга берди, Қандаҳор масаласини ўйлаб кўриш зарур, деган хабар юборди. Мирзо Комроннинг мўлжали Қандаҳорни Ҳиндолдан тортиб олиш эди.

Шу вақтда Ҳазрат бу хабарни эшитиб, аммалари Ҳонзода бегим олдига бордилар ва кўп муболага қилиб, мени хурсанд қилмоқчи бўлсангиз, Қандаҳорга

боринг, Мирзо Ҳиндол билан Мирзо Комронга насиҳат қилинг, ўзбек билан туркман яқинингизда турипти. Ҳозир биз учун ҳам, сиз учун ҳам шундай вақткі, ўзаро иттифоқ бўлсангиз яхши бўлади. Агар Мирзо Комрон менинг ёзган хатимни қабул қилиб, ўшанга амал қилса, уни кўнглида нима гап бўлса, биз ҳам худди шундай қиласиз. Ҳазрат бегим Қандаҳорга етиб келгандаридан кейин тўрт кун ўтгач, Мирзо Комрон ҳам етиб келдилар. (Ҳар куни) Мирзо Комрон хутба менинг номимга ўқилсин, деб қистадилар. Мирзо Ҳиндол (эса) хутбани ўзгартиришнинг нима маъноси бор, дедилар. Жаннат макон Ҳазрат ўзлари ҳаётликларида подшоҳликни Ҳумоюн подшоҳга берган эдилар. (У киши) ўзларига валиаҳд қилиб тайинланган эдилар ва биз ҳаммамиз шунга кўнган эдик. (Шу сабабли) ҳозиргача хутбани у кишининг номларига ўқиб келдик, энди хутбани ўзгартириб бўлмайди, дедилар. Мирзо Комрон Дилдор бегимга, биз Кобулдан сизни ёд қилиб келган эдик, шуниси қизиқки, сиз бир замон келиб бизни кўрмадингиз! Сиз Мирзо Ҳиндолга қандай она бўлсангиз, бизга ҳам шундай онасиз-ку, деб хат ёзиб юбордилар. Охир Дилдор бегим у кишини кўргани келдилар. (Шунда) Мирзо Комрон, агар Мирзо Ҳиндолни (бу ерга) чақирирмасангиз, сизни юбормайман, дедилар. Дилдор бегим бунга жавобан: Хонзода бегим сизларнинг валинеъматларингиздир, у киши сизларнинг энг катталарингиз ва улуғларингиздир. Хутбанинг ҳақиқатини ўша кишидан сўранг, дедилар. Сўнг (бу масалани) у кишига айтилди. Ҳазрат Хонзода бегим, жавобан агар мендан сўрасангизлар... Жаннат макон Ҳазрат ўз подшоҳликларини Ҳумоюн подшоҳга беришга қарор қилган эдилар ва ҳозиргача сизлар хутбани у кишининг номига ўқиб келган эдингизлар, ҳозир ҳам у кишини ўзларингизнинг катталарингиз билиб, ўша кишининг фармонида бўлинглар, дедилар. Мирзо Комрон тўрт ойгача Қандаҳорни қамал қилиб, хутбани ўз номимга ўқилсин, деб қистади. Охир (Комрон Мирзо) ҳозир подшоҳ узоқдалар, хутбани менинг номим билан ўқилсин, қачон подшоҳ яқин келсалар, хутба у кишининг номига ўқилсин, деб шарт қўйдилар. (Қандаҳор) қамали узоққа чўзилгани сабабли халқ қийналиб кетган эди.

Хутбани (у кишининг номига) ўқиш зарур бўлди. Қандаҳорни Мирзо Аскарийга бериб, Мирзо Ҳиндолга Фазнини ваъда қилдилар. Фазнинг келгач, Ламғонот

билин Тонгирхорни Мирзо Ҳиндолга беришди. Ваъданинг ёлғонлиги шунчалик эдики, Мирзо Ҳиндол Бадахшонга кетиб, Ҳуст ва Андаробга бориб ўтириди. Мирзо Комрон Дилдор бегимга, сиз бориб олиб келинг, дедилар. Ҳазрат Дилдор бегим борсалар. Мирзо сипоҳгарликдан кечдим, Ҳуст бир бурчак, (шунинг учун) бу ёрда ўтирибман, дедилар. Бегим, агар мақсад дарвешлик ва бир бурчакда ўтиришлик бўладиган бўлса, Кобул ҳам бир бурчакдир, аҳли аёл ва фарзандлар билан бир жойда бўлинг, яхши бўлади, дедилар. Охир бегим Мирзона зўрлаб олиб келдилар ва (Мирзо) Кобулда кўп вақтгача дарвешлик ҳолида ўтиридилар.

Бу ёрдан Мирзо Шоҳ Ҳусайн подшоҳ ҳазратлари олдига киши юбориб, агар Қандаҳор жазмида отлансангиз, давлатга муносаб яхши иш бўлар эди, деди. Ҳазрат бу гапга ўзи бўлдилар. Лекин бизнинг лашкарда от ва тия кам қолган, агар сиз бизга от ва тиялар берсангиз, биз Қандаҳорга кетар эдик, дедилар.

Шоҳ Ҳусайн Мирзо қабул қилди ва сувдан ўтган вақтингизда ўша ердаги минг туюнинг ҳаммасини сизга бераман, деб (ваъда қилди).

Хўжа Фозининг қариндоши Хўжа Кепак томонидан Бакҳар ва Синд йўлида айтилган гаплар тавсифи Хўжа Кепак ёзувларида баён қилингандир. Охир Ҳазрат бутун оила, аскарларини ва бошқаларни кемаларга ўтқиздилар. Уч кунгача дарёда суздилар. (Шоҳ Ҳусайн) вилояти чегарасидан сузуб ўтиб, Навоси деган ерга тушдилар. Султонқули деган сарбонбошини туюларини олиб келиш учун юбордилар. Султонқули бориб мингта туюни олиб келди. Ҳазрат ҳамма туюларни амирлар, аскарлар ва бошқаларга бўлиб бердилар. Бу туюлар шундай туюлар туридан эдики, етти пушти, балки етмиш пушти шаҳар, одам ва юк кўрмаган эди. Аскарлар от қаҳатчилиги бўлгани учун кўпчилиги туюларга мисшишган эдилар. Қолган туюлар юк учун тайин қилинди. Қайси бирига минсалар (ўша тия) минган кишини минган заҳотиёқ ерга отиб ташлар эди-да, ўзи чангальзорга қочиб кетар эди. Юк ташувчи туюлардан қайси бирига юк ортилмасин, уни сезгани замон иргиб-иргиб юкларни ерга отиб, ўзи чангальзорга қочиб кетар эди. Агар тияга юк маҳкам боғланган бўлса, ҳар қанча сакраса ҳам юк тушмаса, у устидаги юки билан ўзини чангальзорга урад эди. Шундай аҳволда Қандаҳор томонига кетар эдилар. (Иўлда) икки юзга яқин тия қочиб кетди. (Ниҳоят) Слови яқинига етдилар. У ернинг ҳокими Шоҳ Ҳусайн

мулозими Мұхаммад Сарбонбоши әди. У қалъани беркитиб, маҳкам қилиб олди. Ҳазрат Сивидан олти курва нарида тұхтадилар. Шу вақтда иккі күн бўлибди, Мир Али Дўст ва Бобо Жужук Қобулдан Сивига келишибди. Шоҳ Ҳусайн олдига бормоқчи деган хабар келди. (Улардан) Мирзо Комрон Шоҳ Ҳусайн учун сарполяр, тулпор отлар ва кўп мевалар бериб юбориб, унинг кизини ўзи учун сўратибди. (Буни эшитиб) Ҳазрат Хўжа Фозига, сен Оллоҳ Дўст билан ота-боладексизлар, унга хат ёзиб, сўрагин, борсак Мирзо Комрои бизни қандай қарши олади, дедилар. Хўжа Кепакка, сен Сиви томонга бор, Мир Оллоҳ Дўстга айтгинки, агар келиб биз билан кўришса, яхши бўлар әди, дедилар. (Сўнг) ўша Хўжа Кепак Сиви томонга кетди. Ҳазрат унга, то сен қайтиб келмагунингча биз кўчмаймиз, дебдилар. У Сивига етган ҳам әдикি, уни Мұхаммад Сарбонбоши ушлаб олиб, нима иш билан келдинг, деб сўради, у от ва туялар сотиб олиш учун келдим, деб жавоб берди.

У бунинг қўйинини ва бошларини тинтув қилинглар. Эҳтимол, Оллоҳ Дўст ва Бобо Жужукқа фармон келтирган бўлса, деди. Текширган эдилар, қўлтиғидаги хат чиқди. У хатни бир бурчакка ташлашга вақт то-полмай қолган әди. Уни олиб ўқиди ва қайтариб бермай, шу ондаёқ Оллоҳ Дўст ва Бобо Жужукни қалъанинг ичкарисига олиб кетди ва ҳар хил қўпол ва ёмон муомала қилди. Улар биз бу (хат)нинг келганидан хабаримиз йўқ, деб қасам ичдилар. Бу мен билан сабоқ ўқиган. Фозининг бизга яқинлиги бор, у Комрон Мирзонинг олдига шу туфайли бу хатни ёзибди, дедилар. Маҳмуд Кепакни бир неча киши билан Шоҳ Ҳусайн олдига юборишга қарор қилди. Мир Оллоҳ Дўст ва Бобо Жужук кечаси билан Маҳмуднинг олдида бўлиб, унинг (газабини) юмшатиб (Кепакни) баиддан халос қилиб олишди. Мир Оллоҳ Дўст уч юз аниор ва юз беҳини Ҳазрат учун юборди. Фавқулодда бирор кишининг қўлига тушиб қолмасин деб қўрққанидан хат ёзмади, лекин оғзаки равишда агар Мирзо Аскарий ёки амирларнинг элчиси (олдингизга) борса, Қобулга бориши ёмон бўлмайди, агар шундай бўлмаса, Қобулга боришини Ҳазрат подшоҳга маслаҳат кўрмаймиз, чунки ҳазратнинг одамлари кам, охири қандай бўлар экан, деб айтиб юборди. Кепак келиб бу гапларни етказди. Ҳазрат энди нима қилиш керак ва қаерга бориш керак деб ўйлаб, ҳайрон бўлиб қолдилар. Кенгаш қилинди. Түрди Мұхаммадхон билан Байрамхон Қандаҳор чега-

расига (жойлашган) Шимолиён ва Шолимистондан бошиқа жойга бориш мумкин эмас деб маслаҳат беришибди, чунки унинг чегарасида афгонлар кўп, уларни ўз томонимизга тортамиз. Мирзо Аскарийнинг амир ва мулозимлари ҳам кочиб, бизнинг олдимизга келадилар. Охир бир-бирларига шундай маслаҳат беришиб, фотиҳа ўқиб, кўч-кўч бўлиб отланиб, Қандаҳорга қараб йўл олдилар. Шолимистон яқинига келганларида Рали номли жойга тушибилар, бу срга ёмғир билан қор ёқкан эди. Ҳаво ниҳоят совуқ эди. Шунинг учун бу ердан Шолимистонга кетишга қарор қылдилар. Намоз аср вақти эди, бир ўзбек йигит қалъа девори томонидан от билан югуриб келиб, нара тортиб, Ҳазрат, отга мининглар, сўзимни йўл устида айтадиган бўлдим, ҳозир сўз айтишига ҳам вақт таанглашиб қолган, деди. Ҳазрат шу ондаёқ отга мингани ҳам эдиларки, тўполон бошланиб қолди. Подшоҳ эса жўнаб кетдилар. Қаттиқ тортиб отилган ўқ етадиган масофача йўл босгач, Ҳўжа Муаззам ва Байрамхонни, Ҳамидабону бегимни олиб келинглар, деб буюрдилар. Улар бориб бегимни отга миндиришиб. Жалолиддин Мұҳаммад Ақбар подшоҳни ҳам бирга олишга фурсат бўлмади. Бегим подшоҳга етиб олиш учун эндиғина лашкардан чиққан ҳам эдиларки, шу вақтда Мирзо Аскарий иккى минг отлиқ билан етиб келди ва тўполон бошланди. У келиши билан лашкарбошидан подшоҳ қаердалар, деб сўради. Одамлар подшоҳ кечқурун овга кетганлар, деб жавоб беринди. У билдики, подшоҳ туриб кетиб қолганлар. Охир Жалолиддин Мұҳаммад Ақбар подшоҳни олиб, подшоҳнинг қолган ҳамма одамларини мажбур қилиб, Қандаҳорга олиб кетди. Мұҳаммад Ақбар подшоҳни ўзининг хотини — Султоним бегимга топширди. У киши (унга) кўп меҳрибонлик ва ғамхўрлик қилди.

Подшоҳ отга мингани ҳолда тоғ томонга йўл олдилар. Тўрт курва юргандан кейин жуда тезлик билан юриб кетдилар. Шу вақтда Байрамхон, Ҳўжа Муаззам, Ҳўжа Ниёз, Надим кўка, Равшан кўка, Ҳўжа Мұҳаммадхон, Бобо Дўст Бахши, Мирзо Қулибек Чўли, Ҳайдар Мұҳаммад, Ахта Беги, Шайх Юсуф Чўли, Иброҳим эшик оға, Ҳасан Али эшик оға, Ёқуб қурчи, Анбар Нозир, Малик Мухтор, Сунбул Мир Ҳазор, Ҳўжа Қепаклар Ҳазрат билан бирга эдилар. Ҳўжа Ғози мен ҳам (шу вақтда) у кишининг хизматида эдим, дейди. Бу жамоат Ҳазрат билан бирга келган эди. Ҳамидабону бегим эса, (ҳазрат) ўттиз киши билан бирга эди, дейдилар.

Хотинлар ичида Ҳасан Али эшик оғанинг хотини ҳам бор эди. Намоз хуфтоңдан ошганда тоғ этагига етдилар. Тоғларни шундай қор боссан эдики, тогнинг тепасига чиқиш учун йўл йўқ эди. Иисофиз Мирзо Аскарий мабодо орқадан етиб келиб қолмасин деб, қўрқар ҳам эдилар. Охир йўл топиб, бир илож қилиб тоғининг тепасига чиқиб олишди. Кечаси билан бутунлай қор ичида бўлдилар. Шунда олов ёқиши учун ўтин ҳам тошилмади. Емоқ учун ҳам ҳеч нарса йўқ эди. Очлик ниҳоят тинкани қуритди. Одамлар бетоқат бўлдилар. Ҳазрат битта отни сўйинглар, деб буюрдилар. Отни сўйиншиди, лекин ош пишириш учун қозон йўқ эди. Гўшти дўбилғада пишириб, кабоб қилдилар. Ҳазрат ўз муборак қўллари билан кабоб қилиб едилар. Ўзининг муборак тиллари билан, менинг бошим қишининг энг совуқ чиласидан ҳам совуб кетди, дедилар.

Шундай қилиб, тоғги отиши билан бошқа бир тоғни кўрсатиб, шу тогда яшайдиган бир жой бор, у ерда белужлар жамоаси бўлади, у ерга бориш керак, деб йўлга тушдилар. Икки кундан сўнг у ерга етдилар. Бир неча уйни кўришди. Бу уйларда саҳроини ёввойилар деб аталадиган ваҳшӣ белужлар бўлиб, улар тоғ этагига ўтирас эдилар. Ҳазратнинг ҳамроҳлари деярли ўттиз кишидан иборат эди. Белужлар (уларни) кўриб, ҳаммаси тўпланиб келишди. Ҳазрат давлат ҳиргоҳида ўтирган эдилар, улар узоқдан Ҳазрат ўтирганини кўриб, бир-бирларига, агар биз буларни ушлаб олиб бориб, Мирзо Аскарийга топширсак, у албатта, буларнинг қуролларини биэга беради, балки кўп инъомлар ҳам берниши мумкин, дейишди, Ҳасан Али эшик оғанинг белуж хотини бўлиб, у белуж тилини билар эди. У «бу чўл ёввойилари ёмон ниятдалар», деди. Эрта билан жўнаш фикрида бўлдилар, белужлар бизнинг белуж сардоримиз ҳозир бу ерда йўқ, у келгандан кейин кўчасизлар, деди. Вақт кетиб қолган эди. Кечаси билан эҳтиёт бўлиб чиқдилар. Кечанинг бир қисми ўтган ҳам эдики, белуж сардор келиб, Ҳазрат билан кўришди ва Мирзо Қомрон билан Мирзо Аскарийнинг буйруғи бизга келган, унда айтилган гапларга кўра, подшоҳ сенинг уйинингга келганилар, агар у ерда бўлсалар, зинҳор қолдирманглар, ушлаб бизнинг олдимизга олиб келинглар, деб ёзилган. (Яна) мол ва отлари сизники, лекин подшоҳининг ўзини Қандаҳорга юборинг, дейилган эди. Мен подшоҳ билан кўришганимдан кейин, жоним, хонадоним, беш-олти фарзандим ва бутун борлиғим подшоҳ

бошидан садақа, балки Ҳазратнинг бир тола түкидан садақа бўлсин. Подшоҳ қаерга бормоқчи бўлсалар, марҳамат қилсинлар. Мен худонинг паноҳидамен, Мирзо Аскарий мени нима қисса, қила қолсин, деди. Сўнг (Ҳазрат) бир бўлак лаъл, марварид ва бошқа нарсаларни белужга тақдим қилиб, саҳар пайтида отланиб Бобо Ҳожи қалъасига қараб йўл олдилар.

Икки кундан кейин (у ерга) етдилар. Бу қалъа Гармсир вилоятига тааллуқли бўлиб, дарё қирғоғида жойлашган эди. Саидларнинг кўпчилиги шу ерда эдилар. Улар келишиб, Ҳазратга муловизмат қилишди ва мезбонликни ўрнига қўйишли. Шу куни эрталаб Ҳўжа Аловуддин Маҳмуд Мирзо Аскарийдан қочиб келди. Туя, от, хачир, шомиёна ва бошқа бор нарсаларини олиб келиб, Ҳазратга тақдим қилди. (Энди) бошқа хавф қолмади. Эртаси куни Ҳожи Муҳаммадхон кўка ўттиз-қирқ отлиқ билан келди ва бир қанча хачирлар тақдим қилди. Ниҳоят ака-укаларнинг ноаҳиллиги ва амирларнинг номунофиқлиги туфайли, ноилож бўлиб, Ҳазрат худонинг ўзига таваккал қилиб, Ҳурносонга бориш маслаҳатини кўрди. Бир қанча ер ва йўл босилгандан кейин Ҳурносон атрофига етдилар. Ҳилманд сувига етган ҳам эдики, бу хабарни эшишиб Шоҳ Тоҳмасп Ҳумоюн подшоҳ ғаддор фалакнинг тескари айланишидан, ишининг носоз юришиши туфайли бу чегарага келдилар. Бу жойларга худонинг ўзи етказди, деб ҳайрат ва тафаккурга тушдилар. Подшоҳ ҳазратларини қарши олиш учун бутун ҳалқни, олимлар, давлат арбоблари ва (ҳамма) пасту баланд ва катта-кичикларни подшоҳнинг йўлларига чиқардилар. Буларнинг ҳаммаси Ҳилманд дарёсининг бўйингача пешвоз чиқдилар. (Тоҳмасп) шоҳ ўзининг биродарлари Баҳром Мирзо, Алқос Мирзо, Сом Мирзоларни ҳам пешвоз чиқардилар.

Буларнинг ҳаммалари келиб кўришиб, (кўп) иззаг ва ҳурмат билан Ҳазратни олиб кетдилар. (Шаҳарга) яқинлашиб қолингач, шоҳнинг биродарлари шоҳга ҳабар юборишиди. Шоҳнинг ўзи ҳам отга миниб, (Ҳазрат) га пешвоз чиқдилар. Бир-бирлари билан кўришиниди. Бу икки олиймакон подшоҳларнинг ҳамжиҳатлиги ва дўстлиги худди битта бодом пўстида жойлашган икки мағиэзек эди. Бир-бирларига (нисбатан) ихлослари ва бирликлари шу даражада эдики, Ҳазрат у ерда неча кун бўлган бўлмасинлар, ҳамма вақт шоҳ Ҳазратнинг олдиларига келар эдилар, агар (тасодифан) шоҳ бир кун келмай қолсалар, Ҳазрат унинг олдига борар эди-

лар. (Ҳазрат) Хурсонда бўлган вақтларида ҳар бир боғ ва бўстонда Султон Ҳусайн Мирзо барпо қилган ҳамма олий иморатларни ва ундан илгари бино қилинган бошқа иморатларнинг ҳаммасини сайр қилар эдилар. Ироқда бўлган вақтларида саккиз марта овга чиқдилар ва ҳамма вақт овга чиққанларида Ҳазратни ҳам таклиф қилар эдилар. Ҳамидабону бегим ё кажавада ёки маҳофада (ўтириб) узоқдан томоша қилар эдилар. Шоҳнинг синглиси Шаҳзода Султоним отга мингган (ҳолда) шоҳнинг орқасида турар эдилар. Ҳазратнинг айтишича, овда подшоҳнинг орқасида бир хотин отга миниб ва у отнинг жиловини бир оппоқ соқоллик киши ушлаб турар эди. Одамлар бу Шаҳзода Султоним шоҳнинг синглиси, дейишар эди. Қисқаси, шоҳ Ҳазратга кўп меҳрибонлик ва муруватлар қилди, таклиф қилиб оналарча ва опаларча меҳрибонлик ҳамда ғамхўрлик кўрсатди. Бир куни Шаҳзода Султоним Ҳамидабону бегимни меҳмонга таклиф қилган эдилар, шоҳ синглисига шундай меҳмондорчилик қилингларки, шаҳарнинг ташқарисида ҳам маърака бўлсин, дедилар. Шаҳардан икки курва наридаги яхши майдон устига чодир ва жойлар бино қилиниб, Читру тоқ ҳам қурилди. Хурсон ва ўша чегарада саропарда қурилиб, орқа эшик очилмас эди. Лекин ҳазрат подшоҳ худди тарвуздек думалоқ саропарда қурган эдилар. Шоҳнинг одамлари томонидан давра шаклида солинган бу ҳиргоҳ, боргоҳ, чодир ва тоқлар атрофида айлантириб, ранг-баранг чийлар тутилган бўлиб, подшоҳнинг қариндошлиари, аммалари, опа-сингиллари, ҳарамдагилар, хонлар, султоналар ва амирлариниг оиласлари — ҳаммаси бўлиб деярли мингга яқин хотин ҳозир бўлиб, барчаси зеби-зийнат билан безанган эди.

Шу куни Шаҳзода Султоним Ҳамидабону бегимдан Ҳиндистонда ҳам шунга ўхшаш Читру тоқ бўладими? — деб сўради. Бегим бунга жавобан: Хурсонни икки дон, Ҳиндистонни эса тўрт дон, дейдилар. Икки дон жойда бўлган нарса, албатта, тўрт дон жойда яхшироқ бўлади, деди.

Шоҳнинг синглиси Шоҳ Султоним ўз аммаларининг гапига жавобан, Ҳамидабону бегимнинг гапини қувватлаб, амма, бу гапни айтишинги қизиқ, икки дон қаерда-ю, тўрт дон қаерда (тўрт дон бўлган жойда) ўз-ўзидан маълумки, яхшироқ, чиройлироқ бўлиши керак, деди. (Улар) бутун маърака ва мажлис кунини яхши ўтказдилар. Овқат вақтида ҳамма амирларнинг хотинлари сёқла туриб хизмат қилишди. Шоҳнинг ҳарами-

дагилар Шаҳзода Султоним бошлиқ ош тортар эдилар. Яна зар тикилган парчалар ва бошқа матоларнинг турли хилларидан Ҳамидабону бегимга лозимича ва муносибича тортиқ қилдилар. Шоҳнинг ўзи олдинроқ кетиб, то хуфтон вақтигача подшоҳнинг хонасида (бирга) бўлдилар. Сўнг Ҳамидабону бегимнинг ўз уйларига келганларини эшитиб (шоҳ) подшоҳ олдидан чиқиб, ўз уйларига кетдилар. (У киши подшоҳга) мана шу даражада риоя билан яхшилаб кўнгилларини олдилар. Шу вақтда Равshan кўка бу бегона, ва кўп хатарлик мамлакатда вафодорлик билан содиқ хизмат қилиш ўрнига бевафолик қилди. Подшоҳ ҳазратларининг туморларида бир неча бўлак қимматбаҳо лаъл бор бўлиб, буни фақат Ҳазратнинг ўзлари ёки Ҳамидабону бегим иккалаларигина билар, уни биладиган учинчи киши йўқ эди. Агар подшоҳ бирор жойга борсалар, у туморни Ҳамидабону бегимга бериб кетар эдилар. Бир куни бегим бош ювгани кетдилар ва у туморни бир сочиққа ўраб, кийим тугилган бўқча орасига қўйиб, подшоҳнинг тахти устида қолдирдилар. (Шу вақтда) Равshan кўка фурсатни ғанимат билиб, Хўжа Фози билан биргаликда, бешта лаълни ўғирлаб, Хўжа Фозига берди ва маълум вақтни ўтказиб сарф қиласидиган бўлишиди.

Ҳамидабону бегим бошларини ювиб бўлиб келган эдилар, подшоҳ ҳазратлари ўша туморни (олиб) у кишига бердилар. Бегим қўлга олган замон билдиларки, тумор енгил кўринади. Бегим буни подшоҳга айтдилар. Подшоҳ эса, бунинг нима маъноси бор. Сиз билан биздан бошқа учинчи киши билмас эди, бу қандай гап бўлди, ким олиши мумкин, дедилар ва ҳайрон қолдилар. Бегим ўз биродарлари Хўжа Муаззамга, шундай вақтда биродарликни бажо қилинг. Шовқин-сурон бўлмайдиган бир йўлини топиб, буни аниқланг. Шу билан мени гўё бу хижолатдан қутқарган бўласиз. Бўлмаса, то тирик эканман, подшоҳдан хижолатда бўламан, дедилар. Хўжа Муаззам, менинг хаёлимга бир нарса келди; мени подшоҳ ҳазратларига шунчалик яқинлигим билан битта озгин отни сотиб олишга ҳам қурбим келмайди. Аксинча, Хўжа Фози билан Равshan кўка иккаласи ўзлари учун тулпор отни сотиб олишган. Лекин ҳалигача отларнинг пулинни беришган эмас. Буларнинг харидлари бејиз бўлмаса керак, дедилар. Бегим эса: Эй, ака! Биродарлик қилишининг вақти келди, албатта, бундай ҳараратни тафтиш қилиш керак, дедилар. Хўжа Муаззам, Моҳи чечам (буни) сиз ҳеч кимга айтманг, умидвор-

манки, худо хоҳласа, ҳақ ҳақдорни топади, деди. (Хўжа Муаззам) у ердан ўша савдогарларнинг уйига келди ва улардан отларни қанчадан сотдиларинг, отларинг учун қанча олтин ваъда қилишди ва ваъда қилинган олтинни қачон беришмоқчи бўлишидь деб сўради. Савдогарлар бизга ўша икки киши лаъл ваъда қилиб, отларни олиб кетишди, деб жавоб беришди. Хўжа Муаззам у ердан Хўжа Фозининг хизматкори олдига бориб, Хўжа Фозининг сарпо бўқчаси ва нарсалари қаерда турди ҳамда уларни қайси жойда сақлайди, деб сўради. Хўжа Фозининг етими: бизнинг Хўжамизнинг бўқчаси ва нарсалари йўқ. (Лекин) бир халтачаси бор, ухлаган вақтида, бошининг тагига қўйиб ёки қўйнига олиб ётади, деб жавоб берди.

Хўжа Муаззам лаълнинг Хўжа Фозида эканлигини ва ўша халтачада сақланишини пайқади. (Сўнг) Ҳазратнинг олдига келиб, мен (йўқолган) лаълларнинг нишонасини Хўжа Фози халтасидан топдим, уни кўрсам, бир йўлини қилиб ундан тортиб оламан, деди. Агар Фози Ҳазратнинг олдиларига келиб, мендан шикоят қиласиган бўлса, Ҳазрат менга ҳеч нима демайсиз, деди. Ҳазрат эшитиб, кулиб қўйдилар. Шундан кейин Хўжа Муаззам Хўжа Фозига ҳазиллашиб, уни мутойiba, мазах қиласиган бўлди. Хўжа Фози Ҳазратнинг олдиларига келиб, мен бир ғарib кишиман, ўз исму расмим бор. Муаззам мендан ёши кичик бўлишига қарамай, бегона мамлакатда мени ҳазил, мутойiba, мазах қиласи, бу нима деган гап, деб шикоят қилди. Подшоҳ ҳазратлари бунинг ҳеч қўрқинч жойи йўқ, чунки у ёш! Балки кўнгли ғаш бўлиб, зерикканидан беадаблик қилгандир, сиз буни кўнглингизга оғир олманг, у ҳали ёшдир, дедилар. Бошқа куни, Хўжа Фози келиб, девонхонада бепарво ўтирган эди, Хўжа Муаззам бирданига унинг бошидан тоқиши юлиб олиб, ундан бебаҳо лаълни топди ва подшоҳ ҳазратлари ва Ҳамидабону бегим олдиларига олиб келиб қўйди. Ҳазрат кулимсираб қўйдилар. Ҳамидабону бегим хурсанд бўлдилар. Хўжа Муаззамга кўп раҳмат, миннатдорчилик билдириши.

Хўжа Фози билан Равшан кўка қилган ишларига шарманда бўлиб, иккалалари шоҳнинг олдига боришиб, кўп махфий гапларни гапиришиб, шоҳни шубҳага солишибди. Подшоҳ ҳазратларига шоҳнинг у кишига нисбатан ихлос ва эътиқоди йўқлигини, илгаригидек эмас эканини маълум қилишди. Шу ондаёқ (Ҳазрат) қўлларидаги лаъл ва қимматбаҳо тошларнинг борини шоҳга юбордилар.

Шоҳ подшоҳга бизнинг иккаламизни ажратган нарса Хўжа Фози билан Рашан кўканинг гуноҳи бўлди, бўлмаса мен сизни ягона деб биламан, дедилар. Қайтадан ҳар икки подшоҳ яқдил ва бир-бирларидан хотиржам бўлдилар ва подшоҳ қошидаги анови иккита ҳаромнамак лаънати бўлди. Уларнинг ҳар иккаласини ҳам шоҳга топширдилар. (Шоҳ) ҳар хил лаъллардан хоҳлаганича олди ва уларни зинданга солишга буюрди.

Подшоҳ ҳазратлари Ироқдаги кунларини хурсандчилик билан ўтказдилар, чунки шоҳ кўнгилларини жуда хуш қилди. У ҳар куни подшоҳ учун нодир ва ажойиб туҳфа-ҳадялар юбориб турдилар. Ниҳоят шоҳ ўз ўғлини хонлар, сultonлар, амирлар билан қўшиб подшоҳ ҳазратларига ёрдамга юборди. (Яна) ҳиргоҳ, боргоҳ, чодир, тоқ ва шомиёна, ҳар хил рангли ипак гилам, тилла ип билан тўқилган шолча ва керак бўладиган ҳар хил асбоб, масалан, тўшакхона, хазинахона, отхона, ҳар хил ишхона, подшоҳона, ривобхоналар тайёрлатиб бериб, яхши соатда ҳар икки олижаноб подшоҳ бир-бирлари билан хайрлашдилар. У ердан подшоҳ ҳазратлари Қандаҳорга қараб жўнадилар. Шу вақтда подшоҳ ҳазратлари у икки бевафоиниг гуноҳини кечиришни шоҳдан сўраб, (уларни) ўзлари билан Қандаҳорга олиб кетдилар. Мирзо Аскарий подшоҳ ҳазратларининг Хуросондан қайтиб, Қандаҳор томонга кетаётганларини эшишиб, Жалолиддин Муҳаммад Акбар подшоҳни Ко-булга—Мирзо Комрон олдинга юборди. Мирзо Комрон (у кишини) окажоним, яъни Хонзода бегимга (у киши бизга амма бўлар эдилар) топшириди. Шу вақтда Жалолиддин Муҳаммад Акбар подшоҳ икки ярим ёшда эдилар. Окажоним олиб сақладилар. Уни жуда яхши кўради. Оёқ-қўлларини ўпиб, худди менинг биродарим—Бобур подшоҳнинг қўл-оёқларига ўхшайди, (ўзи) эса бутунлай ўхшайди, дер эдилар.

Подшоҳ ҳазратлари Қандаҳорга келганлари аниқ бўлиб қолгач, Мирзо Комрон Хонзода бегим ҳазратларига кўп, беҳисоб ожизлик ва муболага билан зорланиб, сиз подшоҳнинг олдиларига Қандаҳорга бориб, бизнинг орамизни келиштириб қўйинг, деб ёлбордилар.

Ҳазрат келганларидан сўнг Хонзода бегим Акбар подшоҳни Мирзо Комронга топширдилар. Мирзо Комрон эса уларни ўзининг хотини хонимга топшириб, жуда тезлик билан Қандаҳорга келдилар.

Подшоҳ ҳазратлари Қандаҳорга келганларидан кейин, Мирзо Комрон билан Мирзо Аскарийни қирқ

кун қамал қылдилар. Байрамхонни Мирзо Комрон олдига әлчи қилиб юбордилар. Мирзо Аскарий ўзини ожиз ва забун билиб ўз гунохини кечиришларини сўраб, ташқарига—подшоҳ ҳазратларининг олдига чиқиб таъзим қилди. Подшоҳ ҳазратлари Қандаҳорни олиб, ғалаба қилдилар. Ва уни шоҳнинг ўғлига бердилар. Шундан бир неча кун ўтгач, шоҳнинг ўғли касал бўлиб ўлди. (Сўнг) подшоҳ ҳазратлари Байрамхон қайтиб келгач, Қандаҳорни Байрамхонга бердилар. Ҳамидабону бегими ҳам Қандаҳорда қолдириб, Мирзо Комронни таъзиб қилиб, йўлга тушдилар. Оқажоним Хонзода бегим билан бирга әдилар. Қобилҳақ деган жойга етганларида, уч кунгача иситмаладилар. Табиблар ҳар қанча дору-дармон қиссалар ҳам фойда бермади. Тўққиз юз эллик биринчи йилининг тўртинчи куни¹ худонинг раҳматнинг эришдилар. Шу Қобилҳақ деган ерга дағи этишди. (Шундан) уч ой ўтгач, подшоҳ Бобом ҳазрагларининг мақбарасига қўйдилар.

Мирзо Комрон Кобулдаги пайтида бир неча йил ҳеч урушга бормаган эди. Бирдан подшоҳ ҳазратларининг келганини эшлиб, ўша вақт унинг урушига ҳаваси келиб, Ҳазора томонга урушга кетдилар. Дарвешликни ихтиёр қилган Мирзо Ҳиндол шу вақтда подшоҳ ҳазратларининг Йроқ ва Хуросондан қайтиб келиб, Қандаҳорни ишғол қилганликларини эшлиб, фурсатни ганимат билди ва Мирзо Ёдгор Носирни чақириб, подшоҳ Қандаҳорга келиб, уни қўлга киритибдилар, Мирзо Комрон сулҳ сўраб, Хонзода бегим (подшоҳга) юборибди. Подшоҳ ундан сулҳни қабул қилмабдилар, подшоҳ ҳазратлари Байрамхонни әлчи қилиб юборибдилар, Мирзо Комрон Байрамхоннинг гапини ҳам қабул қилмабди ва шундан сўнг подшоҳ тезда Қандаҳорни Байрамхонга топшириб, ўзлари Кобулга отланибдилар, келинг, биз бир-биrimiz билан аҳд ва шарт қилишиб, ҳийла ишлатиб, подшоҳ ҳазратларига етиб олайлик, деди. Буни Мирзо Ёдгор Носир қабул қилди. Ҳар иккалалари ўзаро шарт ва аҳд қилдилар. Мирзо Ҳиндол: Сиз қочмоқни ўзингизга ихтиёр қилинг. Буни Мирзо Комрон эшлиб, албатта менга, Ёдгор Носир қочди, сиз бориб қўидириб, олиб келинг, дейди. То мен (сизга) стгунимча, сиз секин-секин юринг, етиб олганимдан кейин, жуда тез юриб, подшоҳ ҳазратларига етиб олиш-

¹ 951 йил ҳижрий тўртинчи куни, яниш 4 апрел 1544 йил мелодий.

га ҳаракат қиласиз. Шундай қарорга келишдилар ва Мирзо Әдгор Носир қочди. Бунинг хабари Мирзо Комронга етди. Мирзо Комрон шу ондаёқ Кобулга келдилар ва Мирзо Ҳиндолни чақириб: сиз бориб Мирзо Әдгор Носирни кўндириб қайтариб олиб келинг, дедилар. У киши шу ондаёқ отга миниб шиддат билан йўл босиб, (Мирзо Әдгорга) етиб олдилар. У ердан отланиб, беш-олти кун йўл босиб, подшоҳ ҳазратларининг ҳузурига келишга мушарраф бўлишди ва Тақи Химор йўлига юриш лозим, деб подшоҳга арз қилишди. (Подшоҳ) тўққиз юз эллик биринчи йилнинг тўққизинчи муборак рамазон куни¹ Тақи Химорда тўхташга буюрдилар. Уша куни Мирзо Комронга хабар етди.

У жуда ваҳима ва ҳаяжонга тушиб қолди. (Бир) соатда чодир кўтариб, Гузаргоҳ олдида тўхтади. Подшоҳ ҳазратлари рамазон ойининг ўн биринчи куни Жилғатепа деган ерга тушдилар. Мирзо Комрон ҳам жанг қилиш мақсадида келиб, подшоҳнинг тўғриларига тушдилар. Шу вақтда Мирзо Комроннинг ҳамма амирлари ва аскар бошлиқлари қочиб, подшоҳ ҳазратларига келиб, оёқларини ўпиш шарафига эга бўлдилар. Комроннинг атоқли амирларидан бири Бопус Мирзо эди. У ҳам ўз жамоаси билан қочиб келиб, Ҳазратнинг қадамларини ўпишга мушарраф бўлди. Мирзо Комрон ўзи танҳо қолди. Ўзининг атрофида ҳеч ким қолмаганини кўриб, юқорида эсга олинган Бопуснинг жойи яқин эди, унинг эшик ва дарвозасини вайрон қилиб, Боги Наврўз олдидаги Гулранг бегимнинг мозори олдидан юриб, ўн икки минг отлиқ аскаридан ажralиб жўнаб кетди. Коронғу тушган эди. Уша Бобо дашти йўли билан келиб, бир кўлнинг олдида тўхтади ва Дўст кўка ва Жўкихонни, Мирзонинг катта қизи—Ҳабиба бегимни, Мирзо Комроннинг ўғли—Иброҳим Султонни, Ҳизирхоннинг жияни—Ҳазора бегимни, Ҳуррамбекнинг синглиси—Моҳи бегимни, Ҳўжа бегим онаси—Меҳр Афрўзбекни ва Боқи кўкаларни олиб келиш учун юборди. Улар келиб Мирзоға қўшилгач, Мирзо Тахта ва Бакҳар томонга қараб кетди. Бакҳар йўлнинг бошида жойлашган эди, Ҳизирхоннинг вилоятга боргандা, Ҳабиба бегимни Боқи Султонга никоҳлаб бердилар ва ўзлари Бакҳар ва Тахта томонга кетдилар. Подшоҳ ҳазратлари ғалаба қозониб, ўн иккинчи куни кечаси Болон Ҳисорга давлат, саодат ва иқбол билан тушдилар. Мир-

¹ 951 йил ҳижрий 9-рамазон куни, яъни 1545 йил 24 ноябр.

зо Комроннинг Подшоҳ хизматига ўтган одамларининг ҳаммаси ноғора чалишиб, Қобулга—подшоҳ ҳазратларининг олдига келишди. Шу ойнинг ўн иккинчи куни онам ҳазратлари Дилдор бегим, Гулчехра бегим ва ҳақиқир Ҳазратни кўргани келдик.

Биз Ҳазратга хизмат қилиш давлатидан айрилганингизга беш йил бўлган эди. Айрилиқнинг азобидан, узоқ давом этган меҳнат ва машаққатидан озод бўлиб, валинеъматимиз висолига етиш шарафига (энди) эришдик. Кўришишимиз билан ғамли кўйигилга ҳузур, хираланган кўзларга нур келди. Қамоли хурсандчиликдан, ҳар замон ҳудога сажда-ю шукур қилар эдик. Кўпчилик вақт маърака ва мажлис бўлиб, кечалари саҳаргача ўтирас ҳадик. Созаңдалар ва ўйинчилар доим ўйин ва ашула қилишар эди. Кўп вақт ўйин-кулги ва хурсандчиликлар қилдилар. Шу жумладан ўн икки киши бўлар эди. Ҳар кишига ўша-йигирма варақ, йигирма варақ (пул), йигирма-йигирма шоҳрухий берар эдилар. Узоқ ўйнаған кишига ўша-йигирма шоҳрухий устига беш мисқол берардилар. Агар ўйинни ўрнига қўйиб, ажойиб ўйнаса, яна кўпроқ олар эди. Ҳазратнинг Жуса Қалуж, Бакҳар ва ўша томонларда қилган жангларида ўлган ёки ярадор бўлганларнинг беваларига, етимларига, оиласига мансаб, маош, ер, сув ва қуллар иноят қилдилар.

Аскар, фуқаро ва бошқалар учун ҳазратнинг ҳокимияти қунларида тинчлик ва фароғатда яшаш насиб бўлди. Ҳамма умрини фароғатда ўтказиб, Ҳазратнинг умрлари узоқ бўлиши учун кўпчилик яхшилик фотиҳасини ўқиб, дуо қилар эдилар. Бир неча кундан кейин Ҳамидабону бегимни оліб келиши учун Қандаҳорга кишилар юбордилар. Ҳамидабону бегим келгандаридан кейин Жалолиддин Муҳаммад Акбар подшоҳни хатсан сур қилдилар ва суннат тўйини қилиш учун тайёргарлик кўрилди. Наврўздан кейинги ўн етти куни—«Ҳумоён куни» деб аталди. Ҳамма янги кийим кийиди, ўттиз-қирққа яқин қизлар янги кийим кийибтотг тепасига чиқсинлар, деб ҳукм бўлди. Бир Наврўзда бир тоққа етти биродар чиқишди. Улар кўп ҳузур, фароғат ва айши ишрат қилдилар.

Муҳаммад Акбаршоҳ беш ёшга кирганда, Қобул шаҳрида хатсан сур қилдилар ва ўша девонхонада суннат тўйини ўтказилди. Бутун бозорлар безатилди. Мирзо Ҳиндол, Мирзо Ёдгор Носир, сultonлар ва амирлар бу кун шарафига ажойиб жойлар қилдилар. Беса бегим-

нинг боғларида бегимлар ва хонимларга ажойиб жойлар қилинган эди. Ҳамма мирзолар, амирлар чоцкини ўша боғдаги девонхонага келтиришди. Жуда яхши тўй ва маъракалар ўтказилди. Одамларга қимматбаҳо кийимлар ва кўн сарполар иноят қилинди. Умумхалқ, уламо, солиҳлар, фуқаро ва ғариблар, насту баланд, катта-кичик кишилар кўнгил тилаганича тинчлик билан кундузни айшда, кечами ишратда ўтказдилар.

Шундан кейин Зафар қалъасига юрдилар. Бу қалъада Мирзо Султон бор эди. (У ҳам) жангга чиқди. Лекин қарши чиқиб тоб бера олмади ва қочишга қарор қилди. Подшоҳ ҳазратлари давлат ва саодат билан Зафар қалъасига кирдилар. Кашамда подшоҳ ўзлари ташриф қилдилар. Шу вақтда поршохнинг муборак вужудларида бир оз касаллик голиб бўлди. Шу үнши саҳарда енгиллашдилар. Подшоҳ ҳушларига келганинди кейин, Мунъимхоннинг биродари Фузонлбекни Кобулга юбордилар. Унга, сен бориб Кобул халқига тасалли бериб, яхши гапиргин. Уларнинг кўнглини шўнгай олгинки, биздан кўнгли қолмасин, бир бало келган эди, лекин яхшилик билан ўтиб кетди, дегин, дедилар. Фузонлбек Кобулга жўнашдан бир кун олдицроқ, Кобулга кетган эдилар ва Бакҳарга Кобулдан Мирзо Комронга ёлғон хабар етди. Шу ондаёқ Мирзо Комрон Бакҳардан чиқиб Кобул томон юрди. Зоҳидбек олдинга етиб келиб, уни ўлдирди ва ўзи Кобулга кетди. Саҳар вақти Кобул халқи ғафлатда қолди. Бехабар, одатдагича эрталаб дарвозаларини очдилар. Сувчи, ўт ташувчи ва бошқалар кириб-чиқиб турар эдилар. Шулар билан бирга қалъага (душман) одамлари ҳам кириб олишиди. Шу онда Мухаммад Али Тоғай ҳаммомда эди, уни ўша ондаёқ ўлдирдилар. Мулла Абдулла Холиқ мадрасасида жойлашдилар. Ҳазрат Зафар қалъасига кетаётган вақтларида ҳарам эшигига навкар қўйиб кетган эдилар. Мирзо Комрон Ҳисорин тепасида ким бор, деб сурадилар. Бир киши навкар бор деб жавоб берди. Бу гапни навкар эшитиб қолиб, шу ондаёқ хотинлар кийимини кийиб олиб, (Ҳисордан) тушиб кетаётган эди, Мирзо Комроннинг одамлари Ҳисор дарбонини ушлаб олдилар ва Мирзо Комрон олдига олиб келдилар. У киши қаманглар, деб буюрдилар. Шундан кейин Мирзо Комроннинг одамлари Ҳисорнинг тепасига чиқиб кетишиди. Ҳарам аҳлининг беҳисоб нарсаларини талонтарож қилиб, Мирзо Комрон саркорининг қўлига топширдилар. Бегимларининг катталарини Мирзо Аскарий-

нинг уйига киритиб, уйнинг эшигини гишт билан уриб, ганч билан суваб бекитдилар. Шу уй тўрт деворининг тенасидан бегимларга ош ва сув берар эдилар.

Мирзо Ёдгор Носир турадиган уйга Хўжа Муаззамни қамашди. Ҳазратнинг ҳарамлари ва бошқа бегимлар турадиган жойга ўз аҳли аёлларини жойлаштириди. Ҳазратнинг олдига қочиб ўтган аскар бошлиқларининг оиласи, хотин, бола-чақалари билан ниҳоятда ёмон мубмалада бўлди. Уларнинг ҳаммасини уйини талон-тарож қилишди, хотинларининг ҳар бирини бир кишига бераверди.

Ҳазрат Мирзо Комроннинг Бакҳардан келиб, шундай ишлар қилганини эшишиб, Зафар қалъасидан давлату соодат билан қайтиб Кобул томонга юрдилар. Зафар қалъасини Мирзо Сулаймонга ишоят қиладилар.

Ҳазрат Кобул атрофига етган ҳам эдиларки, Мирзо Комрон Ҳазрат волида билан менинг чақиртирилар ва Ҳазрат волидага Қурбегининг уйида бўлинг, деб буюрдилар. Менга эса, бу уй ҳам сизнинг уйингиз, сиз шу ерда бўлинг, дедилар. Мен нима учун бу ерда бўлишим керак, онам қаерда бўлсалар, мен ҳам шу ерда бўла мац, дедим. Менинг бу гапимга жавобан, сиз Ҳазрат Ҳизирхўжага хат ёзинг, келиб бизга қўшилсин ва хотиржам бўлсин, деб буюрдилар. Мирзо Аскарий билан Ҳиндол Мирзо менинг қандай биродарим бўлса, у киши ҳам менга шундай биродардир. Ҳозир ёрдам бериш вақтидир, дедилар. Мен у кишига жавобан, Ҳизир Хўжахон саводсиз бўлгани учун менинг хатимин ўқий олмайди ва менинг ўзим ҳам ҳеч вақт хат ёзган эмасман, дедим. Ташқарида у кишининг фарзандлари тилидан ёзадилар. Нима хотирингизга келса, шуни ёза беринг, дедилар. Охир иш шундай бўлди, сўнг Маҳди Султон билан Шер Алини чақириб келиш учун юбордилар. Мен олдин хонга айтган эдимки, биродарларини Мирзо Комроннинг олдиларида бўлишади. Мабодо сен ҳам шундай хаёл қилиб, уларнинг олдига бориб, биродарларинг билан қўшиладиган бўлсанг, зинҳор, минг зинҳор Ҳазратдан жудо бўлишни хаёл қилмагин, худога қайта-қайта шукурки, хон мен нима деган бўлсам, ўша гапимдан чиқмади.

Мирзо Комрон Маҳди Султон билан Шер Алини Ҳизир Хўжахонни олиб келиш учун юборганини Ҳазрат подшоҳ эшишиб, у киши ҳам Мирзо Ҳожининг отаси Қамбарбекни Ҳизир Хўжахонни олиб келиш учун юбордилар. Бу вақтда Ҳизир Хўжахон ўз чодирида эди.

Подшоҳ унга зинҳор, минг зинҳор Мирзо Комронга қўшилманг ва бизнинг олдимиизга келинг, деб юборган эдилар. Охир Ҳизир Ҳўжахон бу хабарни эшитиши биланоқ шодлик билан фалак даргоҳига қараб йўл олди. Иқобинга етнб келиб мулозамат қилди.

Ниҳоят Ҳазрат Минордан ўтган ҳам эдиларки, шу вақтда Мирзо Қомрон Шерүёning отаси Шер Афконга тартиб бериб, ўз аскарларига унга қўшилиб, жанг қилинглар деб, олдинга жўнатди. Биз топадан унӣ ногора чалиб, Бобо дашди олдидан ўтаётганини кўрдик. Биз, худо сенга бориб жанг қилиш насиб қилсан, деб йиғлар эдик.

Ниҳоят улар афгонлар қишлоғи тўғрисига етгандা, икки томоннинг қоровуллари бир-бирларининг олдидан чиқиб қолишли. Шу ондаёқ подшоҳ ҳазратларининг қоровуллари Мирзо қоровулларини енгилар, кўпчилигини қўлга тушириб, Ҳазратнинг олдига олиб келдилар. Ҳазрат мўғулларга ҳукм қилдилар. Улар Мирзо қоровулларини пора-пора қилдилар. Мирзо Комроннинг урушга борган кишиларининг кўпчилиги подшоҳга асир тушди. Ҳазрат қўлга тушганларнинг баъзиларини қамоққа олдилар. Буларнинг ичидаги Мирзо Комроннинг амирларидан Жўкихон ҳам бор эди. У ҳам қўлга тушди, подшоҳ Ҳазратлари ва у кишининг хизматида Мирзо Ҳиндол шодиёна ғалабага мусассар бўлгач, кавкаба ва дабдаба билан Иқобинга кирдилар. Ўзлари учун хима, ҳиргоҳ ва боргоҳлар қурдирдилар. Мастон кўпригинанг мудофаасига Мирзо Ҳиндолни қўйдилар. Амirlар ҳам ҳар жой-ҳар жойга мудофаа учун тайин қилинди. (Шу йўсинда) шаҳарни етти ой қамал қилдилар. Тасодифан бир куни Мирзо Комрон ҳовлидан кўчага чиқиб кетаётган эди, бир киши Иқобиндан туриб ўқ узди. У киши қўрқиб ўзларини чеккага олдилар. (шундай сўнг) Акбар подшоҳни рўбарўга олиб чиқиб тутиб туринглар, деб буюрдилар.

Охири одамлар муқаддас шарафли Ҳазратга билдириларки, Мирзо Муҳаммад Акбарни рўбарўда тутиб турибдилар. Ҳазрат ўқ отманлар деб буюрдилар, шундан кейин подшоҳ ҳазратларининг одамлари Ҳисор тепасидан ўқ отмадилар, (лекин) Мирзо Комроннинг одамлари Кобул шаҳаридан туриб Иқобинга қараб Ҳазрат аскарларини ўққа тутар эдилар. Подшоҳ одамлари Мирзо Аскарийни рўбарўда турғазиб қўйишиб, шўхлик қилишли. Мирзо Комроннинг одамлари ҳам қалъадан чиқиб, жанг қиладиган бўлишли. Ҳар иккала

томондан одамлар қурбон бўлиб турар эди. Кўпинча Ҳазратнинг одамлари ғолиб чиқар әдилар. Энди қалъадан чиқишига уларнинг юраги дов бермай қолди. Ҳазрат аёллар, болалар, бегимлар, ҳарам аҳли ва бошқаларнинг мулоҳазасига бориб, (қалъага) тўп оттирмадилар ва уйларга борадиган сувларни бекитмадилар.

Қамал муддати узоқ чўзилиб кетгани сабабли Хўжа Дўст Ҳованд Мадарбаччани Ҳазрат олдиларига юбориб, худо ҳаққи, Мирзо Комрон нимани илтимос қилсалар, қабул қилинг ва худонинг бандаларини бу машиқатлардан халос этсинлар, деб билдириди.

Ҳазрат у киши учун ташқаридан тўққизта қўй, етти шиша гулоб, бир шиша лимон суви ва етти тўққиз кийимлик ва бир неча тикилган кийим юбориб, мабодо уларнинг душманлари бошқа йўл билан олдиндан чиқиб қолмасин, улар туфайли қалъага зўр беряпмиз деган мазмунда хат ёзиб юбордилар.

Жаҳон Султон бегим ўша вақтда икки ёшда әдилар, шу қамал вақтида вафот этдилар. (Ҳазрат) агар биз қалъага зўр берсак, у вақтда Мирзо Муҳаммад Акбарни ҳам йўқотади, деб ёздилар. Қисқаси, одамлар Ҳисор устида намозшомдан то саҳаргacha хабардор бўлиб, ғавғо кўтариб турар әдилар. Мирзо Комрон қочган кечаси намозшомдан ўтиб, намоз хуфтон ҳам бўлди, лекин ғавғо бўлмади. Қалъанинг устига чиқадиган йўл бор эди. Шу вақтда шаҳар ҳалқи хотиржам эди. Бирданига қурол ва аслаҳанинг овози эшитилди. Биз бирбиirimizни ғавғо бошланаяпти деб хабардор қилдик. Жиловхона ёнида мингга яқин одам турган эди. Биз ҳаммамиз нима бўлганидан бехабар, ваҳимада эдик. Бирданига Қорача Баҳодирхоннинг ўғли келиб, Мирzonинг қочгани ҳақидаги хабарни келтирди. (Мирзо) Хўжа Муаззамни девордан арқон ташлаб, қочириб, олиб кетибдилар.

Бизнинг одамларимиз, ташқаридаги бегимлар ва бошқалар бизнинг тепамиздаги эшикни очиб юбордилар. Бека бегим ҳаммамиз ўз уйларимизга борайлик, деб қистадилар, мен бир нафас сабр қилинглар, кўчадаги йўлдан юриш керак, шояд Ҳазратнинг олдиларидан бирон киши келиб қолар, дедим. Шу вақтда Акбар Нозир келди ва Ҳазрат то мен етиб келгунимча у уйдан ҳеч қаерга кетишмасин, деб буюрганларинчайтди. Шундан бир оз вақт ўтгач, Ҳазрат етиб келдилар ва Дилдор бегим ҳамда мен билан кўришдилар, кейин Бека бегим, Ҳамидабону бегим билан кўришди-

лар. (Сўнг) бу уйдан дўстларни худо сақласин, душманларга насиб қилмасин, дедилар. Нозирга, бир томонда сен, бир томонда Турдібекхон туриб, бегимларни кузатиб қўйинглар, деб буюордилар. Охир ҳамма келди. Ўша кечада Ҳазратнинг ҳузурларида бўлдик, кечаси хурсанд бўлганимиздан тонг отганини ҳам сезмай қолдик. Ҳазратнинг аскарлари билан бирга бўяланган Мөхи Чучук бегим, Хониш ога ва ҳарам аҳли билан ҳам кўришдик.

Ҳазрат Бадахшонга кетган вақтларида Мөхи Чучук бегим қиз туғдилар. Шу кечада Ҳазрат туш кўрибдилар. (Тушларида) Фахринисо момом билан Давлатбаҳт—иккакалалири эшикдан кириб, бир нарса олиб келиб, менинг олдимга қўйибдилар. Ҳазрат бу тушнинг таъбири не бўлар экан деб кўп ўйладилар. Сўнг қизнинг туғилгани тўғрисидаги хабарни эшигтгач, уларнинг ҳар иккаларининг исмларидан: яъни бирларидан «нисо» сўзини, иккакинчиларидан «бахт» сўзини олиб, унга Бахтинисо бегим деб ном қўйдилар.

Мөхи Чучук бегим, Бахтинисо бегим, Сакина бону бегим, Омина бону бегим, Муҳаммад Ҳаким Мирзо ва Фарруҳфол Мирзо—тўрт қиз ва икки ўғил кўрдилар. Ҳазрат Ҳиндистонга кетган вақтларида Мөхи Чучук бегим ҳомиладор эдилар. Кобулда ўғил туғдилар. Исими Фарруҳфол Мирзо қўйилди. Бир қанча вақтдан кейин Хониш оғадан бир ўғил туғилди—унга Иброҳим Султон Мирзо деб ном қўйилди. Бир ярим йиллик вақтни Кобулда тўла баҳт ва саодат билан айшу ишратда ўтказдилар.

Мирзо Комрон Қобулдан Бадахшон томонга қочиб Талиқонга борган эдилар. Ҳазрат ўрта боғда эдилар. Эрталаб намозга турган эдиларки, Ҳазрат мулозиматидаги Мирзо Комроннинг кўпчилик асиirlари қочиб кетди, деган хабар келди. Жумладан: Қорачахон, Масоҳибхон, Муборизхон, Бопус ва кўпчилик помуридлар кечаси қочиб, Бадахшонга кетдилар ва Мирзо Комронга бориб қўшилдилар. Ҳазрат яхши соатда Бадахшонга қараб отландилар ва Мирзо Комроний Талиқонда қамал қилдилар. Бир қанча вақтдан кейин Мирзо Комрон итоат ва бўйсунишни қабул қилди ва келиб Ҳазратнинг хизматларида турди. Ҳазрат Мирзо Комронга Қўлобни бердилар. Зафар қалъасини Мирзо Сулаймонга, Қандаҳорни Мирзо Ҳиндолга ва Талиқонни Мирзо Аскарийга иноят қилдилар.

Бир куни ҳамма биродарлар, яъни Ҳазрат Ҳумоюн

подшоҳ, Мирзо Комрон, Мирзо Аскарий, Мирзо Ҳиндол ва Мирзо Сулаймон тикилган ҳиргоҳда йиғилишди. Бир неча тўралар Ҳазрат ҳузурида ўтиришган эди. Ҳазрат уларга мурожаат қилиб, обдаста билан дастшу келтиринглар, қўлларимизни ювиб, ҳаммамиз бирга таом еймиз, дедилар. Подшоҳ Ҳазратлари қўлларини ювдилар, (сўнг) Мирзо Комрон ювди. Ёш жиҳатидан Мирзо Сулаймон Мирзо Аскарий билан Мирзо Ҳиндолдан катта эдилар. Ҳурмат юзасидан Мирзо Ҳиндол билан Мирзо Аскарий обдаста билан дастшуни Мирзо Сулаймон олдига қўйинши. Мирзо Сулаймои қўллни ювиб бўлгач, бурнини ҳам қоқиб қўйди. (Бундан) Мирзо Аскарий билан Мирзо Ҳиндол қаттиқ зарда қилиб, бу қандай одобсизлик дейишди. Аввал бизнинг подшоҳ ҳазратлари ҳузурида қўлимизни ювишга қандай ҳаққимиз бор, лекин иноят қилиб ҳукм қилишган экан, буни узгартира олмаймиз. (Лекин) бу бурун қоқини (каби) беъманилик нимани билдиради, дейишди. Охири Мирзо Аскарий билан Мирзо Ҳиндол ташқарига чиқиб, қўлларини ювиб келиб ўтиришди. Мирзо Сулаймон жуда шарманда бўлди ва ҳаммалари бир дастурхондан овқатландилар. Шу мажлиса Ҳазрат бу ҳақирни ёдга олиб, ўз укаларига Лоҳурда Гулбаданбегим ҳамма биродарларими ни бир ерда кўрсам деб орзу қилганликларини айтибдилар. Ўтиришимиз билан эрталабдан ўша гап эсимга келиб турибди. Иншоолло таоло жамиятимизни ўз паноҳида асрасин, худонинг ўзига равшанки, мен ҳеч вакт мусулмонлар зиёнини истаган эмасман ва наҳотки ўз укаларимнинг зиёнини талаб қилсан! Худо таоло сизларнинг ҳаммаларингизга шундай тавфиқни каромат қилсинларки, мувофақат ва ҳамжиҳатлик бўлсин, дедилар. Одамлар орасида ажойиб шавқ ва хурсандчилик юз берган эди, чунки кўп амирлар ва навкарлар ҳам бир-бирлари билан қариндош ва биродар эдилар, ўз хўжайниларининг ўзаро келишмовчиликлари туфайли улар ҳам бир-бирларидан жудо бўлишган, балки бирбирининг қонига ташна бўлган эдилар.

Энди ҳамма бир ерда, кунни тамом хурсандчилик билан ўтказар эдилар. Бадахшондан келгач, бир ярим йил Қобулда бўлдилар. Сўнг Балхга боришга жазм қилдилар ва Дилкушо боғида жой қилдилар, Ҳазратнинг давлатхоналарини шу боғининг этагига рўбарў қилиб қурдилар. Қулибекнинг ҳовлиси боғ яқинида эди. Бегимлар шу ерга тушдилар. (Улар) Ҳазратдан равоч қандай ўсади, деб сўрашди. Ҳазрат аскар билан бор-

ганимизда тоғ этагидан юрамиз, сизлар равочининг қандай ўсишини шунда кўраснзлар дедилар.

Намозгар вакти эди, Ҳазрат отга миниб, Дилкушо боғига келдилар. Бегимлар турган Қулибекнинг ҳовлиси боғ яқинида бўлиб, у ерда соқчи бор эди. Ҳазрат келиб турдилар. Бегимлар кўришди ва ҳаммалари ўрнилари ўринларидан туришиб, кўриниш беришди. Бегимлар кўриниш беришлари биланоқ Ҳазрат муборак қўллари билан келинглар, деб ишора қилдилар. Фахрини со момо билан Афғоний оғача олдинда боришиди. Дилкушо богининг тоғ этаги тарафида ариқ бор эди. Афғоний оғача бу сувдан ўта олмай, отдан ийқилиб тушди. Шу сабабли, бир оз тўхтаб қолинди. Ниҳоят, маълум вақт ўтгандан кейин, муқаллас ашрафининг ҳузурига етишга мушарраф бўлдик. Моҳи Чучук бегимнинг отлари билмасдан бир оз юқорига ўтиб кетди. Шу сабабли Ҳазрат жуда хафа бўлдилар. Бу боғ тепалик устида жойлашган бўлиб, ҳанузгача девор қилинмаган эди. Шу вақтда Ҳазратнинг муборак чеҳраларида ташвиш пайдо бўлди. Сизлар кетаверинглар, мен қора дори еб, бу кулфатни босиб, сўнг бораман, дедилар. Биз Ҳазратнинг бу буйруқлари билан озгина йўл босган ҳам эдикки, Ҳазрат етиб келдилар. Ҳақиқатдан кулфат бутунлай кетган бўлиб, очиқ чеҳра ва хурсанд ҳолда келдилар. Кеча ойдин эди. Йўлда ҳикоя қилиб, гаплашиб кетавернишди. Хониш оғача, Зариф гўянида, Сарвсийхий ва Шоҳим оғалар секин-секин хониш қилишди. Лагмонга етгандарида ҳам подшоҳнинг ҳаммаси—ҳиргоҳи ва боргоҳи ҳамда бегимларнинг чодирлари етиб келгани йўқ эди. Шу вақтда фақат Мөҳри Омизнинг чодири етиб келган эди. Шу чодирда Ҳазрат ва биз ҳаммамиз Ҳаминабону бегим билан то ярим кечадан ўтгунча, Ҳазрат билан бирга ўтирик. Ниҳоят шу чодирда ўша ҳақиқий қибла ҳузурида ётиб қолдик. Саҳарда туриб равочни кўриш учун тоққа борадиган бўлдик. Бегимларнинг отлари қишлоқда эди. Уларни олиб келгунча, сайр вақти ўтиб кетди. Шу сабабли ташқарида кимнинг оти бўлса, олиб келинглар, деган буйруқ бўлди. Отларни олиб келишган эдиларки, отларга мининглар, деб буюрдилар.

Бека бегим билан Моҳи Чучук бегим ҳалигача кийим кийиш билан овора эдилар, мен Ҳазратдан, агар рухсат бўлса, бориб уларни олиб келсан, деб илтимос қилдим. Тезроқ бориб олиб келинг дедилар. Мен бориб бегимга, Моҳи Чучук бегимга ва ҳарамдаги бош-

қаларга қараб, подшоҳининг бошларига садақа бўлаш, нима учун интизор қилиб қўйдингизлар, дедим. Уларни шундай отлантириб олиб кетаётган эдимки, ҳазрат рўбарўдан чиқиб қолиб, Гулбадан, энди сайр вақти ўтди, то у ерга етиб олгунимизча ҳаво исиб кетади. Иншо-олло таоло! Пешин намозни ўқиб бўлгач, йўлга чиқамац, дедилар.

Ҳамидабону бегим ҳиргоҳига келиб ўтирадилар. Пешин намоздан кейин, то отларни олиб келишгунча икки намоз ўртаси бўлиб қолди. Ана шундай вақтда ташриф буюрдилар. Тоғ этагида ҳар жой-ҳар жойда равоч барқ уриб ўсиб ётган эди. У ерда шомгача сайр қилиб юрдилар. Уша жойга чодир, ҳиргоҳ ва боргоҳларини тикиб ўтирадилар. Бу кечани ҳам шу ерда айшу ишратда бирга ўтказдик, биз ҳаммамиз у ҳақиқий қибланинг ҳузурларнда бўлдик. Ҳазрат саҳар намоз вақти ташқарига чиқдилар ва у ердан Бека бегимга, Ҳамидабону бегимга, Моҳи Чучук бегимга, менга ва ҳамма бегимларга алоҳида-алоҳида хат ёзиб, қилган гуноҳларинизни кечиришни сўраб хат ёзинглар, дедилар. Худо хоҳласа, Фарзода ёки Астолифда (сизлар билан) хайрлашиб, аскарга кетсан керак. Сизларни худога тоширедим, дедилар. Ҳаммамиз узр сўраб, хат ёзиб, муқаддас ашраф хизматига юбордик. Ниҳоят ҳазрат ва бегимлар отларга минишиб, Лағмондан Бекзодига келдик. Кечаси ҳар ким ўз жойинга кетди. Эрталаб ионушта қилиб, пешин намози вақтида, отларга миниб, Фарзога келдилар. Ҳамидабону бегим бизнинг уйимизга тўққиз-тўққиз қўйлар юбордилар. Бир куни, Биби Давлатбаҳт Фарзога илгарироқ келиб, жуда кўп ҳар хил овқатлик, қатиқсугут, ишринлик ва бошқаларни тайёрладилар. Шу кечани айшу ишратда ўтказиб, саҳарда Фарзонинг юқорисидаги ажойиб Сар-Сар сувига бордик. У ердан Истолибга кетилди ва уч кун Истолибда бўлдилар. Ундан сўнг у ердан кўчиб тўққиз юз эллик саккизинчи йили¹ Балхга қараб йўл олдилар.

Кўталдан ўтгандан сўнг Мирзо Комрон, Мирзо Сулаймон, Мирзо Аскарийга фармон юбориб, биз ўзбекларга қарши урунга кетяпмиз, биродарлик, ҳамжиҳатлик вақти, тезлик билан етиб келмогингиз лозим, дедилар. Мирзо Сулаймон Мирзо Аскарий билан келиб Ҳазратга қўшилдилар. Кўч-кўч билан бориб, Балхга етиб келишди. Пирмуҳаммадхон Балхда эди. Ва уша

¹ 958 йил ҳижрий — 1551 мелодий.

куни Пирмуҳаммадхоннинг олд одамлари галаба қозонди. Пирмуҳаммадхон аскарлари енгилиб, ўзларини шашар ичкарисига олдилар. Саҳарда у — Пирмуҳаммадхон, чигатойлар зўр экан, мен улар билан жанг қила олмайман, яхшиси чиқиб кетсам деди. Подшоҳнинг амирларидан бири: бу ер ифлос жой экан, агар бу ердан кетиб, даштда тўхтасак яхши бўлар эди, деди. Ҳазрат, шундай қилинглар, деб буюрдилар. Одамлар шу ондаёқ юкларини ортиш билан овора бўлиб, ҳар тарафга кетиб қолишди. Бир неча киши чақирилса ҳам қайтиб келишмади. Худонинг хоҳиши шундай экан, ҳеч қандай сабабсиз ва душман яқинлашмай одамлар йўлга тушдилар. Подшоҳ аскарлари кўчибди, деган хабар Ўзбекка ҳам етди. Ўзбек ҳайрон бўлди. Подшоҳнинг ясовуллари ҳарчанд ҳаракат қилсалар ҳам, аскарни йиға олмадилар, одамлар йўлга равона бўлдилар. Уларни тўхтатиб бўлмади.

Одамлар кета бердилар. Ҳазрат бир неча вақт тўхтаб турдилар, ва охири кўрдиларки, ҳеч ким қолмади. Шу сабабли Ҳазрат ҳам йўлга тушишга мажбур бўлдилар. Мирзо Аскарий билан Мирзо Ҳиндол Ҳазрат аскарларининг бу ҳолда тарқаб кетишидан хабарлари йўқ эди. Улар отга минишиб келишса, лашкаргоҳда ҳеч ким қолмабди. Кўришеаки, ўзбеклар уларниң орқаларидан чиқмоқда (шундан сўнг), улар ҳам Қундуз томонига қараб йўл олишди.

Ҳазрат бир оз йўл юргандан кейин, тўхтаб, укарамиз ҳалигача келишмади, мен қандай қилиб эди илгарига юраман, дедилар. Ҳазрат ҳузурларидаги баъзи амир ва бошқаларга қараб, мирзолардан хабар олиб келадиган ҳеч ким борми, деб сўрадилар. Ҳеч ким жавоб бермади ва (хабар олиш учун) ҳеч ким бормади. Шундан кейин, Қундуздан, Мирзо одамларидан эшитишимизга қараганда, мағлубият бўлибди, қаерга кетганларини билмаяпмиз, деган хабар келди. Бу хат Ҳазратнинг қўлига тушгач, кўп бетоқат бўлдилар. Ҳизир Ҳўжахон, агар буюрсангиз мен (мирзолардан) хабар олиб келсам, деди. Ҳазрат кўп раҳмат, худо хоҳласа, Мирзо Қундузга борган бўлса керак, дедилар. Шундан иккى кун ўтгач, Ҳизир Ҳўжахон Мирзо Ҳиндолнинг соғ ва саломат Қундузга етиб олганлиги ҳақидаги хабарни Ҳазратга етказди. Ҳазрат бу хабарни эшитгач, кўп хурсанд бўлдилар. Мирзо Сулаймонни ўз жойи — Зафар қалъасига (кетишга) рухсат бердилар ва ўзлари Кобулга келдилар.

Мирзо Комрон (шу вақтда) Кўлобда эди, Тархон бека номли бир айёр, маккор хотин бор эди, у Мирзо Комронга йўл кўрсатиб, Ҳарам бегимга ошиқлик билдириг, бу ерда бир маслаҳат бор, деди. Мирзо Комрон ҳам у ақли калтанинг тапига кириб, бир хат ва бир рўмолни Беги оға қўлига бериб, Ҳарам бегимга юбордилар. Бу хотин хат билан рўмолни олиб келиб, Ҳарам бегимнинг олдига қўйиб, Мирзо Комроннинг мулоҳизмати, иштиёқининг зиёдалигини айтди. Ҳарам бегим ҳозир шу хат билан рўмолни ўзингизда сақланг, мирзолар ташқаридан келганларидан сўнг бу хат билан рўмолни олиб келинг, дедилар. Беги оға мулоҳимлик билан йиғи-сиғи қилди ва Мирзо Комрон бу хат билан рўмолни сиз учун юборган, у бир неча вақтдан бери сизга ошиқ, сиз бу масалада бемуруватлик қиляпсиз, деди. Ҳарам бегим жуда ғазабланиб, қаршилик билдирилар ва шу ондаёқ Мирзо Сулаймон билан Мирзо Иброҳимни чақириб, Мирзо Комрон сизларнинг номуродликларингизни билиб, менга шундай хатни ёзибди. Демак, мен шунга лойиқ бўлиб қолибманки, мешга шундай нарса ёзибди, дедилар. Мирзо Комрон сенинг катта аканг бўлса, мен у кишига келин ўринида бўлсам, нега (шу мазмунда) хат юборди. Ушланг, бу ёмон хотини пора-пора қилинглар, токи бошқаларга ибрат бўлсин ва ҳеч ким бироннинг аҳли аёлига ёмон хаёл, фосид назар билан қарамасин! Инсон зотидан бўлган хотинга шундай нолойиқ нарсаларни мендан ҳам, менинг ўғилларимдан ҳам қўрқмай олиб келини муносибми? Шу ондаёқ қони тутган Беги оғани пора-пора қилдилар. Мирзо Сулаймон билан Мирзо Иброҳим шу муносабат билан Мирзо Комронга зид, яъни душман бўлиб қолдилар ва Ҳазратга, Комрон сизга қарши фикрдадир, унинг хизматингизга Балхга бормаганлиги мана шу қаршилигини очиқдан-очиқ кўрсатади, деб хат ёздилар.

Шундан кейин Мирзо Комрон ваҳимага тушиб, қўрқиб ўзини бир бурчакка олишдан бошқа илож топмади. Ўзининг ўғли Абдул Қосим Мирзони Аскарийга юбориб, қизи Ойша Султон бегимни ўзи билан бирга олиб Таликонга жўнаб кетди. Хоним Мирзо Комроннинг хотини эди. Үнга, сиз қизингиз билан орқамиздан келинглар деди. Қаерда тўхтасам, шу ерда сизларни чақириб оламан, лекин шунгача Хуст ва Андаробга бориб ўтириб туринг, деди. У хонимнинг Ўзбекхонга яқинлиги бор эди. Ӯша ўзбекларнинг ичидаги унинг қариндошлари ҳам бўлган. Хоним уларга агар ниятларингиз ўлжада бўл-

са, менда мол, давлат ва ғуломлар бор, олинглар, лекин хотинларни қолдириинглар, деб тушунтириди. (Чунки) Ойша Султон бегимнинг биродарзодаси эрта-индин эшишиб қолса, албатта, сизлардан ранжийди, деди. Юз макру ҳийла ва юз ҳайронлик, ноаниқлик билан Ўзбек бандидан озод бўлиб, (у киши) Хуст ва Андаробга етдилар ҳамда у ерда турдилар. Мирзо Комрон Балхдаги мағлубиятни эшитгач, подшоҳ менга нисбатан илгариги илтифотларини пўқотгандир деб, Қўлобдан чиқиб, ҳар тарафда (тентираб) юрдилар.

Худди шу вақтда Ҳазрат Кобулдан Даشتி Қипчоқ томонга келиб, бехабар, бир тепаликка тушган эдилар. Мирзо Комрон бир баландликдан бирданига мукаммал қуролланган ҳолда келди ва Ҳазрат душманларига қарши ўзини урди. Сўнг худонинг хоҳиши шундай бўлди: бир кўр, хиёнатчи, ситамкор ва золим, бадбахт, нобакор Подшоҳ Ҳазратларига заҳм етказди. У (ўқ) Ҳазратнинг муборак бошларига тегиб, пешона ва қўзларини қонга бўяди. Мўғуллар билан бўлган жангда бир мўғул ҳазрат фирдавс макон Бобур подшоҳнинг муборак бошларига заҳм етказсанда, тўнлари ва саллалари тушмаган, аммо муборак бошлари яраланган эди. Ҳазрат Ҳумоюн подшоҳ ҳамма вақт таажжубланиб, ажаб бошки, дўппи билан салла тушиб кетмай, бош яраланди, дер эдилар. Бу кишининг муборак бошлари ҳам худди ўшандек бўлди. Ҳазрат Даشتி Қипчоқда шикаст топгандан кейин, Бадахшонга кетдилар. Мирзо Ҳиндол, Мирзо Сулаймон ва Мирзо Иброҳимлар ҳам (Бадахшонга)—Ҳазрат ҳузурига келдилар. Ҳазрат эса Кобулга жўнадилар. Мирзолар давлатхоҳлик ва яқдиллик ва ҳамжиҳатлик билан (Ҳазрат) ҳузурларида бўлдилар. Шу пайтда Мирзо Комрон буларга қарши юрдилар. Ҳазрат Ҳарам бегимга: келинга айтингларни, Бадахшон лашкарлари ва душманларини тезликда тартибга солиб юборсин, деб айтиб юбордилар. Бегим озгина кун ва фурсат ичидан бир неча минг кишига от ва қурол бериб, яхши тартибга солиб отлантириб, ўзлари билан бирга Кўталга олиб келди, у ердан лашкарларни олдинга юбориб, ўзлари қайтиб кетдилар. Лашкар келиб, подшоҳ ҳазратларига қўшилди. Чоркарон ва Қорабогда Мирзо Комрон билан жанг бўлди. Ҳазрат лашкари ғолиб чиқди. Мирзо Комронга шикаст етди. Мирзо Комрон Тангиҳо ва Ламғонотга қараб қочиб кетди.

Мирзо Комроннинг куёви Оқ султон унга: сиз ҳамма вақт Ҳазрат Ҳумоюн подшоҳга қарши чиқасиз, бу-

нинг нима маъноси бор. Сизга бу муносиб эмас, Ҳазратнинг фармонларини бажаринг ва итоат қилинг ёки менга (шундай қилишга) рухсат беринг, чунки одамлар буни биздан деб билмоқдалар, деди. Комрон Оқ Султондан аччиғланиб, менинг ишим шундай даражага етибдики, энди сен ҳам менга насиҳат қиласиган бўлиб қолдингми, деди. Оқ Султон газабланиб, агар мен сизнинг олдингизда бўладиган бўлсам, ҳалолим ҳаром бўлсин, деди ва шу ондаёқ ажралиб Бакҳарга кетди. Хотинини ҳам ўзи билан бирга олиб кетган эди. Мирзо Комрон Шоҳ Ҳусайнга Оқ Султон менин хафа қилиб кетди. Агар у ерга борса, хотинини бирга олиб кетишга йўл қўйманг, хотинини ундан ажратиб олиб келинг, ўзига қаерга кетсанг кетавергин деб айтинг, деди. Бу фармон етиб келиши биланоқ Шоҳ Ҳусайн Мирзо Ҳабиба бегимни Оқ Султондан ажратиб олиб, Султонга—Маккан муazzзамга кетишга рухсат берди.

Уша Чоркарон жангиди Қорачахон, Мирзо Комроннинг атоқли кишиларидан кўпчилиги ўлдирилган эди. Ойша Султон бегим билан Давлатбахт бегим қочиб, Қандаҳор томонга кетаётган эди. Тақияи Химарда подшоҳ кишилари уларни ушлаб олиб келдилар. Мирзо Комрон эса афғонларга қўшилиб, уларнинг ичидаги бўлиб қолди.

Подшоҳ Ҳазратлари ҳар замон апелсин боғини кўришга бориб турар эдилар. Шу йили ҳам одатдагича, апелсинни кўриш учун Тангиҳога кетдилар. Мирзо Ҳиндол ҳам у киши билан бирга эди. Улар билан Бека бегим, Ҳамидабону бегим ва бошқа кўпчилик ҳарам аҳли ҳамроҳ эдилар. Шу кунлари ўғлим Саодатёрнинг бетоб бўлганлиги сабабли, мен бирга бора олмадим. Бир куни, Подшоҳ Ҳазратлари Тангиҳо атрофида овда бўлдилар. Мирзо Ҳиндол ҳам у киши билан бирга эди. Ов жуда яхши бўлди. Мирзо Ҳиндол ов қилаётган тарафга Ҳазрат ҳам келдилар. Мирзо жуда кўп ов қилди. Мирзо Чингизхон одати бўйича ҳамма қилган овларни Ҳазратга тақдим қилдилар. Чингизхон (давлати) қоидасига биноан кичиклар ўзидаи катталарнинг олдига шундай қилиб келишар эди. Хуллас, Мирзо қилган овининг ҳаммасини Ҳазратга тақдим қилди. Сўнг сингилларининг ҳиссасини қолдириш кераклиги эсига тушиб қолди. Улар бундан гина қилмасин, яна бир ов қилай ва опа-сингилларимнинг ҳиссасини ҳам олиб борай деб, Мирзо яна овни давом эттира бошладилар. Озроқ ов қилиб қайтиб кетаётганида Мирзо Комрон

тайинлаб қўйган киши йўлларини тўсди. Мирзо эса бундан бехабар эди. (У одам) ўқ узди. Ўқ Ҳазратнинг кифтларига келиб тегди. Бу воқеани опа-сингилларим ёки ҳарамдагилар эшитиб, бетоқат бўлмасинлар деган мулоҳазага бориб «Бир бало келиб эди, яхшилик билан ўтиб кетди, сизлар хотиржам бўлинглар, мен соғ-саломатман», деб дарҳол хат ёзиб юбордилар. Ҳаво иниҳоят исиб кетганлиги сабабли Ҳазрат Кобулга қайтиб келдилар. Шундан бир йилча ўтгандан сўнг яралари яхши бўлди. Бир йилдан кейин, Мирзо Комрон жамият йиғиб, жанг қилишга қурби етиб қолган эмиш, деган хабар келди. Ҳазрат ҳам уруш тайёргарлигини кўриб, Тангиҳо томонга йўл олдилар. Мирзо Ҳиндол (бу вақтда) Ҳазратнинг ҳузурида эдилар. Тағиҳога давлату саодат билан етиб бориб тушдилар. Жосуслар бугун кечаси Мирзо Комрон тўсатдан келиб босишга қарор бериди, деган хабарни ҳар замон ва ҳар соат олиб келиб турад эдилар.

Бу хабарни Мирзо Ҳиндол Ҳазратга етказдилар ва Подшоҳ ҳазратлари шу баландликда турсалар, укам Муҳаммад Жалолиддин Акбар подшоҳ билан бирга бўлса, деб маслаҳат бердилар. Чунки аскарлар бу баландликни эҳтиёт қилиб қўриқладилар, деди. (Сўнг) ўз одамларини чақириб, ҳар қайсисига алоҳида-алоҳида кўп ширин сўзлар айтиб, барча илгари қилган хизматларингиз ҳам бир бўлади, худо хоҳласа, ниманки муддаларингиз бўлса, бажо бўлади, дедилар. Ҳаммани жойжойига қўйиб, ўзлари ҳам уруш кийнимларини талаб қилдилар. Тўшакчи бўқчани кўтарғанда, бир киши бир акса урди. Тўшакчи бўқчани бир соатгача ушлаб қолди. Ҳиндол тўшакчи ҳаяллаб қолгани учун яна бир кишини юбордилар. Киши бориб тез олиб келгач, сўнг ўзлари нимага ҳаяллаб қолдинг, деб сўрадилар. Тўшакчи: бўқчани кўтарганимда бир киши акса уриб юборди, шу сабабли бўқчани яна қайтариб жойига қўйдим ва шунинг учун кечикдим, деди. Ҳиндол, сен билмабсан, худо хоҳласа бу яхшиликнинг аломати, дедилар.

Яна дўстларнинг ҳаммалари гувоҳ бўлсинларки, ҳамма ҳаром ва ножӯя ишларимдан тавба қилдим, дедилар. Шу ерда турғанлар фотиҳа қилишди ва муборак бўлсин, дедилар. Нимча ва жиба келтир (деб буюрдилар). Уни кийиб Хандақ олдига бордилар. Аскарларга мардоналиқ ва тасалли бердилар. Шу вақтда Мирзо Ҳиндолнинг товоқчиси Мирзонинг овозини эшитиб, ме-

ни қиличга тортяптилар, деб фарёд күтарди. Мирзо бу овозни эшитиши биланоқ отдан тушиб, дўстлар менинг товоқчимни қиличдан ўтказсалар-у, биз ёрдам бермасак, бу мардоналик эмас, деб ўзлари Хандаққа тушдилар, лекин аскарлардан ҳеч ким отдан тушмади. Мирзо икки марта Хандақдан чиқиб ҳамла қилдилар ва шу ҳаракатда шаҳид бўлдилар.

Билолмадимки, қандай бераҳм золим бу беозор йигитни зулм тифи билан бежон қилди. Кошки у тиф менинг юрагим ёки кўзимга, ёки ўғлим Саодатёрга, ёки Ҳизир Хўжахонга теккан бўлса эди. Оҳ, юз марта оҳ ва афсус, эсиз, минг марта эсиз!

Ҳайҳот, оҳ эй, афсус.

Қуёшим булатлар остида беркилди!

Хуллас, Мирзо Ҳиндол Ҳазратнинг хизматларини жон-дили билан бажо қилиб жон берди.

Мир Бобо Дўст Мирзони кўтариб, уни давлатхонасиға олиб келди, (унинг ўлимини) ҳеч кимга билдирамади. Бу уйнинг эшигига ясовуллар қўйди ва кимки келиб сиздан (Мирzonинг аҳволини) сўраса, оғир яралган, Ҳазрат ҳеч кимни киргизмасликни буюрдилар, деб жавоб беринглар, деди ва Ҳазрат подшоҳга келиб Мирзо Ҳиндол яраланди деб хабар етказди. Подшоҳ ҳазратлари Мирзони бориб кўрай, деб от талаб қилдилар. Мир Абдулҳай у кишининг яралари оғир, Ҳазратнинг боришлари муносиб эмас, деди. Ҳазрат фаҳмладилар, ўзларини қанчалик тутиб туришга ҳаракат қилсалар ҳам, ҳеч бўлмади, тоқатсизланавердилар. Жусоҳий Ҳизир Хўжахоннинг жойи эди. Ҳазрат Ҳизир Хўжахонни чақирдилар ва унга Мирзо Ҳиндолни Жусоҳийга олиб бориб, вақтинча сақлаб туришни буюрдилар. Хон тияни етаклаб дод ва фарёд кўтариб кетаётган хабарини Подшоҳ ҳазратлари эшитгач, (подшоҳ) Ҳизир Хўжахонга сабр қилиш керак, менинг дилим сеникидан ҳам ортиқроқ куймоқда, аммо бу қонхўр золим душманнинг мулоҳазасини қилиб, бетоқатлик қilmай турибман, чунки у яқиндир. Сабр қилишдан бошқа чора йўқ, деб айтиб юбордилар.

Юз афсус ва чорасизлик билан дард чекиб Жусоҳийда вақтинча сақладилар. Агар золим, ўз биродарининг қотили, бегонапарвар бераҳм Мирзо Комрон ўша кеча келмаганларида, бу бало осмондан тушмаган бўлар эли. Подшоҳ ҳазратлари Қобулга хат ёзиб юбор-

дилар. Бу хат Ҳазратнинг опа-сингилларига етиб бориши биланоқ бутун Кобул мотам уйига айланиб кетгандай бўлди. (Ҳамма) эшик ва деворларда шахид кетган Сайд Мирзонинг аҳволига йиғлаб, фифон қилар, эдилар. Гулчехра бегим Қораҳоннинг уйига кетган эдилар, у киши қайтиб келганларида гўё қиёмат-қойим бўлди. У киши жуда кўп ғам қилиб, йиглайверганидан касал бўлиб, эсларини ўқотиб қўйдилар. Золим ва бераҳм Мирзо Комроннинг баҳодирлиги туфайли Мирзо Ҳиндол шаҳид бўлди. Ӯша кундан Мирзо Комроннинг иши юришганини эшитмадик, балки, кундан-кунга пастлашиб кетди. Мирzonинг иши юришмай, ёмонлашиб кета берди, (унда) шундай ҳароблик юз бердики, давлат Мирзо Комронга ҳеч ёр бўлмади, мақсадига эришмади (комроилик қилмади). Мирзо Ҳиндол гўё унниг ҳаёти, балки кўзининг равшанини эди. Ӯша мағлубиятдан кейин қочиб, Шерхоннинг ўғли Салим шоҳ ҳузурига боринти. У минг рупия берди. Шу вақтда Мирзо Комрон ўз аҳволидан арз қилиб, ёрдам сўради. Салим шоҳ эса уйга жавобан очиқ ҳеч нарса демади. Лекин орқасидан ўз укаси—Мирзо Ҳиндолни ўлдирган кишига қандай ёрдам бериш мумкин, балки бундай кишиларни нобуд қилиб, ўқотиб юборини яхшироқ, деди.

Мирзо Комрон Салимхоннинг бу ганини эшитиб, қочишига қарор қилди. Ӯз одамлари билан (ҳам) кенгашмай, кечаси қочиб кетди. Буни ўз одамлари ҳам билмай қолишиди. Улар шу ерда қолишиди. Бу хабар Салимхонга етгач, Мирzonинг кўпчилик кишиларини қамоққа ҳукм қилди. Мирзо Комрон (ӯша кетишида) Бекара ва Хушобга кетган эди. Ӯша чегарада Гухкахирнинг одамлари юз ҳийла-найранг билан (Мирзо Комронни) ушлаб олиб, подшоҳ ҳазратларининг олдиларига олиб келишиди. Охир Мирзо Комрон дастидан ғам тортган хонлар, сultonлар, паст-баланд, катта-кичик, аскар ва ҳалқ ҳамма бир оғиздан подшоҳ ҳазратларига давлат тепасида подшоҳ бўлиб ҳукм эгаси бўлган кишига биродарлик расми манзур бўлмайди. Агар кўнглингиз биродарликни истаса, подшоҳликдан кечиңг, агар подшоҳликни хоҳласангиз, биродарликдан кечинг, ахир шу Мирзо Комрон дастидан Дасти Қипчоқда муборак бошингизга қандай дардлар етмади. Аффонларга макр ва ҳийла билан бирлашиб, иттифоқ бўлиб, Мирзо Ҳиндолни ўлдирди, кўп чиғатойлар (шу) Мирзо туфайли нобуд бўлиб кетди, уларнинг хотин ва бола-чақалари, одамлари асир қилиниб, беномус бўлишиди. Бошқа ма-

дор қолмади, хотин, бола-чақамиз, одамларимиз бундан кейин асирик ва (бошқа) азобни тортишга ма-жоллари қолмади. Бошқалар жаҳаннамга, ҳаммамизни жонимиз, молимиз, аҳли аёлимиз Ҳазратнинг бир тола мўйларига садақа бўлсин! Бу биродар эмас, балки душманнингиздир, дейишди. Гапнинг қисқаси, ҳамма бирлашиб, бир оғиздан Ҳазратдан мамлакатга раҳна солганинг боши кесилгани яхши, дейишди. Подшоҳ ҳазратлари бунга жавобан сизнинг сўзларингиз менинг хоти-рим учун бўлса ҳам, лекин менинг кўнглим бўлмайди, дедилар. Ҳаммалари фарёд кўтариб, бизнинг сизга бил-дирган фикримиз, энг яхши маслаҳатдир, деб (туриб олишди).

Охир Ҳазрат: агар бу маслаҳатга ҳаммангиз розн бўлсангиzlар, ҳаммангиз йифилишиб, бу қарорни ёзинг-лар, дедилар. (Сўнг) ҳамма чапу ўнг амирлар йифи-лишиб, «мамлакатга раҳна солганинг боши кесилгани яхши» деган мисрани ёзиб беришди. Подшоҳ ҳазратлари мажбур бўлиб, Раҳtos атрофига етганда, Саид Муҳаммадга: «Мирзо Комроннинг ҳар иккала кўзига мил торт», деб буюрдилар. У шу ондаёқ бориб, мил торти. Подшоҳ ҳазратлари мил тортгандан кейин...¹

¹ Матн шу ерда узилган.

Адабий-бадиий нашр

**ГУЛБАДАНБЕГИМ
ҲУМОЮННОМА**

**ЗАХИРИДДИН МУҲАММАД
БОБУРНИНГ ҲУЛИ — ҲУМОЮН
ПОДШОҲНИНГ АҲВОЛИ**

Тошкент «Маънавият» 1998

*Муҳаррир М. Исакова
Безаклар муҳаррири С. Соин
Техник муҳаррир Н. Никитина
Мусаҳдиқ Ш. Илҳомбекова*

Теरишига бералди 04.12.97. Босишга руҳсат этилди. 06.02.98. Бичими 84×108 $\frac{1}{2}$ см.
Литературная гарнитураси. Юқори босма усулида босилди. Шартни б.т.
6,48. Шарғли ир-отт. 5,88. Нашр т. 5,68. 5000 нуска. Буюртма № 217. Нархи
шартнома ясосидা.

«Маънавият» нашриёти, Тошкент, Шодлик кўчаси, 6. Шартнома 18—97.

Ўзбекистон Республикаси Давлат матбуот қўмитасининг Тошкент китоб-жур-
нал фабрикасида чоп этилди. Тошкент, Юнусобод дæҳаси, Муродов кўчаси,
1-йи, 1998.